


Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3124/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3124/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3124/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3124/A

3124/A

N. VI

Her

HERMES TRISMEGISTUS

WELLCOME
HIST. MED. MUSEUM

✓
22825


S

e-
rò
&
t,

ui
z.

1. k

100/33
15.7.09



HERMETIS TRISMEGISTI
TRACTATUS
VERE AUREUS,

De Lapidis Philosophici secreto, in capitula septem divisus: nunc verò à quodam Anonymo, scholijs tam exquisitè & acutè illustratus, ut qui ex hoc libro non sapiat, ex alio vix sapere poterit, similis enim huic vix hodie reperitur.

Tandem operâ & studio

*Dominici Gnosij Belgæ, utr. M. D.
in lucem editus.*

Qui, quid novit, loquitur, index Iustitiæ est: Qui autem mentitur, testis est fraudulentus. *Pro. 12.*



Lipsiæ, Sumptibus THOMÆ SCHWABER.





ILLUSTRI AC GENE-
ROSO VIRO,

LADISLAO
WELEN, BARONI A
ZIEROTIN, DOMINO IN
TRIBA, LONTENBURCK,
& HONSTEIN,

Domino suo clementissimo.

S. P. D.

HERMETEM Trif-
megistum, apud Æ-
gyptios, Illustris ac
Generose Baro, ma-
ximi sacerdotis, maximi Re-
gis, maximi Philosophi axi-
omata, multis modis clarissi-
misque meritis obtinuisse, ne-
(2 mini

Ε Π Ι Σ Τ Ο Λ Α

mini est ignotum. Inter alia
is libris suis, quæ extant, eam
Philosophiam, præsertim de
naturæ secretis, admiscuit,
quam non nisi ex sanctis divi-
nisque Patribus Ægyptios i-
psos accepisse, plurima sunt,
quæ nobis fidem faciunt plus
quàm plenam & certam.

Et istius verò Philosophiæ
patrum de naturæ secretis quàm
sit arguta ratio, admirabilis
jucunditas, evidentissima cer-
titudo, & ineffabilis utilitas, il-
lorum confirmabitur punctis,
quos non invidus & iniquus
vexat affectus, sed æquus a-
mavit Jupiter, ut in proverbio
dici solet. Cum igitur tanti
aucto-

D E D I C A T O R I A .

auctoris & secretorum naturæ scriptoris, & abstrusæ Philosophiæ patris hic liber ab omnibus solidæ physicæ viris amantibus & doctissimis desideratus nuperrimè in manus meas incideret, & quidem de quo sibi omnes docti magnopere gratulabuntur, commentario supra modum egregio & per necessario exornatus; Utiq; peccati in publica commoda commissi ne reus perhiberi possem, nolui eundem diutius latere, sed è vestigio typis exscribendum curavi. Et hoc unum est, de quo lectorem Hermeticis *παραγγελλίας* non assuetum admonere visum fuit.

X 3

Alte:

E P I S T O L A

Alterum est de causâ, cur
hunc librum Tibi viro tam
literis quàm bello excercita-
tissimo inscribendum curavi.
Illud utique nemo mirabitur,
quòd pro eâ, quæ publicè re-
cepta est, consuetudine, pro-
pter & adversus imperitos &
iniquos iudices, huic libro
patronum & vindicem inqui-
rere fategi. Ergò cum ex fa-
miliari multorum doctissi-
morum virorum conversatio-
ne, plusquàm perspectum ha-
berem Te, non tantùm cun-
ctis viris doctis, sed omnibus
alijs liberalibus scientijs im-
pensè delectari, & in naturæ
secretis investigandis omnes
contendere nervos; jure quo-

DEDICATORIA.

dam singulari antiquissimorum & eruditissimorum Philosophorum princeps ille Hermes Trismegistus quasi redivivus cum doctissimo suo commentatore Tuæ Fidei & Curatellæ fuit commendandus. Et apud quemnam potius deponeremus auctorem & commentatorem de tantis abstrusis & secretis naturæ disserentes, quam apud eum, qui totus totus, quantus quantus est, nil nisi in abstrusis & secretis investigandis occupatus est.


Accipe igitur utrumque fereno vultu, & utrumque adversus iniquos censores, si opus fuerit, viriliter tuere. DEUS
(4 omni-

EPIST. DEDICAT.

omnipotentissim. felicia sub-
inde excitet ingenia, quæ so-
lidam secretorum naturæ in-
vestigationem strenuè ur-
geant, & ad nominis sui glo-
riam, & ad publicam generis
humani utilitatem expoliant.
Vale *Ἀπμήκισον.*

T. G. obsequentissimus

*Dominicus Gnosius Bel-
ga Utr. Med. Doct.*



Pbi-



*Philosopho ter Maximo,
Theosopho: Jurisperito: Medico*

*Hoc est,
Comiti Palatino*

**Dn. JACOB O
ALSTEINIO PATRI-**

**TIO Romano: Equiti aurei calcaris,
& Regiæ Majestati in Gallijs à con-
silijs valetudinis.**

S. P. D.



*Ulemadmodum Chy-
mici Philosophi so-
lent omnes mundi
Lapides in tres præ-
cipuos, tanquam ge-
nerales reducere, in
animalem videlicet, vegetalem & mi-
neralem: Sic Tu quoq, ALSTEINI,
vir inclyte, Patrone & Mecænas
X s Summe*

P R Æ F A T I O.

Summe observande, qui à cunctis no-
men habes Lapidibus, hac principali
nominum triplicitate conspicuè ador-
natus, instar stellæ matutinæ præ mul-
tis alijs fulges: & sic es Theosophus:
Jurisperitus; & medicus. Liberæ e-
nim ac supercœlestis Civitatis muni-
ceps factus, hanc à DEO nactus es
gratiam, ut cum quibusvis, etiam sum-
mi judicij Theologis conferre possis.
Aurei verò calcaris Eques, imperter-
refacto animo accipis armaturam, &
armas te ad Pseudojuridicorum, pas-
sim hinc in mundo occursantium ultio-
nem. Induis enim pro thorace justi-
tiam, & accipis pro Galeâ judicium,
certum: & sumis tandem scutum in-
expugnabile æquitatis, ut illos in aure-
am justitiæ veritatisq; viam reducas.
Quanta etiam tua sit in Medicinâ
præstantia, novit non tantum Gallia:
verum Anglia, Belgia, Helvetia,
Italia,

P R A E F A T I O.

Italia, Bohemia, Moravia, Hungaria, Polonia: imò tota etiam Germania. Quapropter non solum Reges & Principes te magnificiunt; sed summum totius Romani Imperij caput, te aliquoties ad colloquium Socraticum spontè accersi jussit. Ut autem paucis multa complectar, tot tantosq; honorum titulos unicus sub se comprehendit Comitatus Palatinatus, hoc est Privilegium & libertas in splendidissimum & sacrum Philosophorum palatium ingrediundi: ex quo solo hujusmodi dignitatum ornamenta, tanquam spolia Achyllis ex bello Trojano reportasti. Sed quæris fortasse, quisnam ego sim. Anonymus, qui tam audacter te compellare audeam? Dicam id, & hoc quidem Disticho:

Ignis me genuit: sic nomen ab igne resumo:
Non secus ac LAPIDIS tu quoq; nomen amas,
Jam quidem satis me nosse debebas: sed
pro-

P R Æ F A T I O.

propter alios imbecillioris judicij, nominis mei rationem luculentius exponam. Vulcani naturam habeo, omniaq; corpora, quibuscunq; subijcior, temporis longinquitate demulceo, & in meam verto naturam subtilem & spiritualem: imò lapidem ipsum, quavis compactissimum & Adamantis instar durissimum, tandem flecto, solvo, & in tantam adduco mollitiem, ut cere instar fluat. Mollior hætenus, an durior mihi factus sis, ò ALSTEINI, nondum, sat constat. Hoc tamen scio, quia & JACOB diceris, me jampridem, à te supplantatum. Sed diuturniori hac supplantatione, quid quæso effectum iri putas? supplantator nimirum Tu, me tandem victorem sine dubio reddes: sicq; Tu JACOBUS, ego verò, qui igneâ virtute tandem prævalebo, ISRAEL vocabimur: & sub duobus his nominibus,

P R Æ F A T I O.

bus, uno eodemq; animorum consensu
 & conspiratione, constanter invi-
 cem juncti permanebimus. Ulterius
 nihil addens de nomine, hunc saltem
 foetum meum Philosophicum, aborti-
 um quidem & tumultuarium tibi le-
 gendum examinandumq; offero: in
 quo præter infinita alia, quæ brevita-
 tis causa nunc omitto, hoc unum haud
 dubiè improbabis, quod à consueto
 Philosophorum tramite discedens, de
 tantis mysteriis, paulò liberius, quàm
 par sit, scribam. Sed utut se res
 habeat, non tamen id, qualecunq;
 tandem sit, rudiori promiscuæq; ple-
 beculæ objectandum esse censui, prius-
 quàm tuæ subicerem censuræ. Mul-
 to enim rerum usu, me longè antecel-
 lis, ita ut tuo judicio, tanquam firmo
 & solido lubens meritòq; acquiescam.
 Te igitur vehementer etiam atq; et-
 jam rogatum volo: ut id placido sere-
 noq;

P R Æ F A T I O.

noq³ accipias vultu: meq³ tibi unice
commendatum habeas: majora verò
magisq³ expolita aliquando à me, si De-
us longiorem mihi vitæ usuram con-
cesserit, expectes. Vale. Aurelijs ad
Ligirim, 23. Octobr. Anno recupera-
tæ salutis 1608.

Tuæ Magnif.


Subjectissimus Anonymus.

Sap. 3.

Fulgebunt justi, & tanquam scintillæ
in arundinetis discurrent.



Aros





Aros in turba.

EXcelsum est hoc apud Philosophos magnos, Lapidem non esse lapidem: apud Idiotas vile & incredibile: quis enim credit lapidem aquam, & aquam lapidem fieri, cum nihil sit diversius? Attamen revera ita est.



Geber C. II. summa perfectionis.

ET hoc est, quod facit eos opinari, impossibile esse ejus constructionem, quia destructionem artificialem (auri videlicet) ex cursu naturæ ignorant. Attentaverunt fortè, quòd sit fortis compositionis, sed quàm fortis compositionis sit, non attentaverunt,

Philo-



Hermetis Trismegisti

TRACTATUS AVREVS

DE LAPIDIS PHYSICI

SECRETO, IN CAPITULA SE-

ptem divisus: nunc verò à quodam

Anonymo scholijs illustratus.

CAPITVLVM

PRIMUM.

HERMES.

Hermes enim inquit. In tam longa
ætate non destiti experiri, nec ani-
mæ à labore peperci, artem & hanc sci-
entiam solius Dei vivi inspiratione ha-
bui, qui mihi famulo suo pandere di-
gnatus est.

SCHOLIUM.



*R*ia potissimum sunt artis discipulo seu
doctrinae filio necessaria: Studium,
Experientia, & Benedictio divina.

A

Quic.

2 DE LAPIDIS PHYSICI SECRETO

Quicquid enim studio & diligenti meditatione in intellectum nostrum primò implantatur ac inferitur, id postea experientia, siue oculari demonstratione, ab operatione manuali producta confirmatur. In neutra tamen actione felices tibi pollicearis progressus, nisi favorem ac benedictionem divinam, tibi prius quoque conciliaveris. In humanis enim rebus peragendis, primas occupat partes voluntas & decretum DEI: sicut scriptum est, Rom 9. Non est currentis, neq; volentis, sed miserentis DEI. Hanc si propitium & benevolum habueris, nullum extimesces obstaculum, licet vel totus etiam mundus, & diabolus ipse tibi adversetur: nihilominus tamen feliciter tuum perficies propositum. Contra tamen si iratum eundem senseris, omnis labor erit irritus, vanus & inanis, juxta illud:

Nullius est felix conatus, & utilis unquam:

Consilium si non detq; juvetque DEUS.

Hippocrates ad perfectam medicinam septem hac sufficere contendit: Naturam, preceptionem, locum studijs aptum, institutionem à pueris, studium, industriam, tempus. Sed quod præ cæteris summè necessarium est præter-

prætermittit, divinam nempe benedictionem: idq; vel ex DEI ignorantia, vel ex suorum Deorum, quorum infinitum numerum gens olim ethnica colebat, contemptu. Ac quamvis propterea excusandus videatur, quod Ethnicus fuerit: ingens tamen inde discrimen apparet inter ethnicos Chymia peritos & imperitos. Sed dices, Hermetem quoq; Aegyptium ex ethnica gente oriundum fuisse. Fateor id quidem, ethnicus fuit natione: religionem tamen proximè accessit ad verum & legitimum Dei cultum. Magi, qui veniebant ab oriente ad Christum, non addicti Judæorum ceremonijs in colendo DEO, neq; ex eorundem populo, sed ex gentilitia familia orti, nihilominus tamen singulari DEI gratia illuminati erant: & dubio percul, in divino cultu fideliter & realiter persequendo non cessissent vel ipsis Judæis, multis vè hodie pseudo-Christianis. Sed quoniam fit, quod quidam Ethnicorum, ut Hermes, Plato, tres Magi, & similes adhuc plures videntur tam præclaram, alij verò adeò exiguam, aut planè nullam de DEO habuisse cognitionem? Hunc questionis modum solvit D. Paulus in epist. ad Rom. cap. i.

4 DE LAPIDIS PHYSICI SECRETO

Ubi geminam proponit Ethnicorum differentiam, quorum alios dicit DEUM cognovisse quidem, sed non ut DEUM glorificasse & gratias egisse: alios autem occasionem, DEUM ex natura cognoscendi, suâ propriâ culpâ neglexisse. Præterea si omnium ætatum temporâ peregrinamus, conspicuè videre licet, Ethnicos illos philosophos, qui Chymiam simul excoluerunt, præ cæteris majori pietatis virtutumque splendore emicuisse. Absit enim ut Hermes, Pythagoras, Plato, Anaxagoras, alijsq; plures Chymici Philosophi, tam scabiosè & impiè loquantur de DEO, ac ipse Galenus Chymia ignarus loquitur de Christo & Moyse. Multò enim majori pietate & veneratione excoluerunt alium illud & divinum æternitatis NUMEN: cujus infinitam potestatem & immensam gloriam ac majestatem non obscure intuebantur in unico omnis mirabilitatis subjecto, in lapide nempe suo Philosophico: in quo tanquam in lucido speculo videbant omnes omnium rerum naturalium, celestium & elementarium vires atq; virtutes. Unde palàm professi sunt in suis scriptis: *Artem Chymicam aut invenire hominem pium, aut redde-*

C A P I T U L U M. I. 5

reddere illum pium. Hos igitur nostro seculo omnes veri Chymici, viri probi ac cordati, DEU Mq̃ timentes, meritò imitantur. Galenum autem qui sequuntur, majori periculo expositi sunt. Verendum enim, ne discipuli ex diuturna & crebra Galenicorum scriptorum lectione, praeceptoris mores & vitia imbibant, & eandem atheismi labem fortè contrahant. Si libèret medicam historiam à centenis tantum annis repetere, plurimos utiq̃ viros doctissimos & celeberrimos adducere possem, qui praeceptoris nimio amore effascinati, in hanc temeritatis, ne dicam impietatis, scenam prodire, non sunt veriti.

Sed his oblivione sepultis, sequamur potius Hermetem nostrum, qui ingenuè, sineq̃ omni tergiversatione fatetur se in hujus scientiae artisq̃ possessionem non per tectum, ut fures, lupi rapaces, & Pharisei solent, sed per legitimum Philosophiae ostium ex impulsu & inspiratione solius DEI intrasse. Hujus enim sacrae Philosophiae ostium unicum ac solum verum est Spiritus veritatis: qui spirando, ubi vult, aperit & commonstrat Chymiae studiosis viam rectam, eosq̃ deducit in omnem veritatem.

6 DE LAPIDIS PHYSICI SECRETO

tem. Nam in quorum animis semel oritur
ille veritatis lucifer ac stella benedicta, è ve-
stigio inde fugantur & radicitus expelluntur,
omnes errorum tenebrae. Divinitus itaq; nec
aliunde inspiratur Hermetica Philosophia:
nec eadem plures, quàm unum solum autho-
rem, nempe DEUM agnoscit. Ab hoc uno
qui aberrat in hac scientia per vestiganda, su-
am miseriam & errorem haud dubiè tandem
deplorabit. Artes reliquas vulgares qui
scire volet, eas poterit facile ab artificibus &
praeceptoribus, in scholis ad hanc rem destina-
tis perdiscere. Conati quidem sunt hactenus
multi in Scholis & Academijs, Philosophiae fun-
damenta, causas & principia quoq; juxta ean-
dem methodum, è proprio cerebro enatam, stu-
diosè juventuti inculcare: sed quo fructu, ex-
perientia satis superq; demonstrat. Puris enim
Philosophiae fontibus relictis, qui à solo patre
luminum desuper in fidelium corda influunt,
ad inanes & aniles quorundam Ethnicorum
nugas, & hominum otiosorum figmenta atq;
deliria delapsi sunt: & non solum hunc sacrum
& fertilissimum Philosophiae agrum, innume-
ris mendaciorum commentis conspurcarunt &
devasta-

devastarunt: sed alias quoque scientias, puras atque sanctas, suis quisquiliarum sordibus simul inquinarunt, & tam horrendè deformarunt: ut vix ac ne vix quidem scintillulam adhuc in illis agnoscas residuam, genuinam ac primæ integritatis. Tanta cladis causa non minima existit mendosum illud & rixosum artis disputatricis inventum, de qua paulò post infra dicetur. Hinc in varias adeò partes distracta Philosophia, modo ab hoc, modo ab illo violentos depravationum insultus passa est. Quid enim operæ pretium hac in re facerent isti, qui lumine Naturæ destituti, ex proprio cerebro, uno atque altero argumento dialectico in medium prolato, fabulosa principia & causas, pro artis fundamento, simplicioribus ac rerum ignavis obtruderent? Ex qua re tanta opinionum varietas emerfit, quantus philosophantium numerus, ut quem nunc sequaris aut deseras, vix perspicias. Tam obstinato sunt interim quidam animo, ut quamvis apud multos authores evidenter satis agnoscant rei falsitatem, tamen mordicus eos, tanquam milites veterani & strenui antiquitatis defensores propugnent, ac ignominiosum sibi fore existi-

A 4 ment,

§ DE LAPIDIS PHYSICI SECRETO
ment, si à sententia tot seculorum serie sta-
ta, & tam longo artificum usu comproba-
desciscant. Nec satis est, seipsos in tam
hominum mancipia degenerasse, sed ejus-
calamitatis participem quoq; fieri cupiunt.
neram & innocentem studiosam juventutem.
Hinc suos discipulos nolentes volentes in suam
pertrahunt sententiam, ijsq; voce & scrip-
minis & objurgationibus omnem interdici-
philosophandi libertatem: sicq; claudunt
gnum philosophicum ante homines, & ipse
trare non contendunt, nec advenientes intro-
re sinunt. Rectius facerent hujusmodi My-
sophi, si in tam ancipiti authorum electione
stituti, repudiata Aristotelis, Galeni, aliorum
authoritate, ad ipsum fontem suos deducere
discipulos. Fons autem iste ubi? Disce ha-
à Sapiente, si sapis; qui lib. Sap. cap. 7. inquit
DEUS est Sapientia DUX, & sapientium
emendator: in manu ipsius, & nos & sermo-
nes nostri, & omnis sapientia, & operum sci-
entia & disciplina. Ex hoc eodem fonte Her-
mes quoq; noster suam hausit scientiam, ut i-
psemet fatetur his verbis; Hanc scientiam,
inquit, solius DEI vivi inspiratione habui.

Pudens

CAPITULUM I.

Pudeat hodierno seculo Christiani nominis Philosophos, quod se patiantur superari ab Ethnicis: quibus olim nihil constabat de veritatis luce, nempe de CHRISTO, in hunc mundum venturo: qui fons omnis scientiae ac intelligentiae, ipsaq; vera & aeterna DEI sapientia, saepenumero nos insuper in verbo suo paternè ac fraternè allicit, vocat, & amicè hortatur, viamq; ac rationem nobis ostendit amplissimam, quâ possimus non tantum in ejusmodi scientiarum abstrusarum penetralia pervenire, sed etiam his majora desuper à patre luminum adipisci: sed ingratus mundus plus diligit tenebras, quàm lucem, potius delectatur in impuro ethnicorum impiorum caeno volutari, quàm puro ac salutari DEI verbo obtemperare. Quid igitur expectandum his erit, pro tanta ingratitude & summa contumacia? Nihil sanè aliud, quàm simile responsum, quale tulisse legimus inobedientes Israëlitae apud Esaiam cap. 30. quod verbis paucis ad nostrum propositum mutatis ita habet: Vae vobis Philosophi & Medici desertores, dicit Dominus, ut faceretis consilium, & non ex me: & ordiremini telam, & non per spiritum meum,

A S

us ad.

ut adderetis peccatum supra peccatum: qui
ambulat, ut sectemini Græcos mendaces, &
os meum non interrogastis, sperantes singula-
rem sapientiam ac scientiam in nugis Aristote-
lis & Galeni: & habentes fiduciam in delira-
mentis Græcorum, & erunt vobis nuga Aristo-
telis & Galeni in confusionem, & fiducia men-
dacium Græcorum in ignominiam.

Noli mihi huc exprobrare illud tritum in
scholis, quod vis suo loco & tempore agendum,
neg. scientias sacras cum profanis confunden-
das. Nam si me rectè capis, nihil profanum e-
rit in Philosophia: eundem enim cum Theolo-
gia authorem habet. Tibi autem fortasse
vana & profana videtur philosophia, qui eam
didicisti à nugaci & vano magistro. Rectè igitur
tibi erit in confusionem, mihi verò in se-
mitam rectam ad sacras & profundissimas
scientias indagandas. Si ex eodem fonte hau-
reres philosophiam tuam, ex quo eam hausit
Hermes, nihil utiq. profani relinqueretur, de
quo conqueri posses. Considera queso tres il-
las tuæ Philosophiæ partes, Ethicam, Physi-
cam & Logicam: nonne omnium harum
authorem censes DEUM esse? Pra ni-
mio

inopudore id quidem vix negare audes, sed quomodo factò id neges, mox intelliges.

In prima parte, quam Ethicam appellas, præcipuè agitur de virtutibus moralibus, quæ à moribus vel ab assuefactione ita dicuntur. Quare? quia prout tua fert opinio, Virtus est habitus bonus, inclinans ad rectè agendum. Habitus rectè agendi unde comparatur? Longo usu & assuefactione. Usus autem & assuefactio consistit in arbitrio & voluntate hominis. Ergò virtus moralis pendet non à divina benedictione, sed ab homine: qui ex proprijs viribus, usu & assuefactione virtutis habitum sibi comparare potest. Sed quàm absurdum hoc sit, palàm fit ex eo, quod inter virtutem Theologicam & Ethicam, differentia, quam pro tuæ opinionis fundamento perperam constituisti, planè nulla sit. Omnium enim ejusmodi virtutum essentia, mediatè & immediatè procedit ex DEO. Mediatè per thronos, potestates, dominationes, angelos & archangelos. Immediatè per DEUM ipsum. Fortitudinis igitur in Alexandro Magno, Julio Cesare, Lucullo, Sylla,

Sylla, Mario, caterisque heroibus ethnicis alius
 author statuendus non est, quam fortitudinis
 in Samfone, qui unctus erat Domini. Et ne
 impiè hoc fortè dictum putes, pro certo habeto:
 DEUM Solem suum oriri sinere super bonos &
 malos: neque hoc solummodo intelligas de Sole
 caelesti sive firmamentali, sed de supercaelesti
 etiam, de Sole nempe justiciæ, qui filius DEI
 est ab aeterno genitus, in quo Deitas plenariè,
 omnesque virtutes divina corporaliter inhabi-
 tant. Unde Corn. Agrippa lib. 3. cap. 58. Qui
 virtutem, inquit, aliquam possidere cupiunt,
 orandum illis est, & supplicandum crebrò ad
 eum, qui in se omnem continet virtutem.
 Quis autem is est, qui omnem continet vir-
 tutem? nonne Christus Salvator noster, &
 DEUS, cum Patre & Spiritu sancto, qui te-
 ste Malachia cap. 1. æquè versatus & operatus
 est in gente ethnica, quam in populo suo electo.
 Sic enim scriptum legimus apud Prophetam:
 Ab ortu Solis usque ad occasum magnum est no-
 men meum in gentibus, & in omni loco sacri-
 ficatur & offertur nomini meo oblatio munda:
 quia magnum est nomen meum in gentibus
 dicit Dominus exercituum. Sed reprobat
 fuerunt

fuerunt multi ethnicorum, quod cum DEI gloriam & magnificentiam non tantum in externis creaturis, sed in seipsis quoque cognoscerent, aut cognoscere potuissent: DEUM non ut DEUM glorificarent, nec ipsi pro tam infinitis bonis ac donis gratias agerent: sed fortis fortitudinem sibi, non DEO: justus justitiam sibi, non DEO: dives divitias sibi, non DEO acceptas ferrent. Quod conspicuo Nebuchodonosoris Regis Babylonis exemplo facile probabimus, si res postulat. Is enim non DEO, sed sibi ipsi adscribit regni sui splendorem & amplitudinem: dum imprudens in hac erumpit verba: Nonne, inquit, hæc est Babylon magna, quam EGREDI edificavi in domum regni, in robore fortitudinis MEÆ, & in gloria decoris MEI: Sed cum adhuc sermo esset in ore regis, vox de cælo ruit: Tibi dicitur Nebuchodonosor rex: Regnum tuum transibit à te, & homines ejicient te, & cum bestiis & feris erit habitatio tua: fœnum quasi bos comedes, & SEPTEM tempora mutabuntur super te, donec scias, quod DOMINETUR EXCELSUS IN REGNO HOMINUM, & cuiuscunque voluerit, det illud. Dan. cap. 4. Quale
quæso

quæso hoc regnum erat, Israëliticumne sive fidelium electorum DEI? an verò Babylonicum ac infidelium ethnicorum? Maxime infidelium, in quo tamen nihilominus dominabatur EXCELSUS. Dominari autem dicitur Dominus in regno hominū, quod idē est ac dominari in hominibus regno præfectis. Ex quo meridiana luce clarius patet, virtutē Theologicam & Ethicam, fideliū & infidelium, ratione essentiali & originis non invicē differre, sed ab uno eodēq; autore, nēpe Deo proficisci: fidelibus autē in salutē, infidelibus verò & ingratis cuculis in iudicium & eternā condemnationē cedere.

Hinc facile elucescit discrimen inter Ethicam Hermeticam, quam potius Christianam appellare fas est, & inter Ethicam Peripateticam sive paganam. Hermetica sive Christiana agnoscit DEUM, unum omnium virtutum authorem, ad eundemq; colendum, tanquam ad finem ultimum refert omnium quoq; virtutum actiones. Peripatetica verò sive pagana in virtutibus excolendis, non DEI benedictione, sed proprijs nititur viribus, quod fundamentum est falsissimum, finemq; similiter spectat spurium & adulterinum, gloriā videlicet

videlicet vanam & inanem. Et quod miror, hic paganismus nondum exolevit in Christianorum scholis, sed tanquam pars Philosophiæ summoperè necessaria, excolitur: Ex quo si nulla capitur utilitas, ejus Professores in Academijs hanc capiunt solam, ut conscribant theses Ethicas, quas defendendas obtrudant studiosis, à quibus postea amplum aliquod expectant honorarium: quale non ita pridem, quidam de liberalitate disputans, præsidi suo pro præsidio exhibuit, viginti nimirum aliquot thalerorum imperialium: quam liberalitatem ut summoperè in hoc laudavit præsides, sic vicissim alios vituperavit, qui minus obtulerant. Hac scilicet à professione Ethices emanat utilitas, ut Doctores nunc questum ex ea faciant: sed dum illi leges & præcepta virtutum alijs præscribunt, sibiipsis non cavent, quin interim in horrenda vitia, in avaritiam nempe, & similia plura, imprudenter incurrant. Quod si quis præter enumeratam utilitatem, & hanc intrudere conetur, quod nimirum Ethices præcepta plurimum inserviant studiosæ juventuti in moribus externis informandæ: tunc huic telo oppo-

oppono unicam pietatem, quæ utilis est ad omnia, habens promissionem tam præsentis, quàm secuturæ vitæ. In hac una si benè erudiantur, & proficiant adolēscētes: tam externorum quàm internorum morum elegantia, vitæq; integritate præstantissimi evadent. Valeat igitur cada verosa illa & emortua Paganorum Ethica, cum Christiana nostra è vivis divinitatis fontibus profecta, nos non tantum secularis felicitatis in hoc mundo, sed æternæ etiam beatitudinis in secutura vitæ, participes efficiat. Hujus namq; virtutes fiunt ex fide vera in Christum, sine qua nemo hominum DEO placere, aut salvari unquam poterit. Sin verò quis iterum hīc inferat, quasi Ethicam cum Theologia confundam: sciat is me non authorem esse tantæ affinitatis, vel potius identitatis in utraq; scientia, sed ipsam æternam DEI sapientiā, à qua tanquam à centro emanarunt omnium scientiarum, artium & disciplinarum radij, & rursus in eandem quq; tanquam in idem centri punctum, collimant simul omnes: ita ut quascunq; scientias hominum curiositas & superstitio disjunctit & divisit in Theologiam, Ethicam, Jurispruden-

prudentiam, Politicam, Physicam, Logicam,
 Astronomiam, Cabalam, Magiam, Chymiam,
 & alias plures: hae omnes complectitur sub
 se unica Philosophia Hermetica sive Christia-
 na: quae una unico aeternae veritatis funda-
 mento, firmo & immoto stabilita, plures qui-
 dem in aspectum externum producit, quae tamē
 omnes in idem redeunt principium internum.
 Omnia namq; ab uno, & omnia ad unum.
 Hinc D. Paulus rectē & Christianē philosopha-
 tur, inquiens: Divisiones sunt gratiarum, i-
 dem autem spiritus: Et divisiones ministrati-
 onum sunt, idem autem Dominus: Et divisi-
 nes operationum sunt, idem autem DEUS, qui
 operatur omnia in omnibus, 1. Cor. 12. Redite
 ergo in viam o pagani Philosophi, & DEO
 reddite gloriam, non vestrae inani Philosophiae,
 per quam ne seducamini, fideliter vos admonet
 idem Apostolus. Abdicare falsas de virtutum
 habitu comparando persuasiones: DEUM o-
 mnium donorum & honorum authorem, assi-
 duis exorate precibus, ut vobis mittat intelli-
 gentiae & sapientiae spiritum, qui vos in veri-
 tatis hortum, sanctis & angelicis virtutum
 flosculis fragrantissimum deducat: in quem si
 B intromis-

intromissi fueritis: oculi vestri aperientur, & pulsas errorum tenebris, videbitis philosophica lucis claritatem, in qua postea pijs votis & meditationibus pascetis oculos vestros: suavissimamque spirituum melodiarum consonantiam, harmonicoque concordia concentu unanimes, TE DEUM LAUDAMUS cantabitis, & remotis tandem cunctis inanibus & frivolis disputationibus, etatem invicem in pace transigetis.

Transeamus nunc ad Physicam, alteram Philosophiae vestrae partem: quae quam fide ementitis & fictis hominum opinionibus inquinata sit, vel cuius in hac parte leviter initio palam est. Hanc non repetitis à primo & vero fonte, qui est Deus, author, conditor, & creator rerum omnium, sed ab Aristotele, quem propterea per excellentiam Philosophum appellatis, quasi is solus sit primus inventor, princeps & monarcha huius scientiae. At si Physices principia vera & genuina conferamus cum Aristotelis fictis & commentitijs: tantum discrimen inter utramque animadvertemus, quantum caelum distat à terra. Hermetici cum Moyse, verè & rectè statuant, mundum hunc, & quicquid in eo continetur,

netur, conditum, & creatum esse à DEO, ex
nulla alia praeexistente materia, quam per so-
lum verbum FIAT. Ut primum enim Deus
dixit: Fiat cælum: fiat terra: facta sunt: ita
ut principium rerum omnium, non investigan-
dum sit aliud, quam solum hoc verbum,
procedens ex ore DEI.

Sed obstāt hīc quidā nasutuli, dicentes, quod
quamvis abnegari nō possit, verbū Domini esse
causā & principiū rerum omniū, tamen id so-
lummodo intelligendum esse de causa efficiēti,
non autem de causa materiali. Absurdum
enim esse autumant, si quis asserat, hoc VER-
BUM, quod non est nisi flatus, spiritus & an-
helitus essentialis DEI, corporeum, & visi-
bile factum abijisse in lignum, lapidem, &c.

Sed quā ridicula omniq; explosione dig-
na, hac sit objectio, ex eo constat, quod diffe-
rentia hac inter causam formale & materiale
locum tantum habeat in rebus artificialibus:
non autem in naturalib. multo minus in opere
creationis. In artificialibus quidem, lignū tan-
quam subiecta materia, ex qua formatur men-
sa, separatū quid est ac diversum, à scri-
nario sive artifice, qui efficientis sive formalis
B 2 cause

causa officio perfungitur. In naturalibus au-
 tem materia & forma non separatum quid ex-
 istunt, neq³ ullam in ijs diversitatem quis in-
 veniet, nisi idem velit quoq³ sensuum fideli te-
 stimonio relicto, fingere ea, quæ nullus morta-
 liū unquam vel vidit, vel audivit, gustavit,
 olfecit, palpavit. Sed obstinati illi nimis in
 sua opinionis perversitate, non sensuum iudicio
 semper standum esse dicunt: illudq³ Galeni
 placitum, tanquam clypeum æneum huic ve-
 ritati opponunt, quod 2. de simpl. fac. cap. 2. &
 3. author his ferè verbis descriptū habet: Ubi,
 inquit, sensus hebescit, ibi ad rationem ceu di-
 vinio rem hominis partem deveniendum est.
 Sensus quippe brutis unā cum homine commu-
 nis est: rationis autem lucidior ille oculus ea
 percipit, quæ sensus aciem nimis hebescentem
 effugiunt. Sed quā sophisticum hoc sit ho-
 minis versatilis inventum, quo quidvis pro-
 bare, quidvis etiam diluere proclive sit homini
 impudenti: facile percipiet is, qui recto valet
 iudicio, & vel tantillum in veritatis lumine
 versatus est. Videamus igitur, quomodo A-
 ristotelis principia physica cum Hermeticis con-
 veniant. Diximus, principium omnium re-
 rum

rum creatarum fuisse unicum DEI creantis
verbum: quod essentialiter ex ore DEI ema-
nans, adhuc inseparabiliter rebus omnibus in-
haret, illas conservat, & vivifico suo vigore
ad novam iteratamq; generationem continuè
à primo creationis puncto usq; permovet, & in
seculi usq; consummationem permovebit. Ari-
stoteles non ex ore DEI, sed ex vertiginoso suo
& insipido cerebro proponit tria principia, ma-
teriam, formam & privationem. Materiam
videlicet informem: & formam immateri-
atam. Privationem autem dicit esse tertium
principium, quod concludat duo in sese: nega-
tionem formæ introducendæ, ne prius sit res,
quàm fieri incipiat; & aptitudinem ad illam
recipiendam, quæ dynamis seu potentia est. Sed
mera somnia mihi videntur narrare Peripa-
tetici, quoties ejusmodi fabulorum & sterili-
um principiorum mentionem faciunt: imò ma-
jorem certitudinem tribuo somnijs, quibus in-
terdum utcunq; eventus respondet, quàm illis
principijs.

Si enim verum est hoc axioma philoso-
phicum ejusdem Aristotelis, ut ipsemet non du-
bito verissimum esse: Nihil videlicet cadere

in sensum, quod non prius fuerit in mente: nihilq; verè existens in mente esse, quod non cadat in sensum: si, inquam, hoc verum est, falsissimum e contra & mendacissimum, erit hoc de tribus principijs commentum. Quis enim unquam tam acuto sensu praeitus fuit, ut p- tuerit vel oculis, vel lingua, vel reliquis sensuum organis comprehendere materiam, sine forma, aut formam sine materia. Sed, inquires, ubi sensus hebescit, ibi ad rationem veniendū est: scilicet idem est, ac dicas: ubi veritatis lux non illucescit, ibi ad mendaciorum diverticula fugiendum est. Hinc emergit manifestum discrimen inter Physicam Hermeticam & Peripateticam. Ut enim illa à patre luminum, nempe à DEO desuper hominibus fidelibus donatur: ita hac à patre tenebrarum & mendaciorum, cacodemone nimirum, infidelium turbae, Aristoteli scilicet & ejus affectis insusurratur. Quamvis autem cogantur Peripatetici nolentes volentes fateri primum ac supremum motorem esse Deum: tamen gloriam DEI non quærentes, id rursus negant per traditionem suarū fabularum de dictis illis tribus principijs & de eternitate mundi. Dolendum sanè est, tam

tam infirmo ac debili Peripateticorum fundamento superextrui, tam elegans ac pulchrum physices ædificium: quod ex falsis & adulterinis principijs, corrumpi quoque & depravari necesse est. Dato enim uno inconvenienti sequuntur innumerabiles falsæ conclusiones. Quod cum maximo suo damno pro dolor experiuntur Naturalis Philosophiæ studiosi: qui de causis physicis disputantes perpetuis incertitudinis fluctibus agitantur, adeo ut nusquam locum inveniant, quò pedem tutò figere possint. Nihil dicam de medicina, his iisdem suffulta principijs, qua nulla artium incertior ac mendosior sub Sole existit. Theologi quoque, hujus calamitatis consortes, ex horum principiorum falsitate, in plurimas hætenus inciderunt absurditates & errores, quos facile evitarent omnes quarumlibet scientiarum ac disciplinarum alumni, si spretis ethnicorum fabulis, Hermetica & solè veræ Philosophiæ operam suam addicerent. Credite mihi, inter Hermeticos Philosophos (loquor de veris, non de Sophistis & Pseudochristianis) nullum in scientijs & artibus dissidium aut dissensionem unquam fuisse, nec in æternum fore.

In unico enim veritatis centro, quod simplex, stabile, & immotum semper manet, conveniunt omnes.

*Tandem adhuc videamus reliquam vestrae Philosophiae partem, Logicam videlicet, sive Dialecticam: quae definitur esse ars bene differendi, ratiocinandi, argumentandi, verum à falso discernendi, disputandi, disceptandi, vel potius rixandi, altercandi, controversias excitandi, lites spargendi, excitationes & motus pertinaciter & petulenter fovendi, rarissime easdem componendi: dubia proposita frigide & jejune, vel vix & nunquam solvendi, & denique in salebroso incertitudinis labyrintho perpetuo versandi. Hac enim arte in utramque partem, ut vocant, pro & contra disputandi in usum vocata, tot infinitarum opinionum portenta in lucem prodierunt, quae alias suo tenebrarum pulvere obtecta diutius latuissent, nisi horum authores tam speciosis probabilium, hoc est, incertarum, infirmarum, fucatarum, non verarum, ac falsissimarum rationum armis freti in quamvis disputandi arenam descendere se animose quidem, sed satis proterve ac impudenter obtulissent. Vis scire, unde
tot*

tot schismata in Ecclesia sint orta,? Solo dialecticorum sive disputatorum, vel potius hominum contentiosorum & litigatorum vitio: qui arte benè differendi inflati, in ambitionem & gloriæ cupiditatem inciderunt. Ambitio verò excitavit novam opinionem. Nova verò opinio peperit dubium. Dubium Syllogismos. Syllogismi pro & contrà disputandi libidinem & emulationem. Aemulatio contentionem. Contentio discordiam. Discordia verò schismatum proxima causa, est à Diabolo. Pax verò & concordia à DEO. Ergo omnes Theologi seditiosi, rixosi & contentiosi sunt à Diabolo, & ejus ministri. Pacifici verò & concordie amantes, à DEO, ejusq; fideles servi. DEUS enim noster, non dissensionis DEUS est, sed pacis. I. Corinth. 4. Sed dices, has ultimas enumeratas Logices proprietates, non legitimo artis usui, sed ejusdem abusu adscribendas esse: quem si spectare quis vellet, posset pari ratione arguere, ceteras artes omnes non solum reprehendendas, sed è medio penitus tollendas esse. Rectè sanè occurrì abusu pretendendo: in quo quidem ambo in eandem imus sententiam. Nihil enim magis

B s ipsemet

ipsemet improbo ac detestor, quàm malum rei
 usum. Sed opinionum diversitatem tantùm
 in eo habemus: quod ejusmodi abusus originẽ
 aliunde, quàm mea fert sententia, derives.
 Existimas enim artem, quam ex Aristotelis
 aliorumq; authorum voluminibus hausisti,
 per se esse bonam & laudabilem: abusum au-
 tem ejusdem supervenisse petulantum quorũ-
 dam & sceleratorum hominum malitia. Ego
 verò contrà primariò artem ob culpam ipso-
 rum authorum, jam vitiosa imperfectionis
 (omne enim donum imperfectum est à Diabo-
 lo: perfectum solum à DEO: ut Paracelsi do-
 cet Symbolum) veneno infectam & deprava-
 tam esse affirmo: adeò ut idem venenum in ar-
 tis cultores derivatum, tantæ abusionis pestem
 introduxerit. Clarius hoc patebit, si artem per-
 fectam & sinceram, cum imperfecta & con-
 taminata conferamus. Contraria enim sibi in-
 vicem opposita magis elucescunt. Perfecta ni-
 hil aliud est, quàm impressio radiorum divino-
 rum, quorum vis sola, nulla librorum scripto-
 rum, aut axiomatum, dialecticorum ope,
 Philosophus rectè ratiocinatur, & verum
 à falso discernit. Liber autem in quo con-
 scrip-

Scripti isti radij reperiuntur, est multò major, quàm, ut tam angustis Logices carceribus includatur. Est enim abyssus divinitatis, in quo infinitus rationum, apodicticarum, certarum, firmarum, verarum, ac planè irrefutabilium thesaurus viget. Ex his locis si Philosophus argumentum, aliquod sumferit: certam utiq; & infallibilem, inferet conclusionem, contra quam omnes paganorum colonia non prævalebunt. Imperfecta autem & corrupta Logica, est solummodo mancum mutilumq; curiosorum hominum inventum, qui totum hoc universum, cælum, & terram, DEUM, angelos & homines, occulta, & manifesta, certis & paucis quibusdam regulis ac locis Dialecticis, ut vocant, comprehendere temerario ausu conantur. Quid enim ineptius vel auditu absurdius excogitari potest unquam, quàm ex tam strictis & fictis Logices cancellis, ratiocinari velle de infinita DEI majestate & potentia, tam in verbo suo, quàm in natura, partim manifestata, partim non manifestata. Infinitum enim perscrutari nemo potest per finitum, sed

sed per infinitum. Quod autem ut fiat, non ad organum Dialectices finitum, sed ad fontem infinitatis, DEUM nempe ipsum, omnium artium authorem recurrendum erit: qui solus ex inexhausto & infinito suae benignitatis scrinio, petentibus & fidelibus suis liberalissimè largitur spiritum discretionis inter verum & falsum, adeò ut de quavis questione proposita, rectum & inculpatum ferre queant iudicium. Cum econtrà pagani, certis axiomatum limitibus in nimiam coacti angustiam, de rebus iudicandis timidè admodum pronuncient, & è mille propositionibus, vix unam veram & stabilem, quae non levissimo quovis rationum momento everti possit, proferant. Hinc nempe fundi istius calamitas, quod disputantes, copia rerum superati & confusi, in tot inextricabiles errorum syrtes precipitentur. Quomodo enim inde pedem retrahant, cum canonum locorumq; penuria pressi, quò se vertant, amplius nesciant. Ne autem idcirco videantur indocti & artis rudes, nominis sui & existimationis salutem querunt rixis & altercationibus: ex quibus postea prolabuntur in convitia & calumnias: sicq; continuata serie de vitio in vitium

vitium progrediuntur. Vides ergo abusum
Logices primario adscribendum esse vitiosæ
artis inventoribus: secundario verò horum
asseclis & sectatoribus, qui nimio paganorum
suorum praeceptorum amore excacati, verita-
tis lumen minus inspiciunt, sed ita antiquam
illam erroris cantilenam cum ipsis canere per-
gunt: nec ab instituto desistunt, priusquam
Mosaicam vel Hermeticam scholam ingressi
discant, omnium artium & disciplinarum stu-
dia vana esse & irrita, nisi à DEO illarum
unico authore inspirentur, & ejusdem favore
& benedictione foveantur & conserventur.
Sed non absurdum Davidicum illud Psal. 13.
in modernos Peripateticos & paganos usurpare
nunc licet: Ubi scriptum legimus: Omnes
declinaverunt simul inutiles facti sunt: Cor-
rupti sunt, & abominabiles facti, non est, qui
faciat bonum, non est usq; ad unum. Ac
licet ex tanto numero vix unus atq; alter ve-
ritatis lumine irradiatus resipiscat: vix ta-
men palam id profiteri audet, sed ex metu reli-
quorum Phariseorum, hominum fanatico-
rum, cogitur tanquam alter Nicodemus no-
ctu, hoc est, in occulto sua artis negotia tracta-
re,

re, nisi velit audire hæretic⁹, magus, exorcista, sophista, Ramista, Paracelsista, Alchymista, etc.

At sufficit his generatim tantum ostendisse differentiam inter Philosophiam Hermeticam sive Christianam, & Peripateticam sive paganam: ac breviter simul originem, causam & principium utriusq; lectoris iudicio subiecisse. Qui ex veritate est, inquit ipsa veritas, Salvator noster Christus, vocem meam audit: qui verò amat mendacium, in via sua, antequam dimidium mundani absolvat itineris, miserè peribit. Resipiscite o pagani philosophi: paganisimum illum vestrum in Philosophia DEO & omnibus bonis abominabilem exuite, & Christianisimum verum induite: hunc non ore tantum profitemini, sed re ipsa & factis ostendite, ac cogitate, quod ratio unicuiusq; verbi otiosi sit reddenda. Quæ autem major vanitas, quàm sectari & defendere paganorū deliria, quæ tot manifestis abundant nugis ac mendacijs, ut in illorum scriptis vix occurrat unica pagella, quæ non totidem errores, quot lineas atq; verba contineat, adeò ut ijs emendandis una litura sufficiat. Hæc itaq; de inspiratione divina, tanquam præcipuo artis capite, paullo

paullo fusius ab initio tractare volui, ut lectorum animi hoc Hermetis exemplo pellecti, primo statim limine aptiores redderentur ad ea, quæ sequuntur, pervestiganda & cognoscenda.

Quemadmodum autem in hortulano, cæli clementia & astrorum influentia non sufficiunt ad plantulas suas fovendas & educandas, nisi diligens quoque accedat soli agrique cultura: ita Philosophus vix aut nunquam dignabitur inspiratione illa divina, nisi animum debito modo preparatum & instructum adferat. Preparatio autem huiusmodi in duobus potissimum officinis perficitur. In oratorio videlicet & laboratorio: quorum quodlibet proprijs & peculiari-bus utitur instrumentis. Oratorij præcipue hæc sunt: Preces, orationes, vota, gemitus, & suspiria, incessabilia ad DEUM opt. max. Item studium, diligentia, industria, assiduitas, indagatio & frequens meditatio in libris Bibliorum & Naturæ. Laboratorij autem in genere ferè sunt carbones, furnus, forceps, vas, follis, & huius generis infinita alia, quæ omnia singulatim recensere nimis longum foret. His paucis tantum in laboratorio rectè aptatis, igneque tum in furno philosophico, tum in pectore pie accenso,

arti-

artifex tam demum DEI imploret auxilium, nec cesset ab instituto: donec voti compos, expectatam certamq; DEI benedictionem experiatur: non secus ac ipse Hermes, qui post varios labores, divinam sibi gratiam contigisse, liberè ac ingenuè profitetur, dum inquit: Anima non peperci à labore, & hanc scientiam solius DEI vivi inspiratione habui, qui mihi famulo suo pandere dignatus est.

HERMES.

VERum rationabilibus judicare vim rabitrandi tribuit, sed nemini occasionem delinquendi reliquit.

SCHOLIUM.

DEUS hominem à ceteris animantibus ideò distinxit, ut ratione præditus ceteris creaturis præesset, & cuncta suo dominio subderet. Hæc autem rationis vis nihil aliud est, quàm portiuncula sive scintillula quædam divinitatis spiritus invisibilis, sive spiraculum vitæ, quam inspiravit DEUS in faciem hominis, & fecit hominem in animam viventem, Gen. 2. In hac rationis luce vult DEUS, ut piè & sapienter ambulemus; & in lege ejus
tum

tum scripta, tum per Naturam & Creaturam nobis revelata meditemur die ac nocte.

Adam quidem Protoplastus in ea luce, qua ante lapsum perfectè ornatus, præ cæteris omnibus creaturis, sicut Sol inter astra, fulgebat, tanquam in lucidissimo speculo contemplabatur omnia mirabilia DEI. Sed quia post transgressionem legis, hoc rationis lumen in posteris ejus, à prima sua perfectione & claritate multum defecit: ad hujus instaurationem sese ultro obtulit filius DEI Christus Jesus, qui nobis fidelibus suis factus est in animam vivificantem, spirituales, cælestem. Hac anima in nobis, tanquam media natura, duce, cooperante simul sacrosancto gratiarum ac donorum flamine, rursus à somno ignorantia, improbitatis & mortua Philosophia resurgentes, & in latissimum scientia, sinceritatis, & viva Philosophia campum excurrentes, in eoq; strenuè & assiduè nos exercentes, merito gloriari possumus, quod in reparata rationis Luce, & in vjs Domini, prout decet sapientes, fideliter ambulemus. In hac enim luce si ambulaverimus, voluntati divinae minimè reluctabimur. DEUS, autem, ut

C

Her-

Hermetis est sententia, hanc libertatem sive arbitrium philosophandi hominipermissit. Contrà verò nequaquam DEI voluntas est, ut homo peccatorum vitis se polluat, aut qualem-cumq; delinquendi occasionem oblatam arripiat. Hostis enim peccati insensissimus est, nec impune abibit ullus, quicumq; peccatorum dominio obnoxius, frena nimis laxata nō inhibet.

H E R M E S.

EGo autem nisi iudicii diem, aut animæ damnationem, ob absconfectionem hujus scientiæ metuerem, nihil de hac scientia patefacerem, nec cuiquam prophetisarem. Volui verò debitum fidelibus reddere, uti author fidei mihi largiri dignatus est.

S C H O L I U M.

SI cui dubium est de Philosophia Hermetica, num Christianismo conformis sit, nec ne, huic relata modò verba dubitationis istius scrupulum mox excutient. Quæ enim major possit esse affinitas & cognatio, quæ propius accedat ad Christiani hominis veram notam, quàm qualis ex his Hermetis verbis percipitur. Mandatum enim habemus, ut D E U M diligamus

mus ex toto animo, & omnibus viribus, & proximum sicut nos ipsos. Author DEUM tanta cum reverentia & timore amat, ut, nisi in amore & timore ejus constans persistat, vereatur, ne reus fiat judicij æternæ damnationis. Proximum autem non aliter ac seipsum, fideli etiam amore prosequitur in eo, quod communem scientiæ suæ socium illum reddere percipiat: quod utiq; nunquam in animum induxisset suum, nisi extremi judicij terror & DEI ac paucorum fidelium amor animum ejus inflexisset. Sed quæres forsân, quænam sit hujus tenacitatis in arcano isto revelando causa? impietas nempe hominû, quorum plurimus numerus indignus est, ut in sacrariû Philosophiæ intromittantur: propter hos nimirum, inquit, nihil se patefacturum fuisse: sed quia ex tanta impiorû & sceleratorû hominum multitudine, DEUS semper in quibusdam quantumvis paucissimis reliquit semen Philosophicæ pietatis: propter hos paucos dicit, se talionis legem sanctè servaturum: hisq; eandem scientiam, quam à DEO revelatâ impetravit, literis ita consignatam tradituram: ut nihilominus non nisi digni doctrinæ filij.

36 DE LAPIDIS PHYSICI SECRETO
filij, ad quos, ut mox audiemus, hunc sermonem instituit, verum inde sensum elicere possint.

HERMES.

INtelligite filij sapientum præteritorum Philosophorum, non corporaliter, nec imprudenter 4. elementorum scientiam, quæ sunt patientia suis rationibus, & cum sua abscondita operatione. Est enim eorum occulta operatio. Nam nihil agit, nisi componatur, quia non perficitur, nisi prius sui colores peragantur.

SCHOLIUM.

Compellat author filios sapientum, hoc est, discipulos artis dignos, pios, & electos. Non enim omnes, qui se dicunt filios doctrine, in intima artis penetralia introibunt. Sunt enim pauci, quos Jupiter æquus amavit. Frustrà igitur conantur, huic sese arti ingerere, qui natura sua ad hanc minus apti sunt. Eundem enim eventum tandem experiuntur, qualem plurimi monachorum experiri solent: qui dum pueri adhuc, de naturali inclinatione
non

non satis constantes inconsulto quodam zelo in
canobia ingrediuntur, adulti verò ad ingenium
redeunt, longè ad diversa feruntur studia.
Hinc vitam monasticam exosi, monasterijs valedi-
cunt, exeunt, discedunt, erumpunt, evadunt sitque
sepenumero ex monacho machus, ex raso Thra-
so; ex religioso agaso. In idem turpitudinis
barathrum incurrunt quoque ii, qui ultra genij
& ingenij vires se insinuare conantur huic
profundissima scientia: post varios enim labo-
res, frustra susceptos & insantos, de summo
artis fastigio assequendo desperantes, mirabili
quadam metamorphosi fiunt tandem ex Philo-
sophis sophista, ex medicis medicastri: quorum
hodie ingens numerus ubique locorum occurrit:
qui multivarijs constructis fornaculis, dies ac
noctes coquendo, distillando, extrahendo, (vel
potius expilando nummos puta ex proprijs &
alienis oculis) subtiliando, incrassando, sum-
maque imis confundendo, magnum medicamen-
torum Chymicorum, ut vocant, acervum sibi
comparant, sibi que multum in vano isto labore
sapere videntur: ac nisi manifesta reclama-
ret experientia, multis equidem, nec non do-
ctis ac eruditis sua persuaderent garrulitate,

foetida sua stercora esse meros ficos dulces & suaves. Ex Chymicis autem vulgaribus, neq; adeò doctis fiunt Chyrurgi, balneatores & circumforanei: Ex deploratis verò & desperatis Alchymistis impostores, fures & furciferi, quorum non pauci nostra quoq; aetate, patibulo suspensi & suffocati vitam misere finierunt. Ergo

Tu nihil invita dices faciesvè minerva. Observavi frequenter in colloquijs, cum huiusmodi farinae hominibus institutis, ipsos neglecta omni scriptorum Philosophicorum lectione ac meditatione tantum in ore habere, nummos: nummos loqui, nummos somniare, nummos vigilare. Ex quibus nonnulli tanta aviditate auri argentiq; corradendi tenentur, ut non homines, sed lupos referant famelicos, qui octo pluriumvè dierum inedia emaciati, escam ex rapina oblatam, ardentissimo deglutiendam stomacho appetunt. Ejusmodi lupi voraces & Chrysophagi longè ab arte arcendi sunt, utpote quos voluntaria Philosophorum paupertas non agnoscit pro genuinis discipulis, sed pro spurijis, è regno Philosophiae procul hinc in exilium relegandis, nec in eternum nisi forte
res-

resipiscant, revocandis. Ridet enim Natura (inquit doctissimus Severinus) avaras spes: ac multo tolerabilior est in Philosopho imperitia, quam avaritia: tolerabilior item ignorantia, quam intemperantia & luxuria. Decet enim Philosophum esse virum pium, probum, constantem in dictis & factis, firma fide in Deum, prudentem, & nullius rei avarum, præterquã sapientia.

Premissis igitur his, quæ præcipuè in vero artifice reperiuntur, Hermes nunc orditur operis magni descriptionem, quod appellat scientiam elementorum. Ne autem quis putet, illum loqui de elementis, prout ea vulgò in scholis peripateticorum accipiantur: qui elementum ajunt esse corpus simplex, ex quo quidq; primum constituitur; addit hæc duo verba, non corporaliter, nec imprudenter: Si non corporaliter nec imprudenter: Ergò πνευμαλινῶς ἡ σοφικῶς, hoc est, spiritualiter & sapienter. Utuntur Philosophi Chymici semper hac licentia in docendo, ut artis vocabula, fingant pro suo cujusvis arbitrio. Nam quidam, principia artis dixerunt esse 4. elementa, terram, aquam, aërem, & ignem, ut hîc Hermes noster:

47 DE LAPIDIS PHYSICI SECRETO

aliij verò tria tantum statuerunt principia, animam, spiritum, & corpus, ut idem Hermes a-
libi: vel salem, sulphur, & mercurium, ut Pa-
racelsus: aliij duo, agens & patiens: mascu-
lum & feminam: sulphur & Mercurium: a-
liij unum tantum, aquam videlicet Philosophi-
cam. Sed relictâ nominum multitudine, quæ
penè infinita existit, artis potius studiosi se con-
vertant ad indagandum noscendumq; unicum
istud subiectum, de quo Philosophus hoc versu:
Est in Mercurio quicquid quærunt Sapientes.
Quia verò rei cardo in eo potissimum verti-
tur, ut artis discipulus omnium primum, ex-
ploratum benè habeat hunc Philosophorum
Mercurium: in ejus gratiam, hic proponam
figuras aliquas hieroglyphicas: quibus varij
Mercurij proprietates & conditiones, quanta
fieri potest luce & brevitate, adumbrabo.

I.

Circulus simplex.



Hic

Hic circulus nihil aliud significat, quàm
 verum & unicum Philosophorum Mercurium,
 materiam primam, aquam Philosophicam pri-
 mordiale, simplicem & sine divisione unam.
 Nam rotunda circuli figura, carens angulis,
 unitatem simplicem denotat. Si quis enim cir-
 culum descripserit, neq. principium inveniet,
 neq. finem. Ex quo colligitur, hunc eundem
 Mercurium esse principium, medium & finem
 operis: sine quo qui laborare præsumet, oleum &
 operam perdet, & nunquam ad veritatis lu-
 cem perveniet.

2.

Circulus duplex.



Gemina circuli descriptio indicat duplica-
 tū illum Bernhardi Trevisani Mercurium, agēs
 videlicet & patiens: sive sulphur & Mercuriū.
 Ac quāvis binarius numerus confusionis au-
 thor dicatur, & proinde materie diversitatem
 aliquam arguere videatur: nulla tamen planè

C 5

est


42 DE LAPIDIS PHYSICI SECRETO

est diversitas. Ambo enim Mercurij ejusdem sunt originis, ejusdēq; naturæ & essentia, quod vel ex utriusq; forma circulari facile innotescit. Nihil autem refert, quod interior minor appareat exteriori. Majoris enim perfectionis ac præstantia id tantum signum est. Res enim quò apparentior, eo quoq; corpulentior: quò verò abstrusior & abditior, eò spiritualior, perfectior & nobilior existit. Minor autem occultatus in majorem agit, eumq; sibi assimilat.

3.

Triangulum Philosophorum triplex.

Sal five corpus.




Eadem est utrobique horum ternorum triangularum significatio. Sicut enim corpus & anima: sal & sulphur non possunt invicem conjungi, & per minima uniri, nisi mediantibus spiritu & Mercurio: sic quoque Luna & Sol procreare non possunt sobolem sibi similem, nisi mediante Mercurio, qui loco seminis elicitur ex amborum corporibus, inque terræ centro tanquam proprio vase digeritur & perficitur. Hoc autem centrum est in quovis triangulo vel punctum illud medium, vel numerus unarius, vel circulus iste medius. In secundo vero circulo observanda quoque est numerorum multiplicatio denaria. Non enim fit progressus ab unario ad centenarium & millenarium, omnium numerorum ultimum & perfectissimum (numerato enim millenario, non datur alius numerus: sed per hunc fit progressus in infinitum) nisi per denarium. Nam, ut ait author libri, qui inscribitur Aurora consurgens cap 2. Decem in Decem respondent.

4.

Quadrangulum secretum
sapientum.

Terra

44 DE LAPIDIS PHYSICI SECRETO
TERRA




Hac in figura manifestè declaratur scientia elementorum, de qua Hermes agit in hoc capitulo. Rectè igitur Aristoteles Chymicus ait: Divide lapidem tuum in quatuor elementa, rectifica ea, & conjunge in unum, & totum habebis magisterium. Hoc unum, in quod redigenda sunt elementa, est circulus ille exiguus, centri locum in quadrata hac figura obtinens. Est enim is mediator, pacem faciens inter inimicos sive elementa, ut conveniēti amplexu se invicem diligant: Imo hic solus efficit quadraturā circuli, à multis hactenus quæsitam, à paucis verò inventam. Radijs enim suis ferit omnes elementorum angulos, & longa circumrotatione angularem hanc quadraturam formā vertit in circularem sibi conformem: de quo satis.

S.

Anatomia magica vocabuli
MERCURIO.

H4




Haec tres figurae eodem significato unum ta-
ritè pandunt arcanum, quod non promiscuè
cunctis prostituendum.

Sufficiat tibi Lector, quod elicere inde possis
veritatem istius versiculi:

Est in MERCURIO, quicquid quærunt sapientes.
Vides enim, quanta secreta comprehendat hec
unica vocula: adeò ut sagax indagator, modò
literalem hanc anatomiam in essentialem con-
vertere

vertere noverit, ex illa dictione omnia ad artem Chymicam necessaria, h.e. principium, medium & finem operis magni, facile eruere queat. Majora autem magisq; stupenda perficiet, si centralia ista tria interius adhuc occultè latentia, punctum videlicet, numerum octonarium, & circulum, in apricum Solis sive in lucem externumq; aspectū produxerit. Hoc enim miraculosè perpetrato, sequens tandē schema prodibit ultimum, omniq; perfectione astrali, spiritali ac regali absolutū: à pluribus hætenus visū: vix autem à millesimo intellectum.



Cognito itaq; Philosophorum Mercurio, occultum operandi modū Hermes in sequētib; indicat verbis. Nihil agit, inquit, (puta Mercurius) nisi componatur. Rationem hanc addit, quia non perficitur, nisi prius sui colores peragantur. Sed quid aliud innuit autor per colorū signi-

significationē, quā operis totius complemen-
tum à principio ad finē usq. Non enim fit tran-
situs de uno extremo ad alterū, nisi per mediū.
A primo itaq. calorum, opus incipiendum, h. e.
Mercurius per se perfectus nihil agit, neq. pro-
dest quicquam in opere Alchymico, nisi mortifi-
cetur. Granū enim tritici, nisi in terrā cadens
patresiat, nullum fert fructū, sed solum manet.
Eodem modo Mercurius suam in terram proje-
ctus, novum generationis vigorem recipit. Ru-
sticis enim notū est, quod quavis semina quā-
vis arefacta & semimortua videatur, si rursus
mandentur suæ terræ, in facundum resusciten-
tur vigore, & pro fatali cujusvis seminis con-
ditione & interna naturaliq. scientia totū re-
generationis opus ad finem feliciter perducant.
Terra enim matricis siue uteri, vasisq. rei ge-
neranda idonei vicem gerit. Estq. terra nostra
adhuc virgo, quæ nullius viri consuetudine fæ-
data supercælesti quodam modo concipit. Pura
enim cū sit, omnisq. labis ac maculæ expers, si-
mile quoq. semen purū & immaculatū concipe-
re gestit. Quicquid enim seminaverit homo, hoc
& metet. At quavis hoc quod seminatur sit per
se simpliciter perfectum: in eo tamen simplici
perfe-

perfectionis statu non permanet, sed per nostrā
 putrefactionem solvitur & corrumpitur. Est
 autem corruptio hac non ad speciei interitum,
 sed ad ejusdem conservationem, & ad majore
 rem perfectionē eidem inducendam. Legimus
 de tribus Magis, qui ab oriente ad Christum ve
 nerunt, quod tres fuerint reges, procul aubio
 potentes satis & opulēti. Hi licet regna pro hac
 vita simpliciter sustentāda satis ampla & sp̄e
 dida possiderent: de alio tamen regno non ad
 centum annorum numerum, sed in sempiterna
 usq; secula duraturo sunt solliciti. Quod ut im
 petrent, adeunt regem omnium regum, cumq;
 ante pedes prostrati adorant. Quod nisi fecis
 sent, suis regnis simplici illo mundano & caduco
 splendore nitidis frui, quidē potuissent, nunquā
 verò illa terrena ac momentanea cum cœlesti
 æterno permutassent. Quemadmodum, i
 gitur his Magis, primum instrumentum
 & quasi clavis ad æternæ salutis portam
 aperiendam, fuit animi submissio erga Re
 gem cœlestem, cujus potestas infinita, est:
 ita primus in arte gradus est Mercurij,
 per se simpliciter perfecti solutio, & in
 terra sua Philosophica putrefactio:
 quam

nam postea sequitur digestio & concoctio
continua: donec omnes colores appareant.

HERMES.

SCitote filij sapientum, quod prisco-
rum Philosophorum aquæ est divisio,
quæ dividit ipsam in alia 4. Vnam duo-
bus, & tria uni: quarum colori tertia
pars est, humor scilicet cum coagulan-
ti: duæ verò tertiæ aquæ sunt pondera
sapientum.

SCHOLIUM.

Quod supra author elementorum scienti-
am appellavit, nunc Philosophorum a-
quam nominat. Hanc in quatuor partes
dividendam ait: nempe unam partem in duas:
tres verò partes uni addendas. Ex quibus o-
mnibus conjunctis septem inde partes, tanquã
sparsim in verborum contextu disseminata, re-
sultant. Unum enim & duo faciunt tria:
Tria & unum, quatuor: Hunc quaternari-
um si addideris priori ternario, conficies septe-
narium. Colorum autem differentias dividit
in duas tertias, hoc est, in tres rubeos spiritus,
& in tres albos. Spiritus autem hos, primum

D

ab

50 DE LAPIDIS PHYSICI SECRETO

ab unica Philosophorum aqua ortos, & in eandem resolvi posse, certum cōst. Ita ut similiter indceruatur numerus ille septenarius per additionem unitatis, quam supplet aqua. In his autem numeris tacitè occultari sapientiam, pondra, auctor non obscure astruere videtur, præcipuè in septenario, qui numerus sacer habitus fuit antiquitus, utpote in quo plurimum sapientiæ sit reconditum: sed vim & virtutem ejus mentis oculis contemplari debes. Vulgaris enim hic oculus, teste Joanne Dee Londinensi, caligabit diffidetq; plurimum.

HERMES.

Accipe de humore unciam unam & mediam, & de rubore meridionali, id est, anima Solis, quartam partem, id est, unciam mediam, & de Seyre citrino, similiter unciam mediam, & de auripigmento dimidium, quæ sunt octo, id est, unciae tres. Scitote, quod vitis sapientum in tribus extrahitur, ejusq; vinū in fine triginta peragitur.

SCHOLIV M.

Pergit

Pergit Hermes sapientum pondera ulterius explicare, adductis varijs nominibus. Humor enim, Rubor meridionalis, Anima Solis, Seyr citrinum, Auripigmentum, vitis sapientum, & vinum nihil aliud significant, quam aquam Mercurij septies distillatam: quæ post octenam destillationem, vi ignis vertitur in cinerem sive pulverem subtilissimum: qui ob puritatem & perfectionem suam igni resistit. Ne igitur mireris, quòd octo partes & tres uncia equiparentur: Ternarius enim numerus, qui etiam per trigesimalium repetitur, æquè perfectionis nota est, ac octonarius secundum illud tritum: Omne trinum perfectum.

HERMES.

Intelligite igitur operationem; decoctio ipsum diminuit: tinctura ipsum augmentat, quia Luna post 15. dies diminuitur, & in tertio augmentatur. Hoc igitur est initium & finis.

SCHOLIUM.

Sunt qui operationem lapidis dividunt in duas partes; in priorem & posteriorem.

D 2

Prior

Prior, quam Hermes exprimit per decoctionis nomen, ipsam diminuit, hoc est, lapidem in simplici suo ac naturali perfectionis statu existentem solvit ac destruit: solutum & corruptum per regenerationis medium pristino perfectionis splendori restituit. Quo peracto, incipit posterior operationis pars, cuius beneficio lapidis virtus, maximo cum favore multiplicatur in infinitum. Hoc confirmat author exemplo Luna, quæ post 15. dies, suæ scilicet plenitudinis, diminuitur: & in tertio, videlicet quadrato, rursus incrementum sumit. His paucis totum comprehenditur opus, ac tam initiū, quam finis τὸ Φεγνῶντι aperte satis detegitur. Sed non mirum videri debet, quod tam arduum & magnum secretum tanto sermonis lacinismo possit explicari: cum quidam reperiantur, qui propter simplicem decoctionis viam, quæ in opere adhibetur, non verentur asserere, totum opus posse tribus tantum verbis perfecte & sufficienter edoceri. Sed non statim in censu Philosophorum habendus est, quicunque tam facili & compendiosa via in artem intraverit. Nullum quod memini extat exemplum in historijs Chymicis, quo probari possit, aliquem

aliquem aliquando fuisse, qui hoc pacto artem edoctus, in Philosophum statim evasisset. Eodem enim modo, & quilibet rusticus Philosophi titulo salutandus esset, qui, licet perspectum habeat modum, agrum bene colendi, in tempore seminandi & metendi: ignorat tamen internum, & precipuum frugum maturandarum motorem: quo ignorato nemo se Philosophia peritum, nisi forte quidam audaculus, mentisq; inops, profitebitur.

HERMES.

ECce vobis exposui, quod celatum fuerat, quoniam opus vobiscum, & apud vos est, quod intus arripiens & permanens, in terra vel in mari habere potes.

SCHOLIUM.

OPeris secretum commendat suis filiis, & vocabulo ECCE ostendit, se rem perfecisse maximi momenti in explicatione artis nobilissimæ & abditissimæ. Gebcr, Morienus, alijq; Philosophi jubent artis indagatores, mineralium radices in seipsis inquirere. Vnde inquirunt: si ortus tui noveris principia, semen

sive materia prima, ex qua lapis componitur, te amplius latere nequit. Jam verò rudi imperitoq; naturalium arcanorum homini, absurda videbitur hac locutio: cum non possit sibi ex suo cerebro somniare ullam similitudinem aut cognationem, quam semen hominis animatum habeat, cum inanimatis ut quidam ignari dicunt, metallorum aut lapidū corporibus. Sed si te cum Abrahamo ex crasso tuo & corporeo domicilio foras eduxero, teq; in spiritualium astrorū omnibus in rebus occultè latentium contemplationem induxero: non amplius eris tam refractarius, sed ambobus ultrò pedibus in nostram ibis sententiam. Tolle igitur oculos, & nostrum suspice cælum. Philosophicum infinita astrorum multitudine mirificè exornatum. Sicut enim vides, in superiori firmamento, astralia illa corpora tantum in eo differre, quod alia alijs præstent magnitudinis & luminis splendorisq; claritate: omnia autem in universū constant ex una eademq; materia purissima, diaphana, & pellucida. Ita omnia corpora in hoc inferiori mundo, ad externū quidem aspectum multum inter se differre videntur: quæ tamen omnia intrinsecus considerata,

CAPITULUM I. 55

lerata, ab uno eodemq; principio siue primo en-
 e processerunt. Illud autem internum princi-
 pium aliud nihil est, quàm secundum Salomo-
 nem Sap. cap. II. materia quadam inuisa, ex
 qua orbis terrarum creatus est: siue juxta
 Joannem Evangelistam cap. I. VERBUM, per
 quod facta sunt omnia, & sine quo factum est
 nihil, quod factum est. Sed dices, si ergo ver-
 bum est omnium rerum principium: teste au-
 tem scriptura idem verbum sit nunquam inte-
 riturum sed in aeternum permanens: non igitur
 querendū aut investigandū illud erit in his
 sublunarib. & corruptibilib. rerum corporibus,
 quæ cuncta moriuntur, pereunt & intereunt. Ad
 quā objectionē ut succinctē tibi & breviter re-
 spondeā: cuncta equidē, quæ creata sūt per ver-
 bū, erant valdē bona hoc est, summa beatitudi-
 nis perfectione à Deo ornata. Sed quia propter
 prævaricationē Adami terra quoq; fuit maledi-
 cta, mors introiit in mundū, ita ut nil jā sit in
 toto mundo, quod nō spoliatū & orbatū existat
 primitiva ista perfectione, & morti per conse-
 quēs obnoxiiū factū. Misert 9 a. omnipotens cre-
 atura, hanc ut liberaret à morte, & vitæ regno
 restitueret, idem verbū, quod est LUX & VITA
 mundi,

mundi, in mundum misit, & ita secunda vice mundum per hoc VERBUM regeneravit. Unus enim vitæ dator & regenerator semper manet idem DEUS, extra quem nulla salutis spes. Per hanc autem regenerationem facta est creatura nova: Vetera enim transierunt, & ecce facta sunt omnia nova. 2. Cor. 5. Verbum igitur hoc non secundum creaturam veterem, sed secundum novam considerandum nobis est. Neminem enim nunc novimus secundum carnem, hoc est, veterem creaturam, sed secundum spiritum, hoc est, novam creaturam. Sed quemadmodum Christus in renatis suis invisibili modo inhabitat, nec manifestatur in hoc, sed in altero demum mundo: sic omnibus rebus VERBUM regenerationis invisibiliter quidem inhaeret: quod tamen in elementaribus & crassis corporibus non manifestatur, nisi reducantur in essentiam quintam sive naturam cælestem & astralem. Hoc itaque regenerationis verbum, est semen istius promissionis, sive cælum Philosophorum, infinitis astrorum luminibus nitidissimum, ac quod suspiciendum & contemplandum eductus fuit Abraham. Quamobrem quicunque
ho

hoc cælum nostrum, quod ratione quidem mundi minoris ac majoris, in duplicis salvatoris cōsiderationem cadere potest (quamvis idem DEUS operetur omnia in omnibus) intueri volet, is abjectis oculis Adamicis, hoc est, carnalibus, qui nimis hebetes, non nisi de externorū & corruptibilium intuitu censuram faciunt, spiritualia visus organa, ex nova creatura, recipiat: his facile agnoscet totius mundi tam creati, quam regenerati unum solummodo esse authorem, unum rerum omnium opificem & effectorem, unum principium, unum ens primum, quod à natura nunquam separatur, sed ipsam potius à corruptione & labe repurgat, revivificat, & in pristinam perfectionis libertatem vindicat. Noli autem mirari, quod res morti subiectæ, veteris creaturæ formam exuant, & quasi in nihilum reduci videantur. Est enim mors vitæ principium: vetusq; tantum siue Adamicum corpus moritur: Spiritus autem novæ creaturæ, novum sibi fabricat corpus multò nobilius & gloriosius veteri. Quod enim seminatur, non vivificatur, priusquam moriatur. Seminatur autem in corruptione, & resurgit in incorruptione: semi-

D s

natur

58 DE LAPIDIS PHYSICI SECRETO

natur in ignobilitate, & resurgit in gloria: seminat in infirmitate, & resurgit in virtute. 1. Cor. 15. Et hac quidem omnia teste Hermete in Smaragdina tabula, fiunt ab uno, meditatione unius. Idem enim DEUS, qui dixit, morte morieris, dixit quoque, salvus eris. Mors igitur & vita per idem DEI VERBUM, efficacem obtinuerunt operandi vim & potestatem. Essentiale enim est quod vis verbum, ex ore DEI procedens. Nec est spiritus sive halitus vanus & evanescens, ut multi ignari ac impij ex incredulitate sua in hac perniciosissima sunt opinione. Verba mea, inquit ipse Christus Salvator noster, sunt spiritus & vita, hoc est, nova creatura semen substantificum & essentialle: & qui in hoc credit, salvus est, & essentialiter cum Christo unitur ac conglutinatur, ita ut caput & membra, hoc est, Christus & Ecclesia, sint duo in carne una. Qui autem non credit, manet in peccato: & quia stipendium peccati mors est, per VERBUM jam omnis incredulus judicatus condemnatur, & morte moritur aeterna. Sicut igitur hominis salus pendet à sola cognitione Christi & vera in eundem fide: ut-
pote

pote qui unicus est & solus microcosmi Salvator: sic verò Philosopho summè necessaria, est cognitio macrocosmici Salvatoris: qui cælum est Philosophorum sive verbum, regenerationis: quod non nisi unum solum, per totum mundum diffusum, ubiq; in omnibus rebus, in corporibus animalium, hominum, brutorum, plantarum, arborum, fruticum, metallorum, mineralium, & lapidum reperitur. Hoc unum ergò si semel cognoveris, ac intus in arcanum & intimum cordis scrinium abscondideris, secretò illud ac tutò tecum portare quovis gentium poteris, sive per mare, sive per terram, sive per saxa, per ignes iter facere libuerit.

HERMES.

Custodi igitur argentū vivum, quod fit in intimis thalamis, in quibus coagulatum est. Ipsum enim est argentum vivum, quod dicitur de terra residua.

SCHO.

60 DE LAPIDIS PHYSICI SECRETO
SCHOLIVM.

Argentum vivum esse primam materiam
sive primum ens omnium metallorum,
apud Philosophos Chymicos sat constat. Sed
cave existimes id esse argentum vulgare, vel
mercurium vulgi, quem lythargyrum quoque
nominant. Argentum quidem est, sed non
vulgare. Vulgare enim mortuum, & ad o-
pus physicum per se minus aptum: sed vivum
est, Philosophicum, hoc est, arte coadjuvante
natura rite preparatum. Mercurius est,
non vulgi, sed Philosophorum, igneus, vitalis,
currens, qui miscetur omnibus corporibus, &
rursus ab iisdem separatur. Locus, in quo ge-
neratur argentum vivum, indicatur his ver-
bis: fit, inquit author, in intimis thalamis,
in quibus coagulatum est. Philosophorum
alias tritum est, quod ijs in locis, ubi crescunt
metalla, nulla reperiantur metalla.

Inventu igitur erit locus eò difficilior, quò
abstrusior est in mineris terræ absconditus. Sed
hic distinctionem notabis inter mineras me-
tallicas vulgares, & mineras Philosophicas oc-
cultas. In illis reperiuntur, sed non crescunt:
in his verò crescunt, & non reperiuntur. Lege
de.

de his & economiam mineralem Paracelsi, qui
fusse illic tractat hujus differentia causam: Hoc
ipsum argentum vivum de terra Philosophica
residuum, si rectè noveris, accurate custodien-
dum erit. Si fortè metus est, ne diuturnita-
te temporis vitium contrahat: exemplum
imitari poteris Romana Ecclesia: in qua um-
bilici infantum aduruntur in cineres, ut diu
ad diem videlicet usq. cinerum, qui Mercurij
dies est, Gallicè des cendres, conservari queant.
Si pari modo argentum tuum vivum vi ignis
combusseris, ac in cinerem converteris, edaci-
tati temporis magis resisset, & in infinitos con-
servabitur annos. Dignū certè, ut diligenter
custodiatur. Est enim thesaurus incomparabi-
lis, & res auro ipso preciosior: Unde etiam au-
ro longè antefertur à Philosophis. Aurum enim
in Ros. Philosophorum fingitur ita mercurium
compellare: An, inquit, prefers te mihi, & ego
sum Dominus lapidum expectans ignem. Di-
cit ei mercurius: Utige, sed ego genui te, &
ex me natus es: & ego sum secretum totum,
& in me occultatur scientia: quia converto o-
mnia corpora in Solē & Lunā, cum natura mea
talī sit, quod durū molifico, & molle in duro.

Her-

HERMES.

Qui igitur verba mea nunc audit, ipse ab eo inquirat, qui nullius malefactoris opus justificat, & nullum benefactorem præmijs privat. Quia omne quod celatum fuerat, de hac scientia detexi, maximum arcanum & scientiam, intellectum habentibus patefeci.

SCHOLIUM.

Philosophorum sermo parabolis, anigmatibus & mille troporum involucris tectus, non prima statim fronte cuiusvis patere debet. Neque etiam omnibus conveniunt omnia. Causa autem obscurioris dictionis in Chymicorum scriptis, partim supra explicata est, partim in sequentibus explicabitur. Sin vero quis diuturnioris meditationis ac inquisitionis impatiens, expeditiorem viam ex hoc Chymico labyrintho evadendi desideret: en fidele authoris consiliū, qui jubet à Deo sensum suorum verborum petere. Deus enim in pravis impiorum consilijs haudquaquam connivet: nec vicissim pijs & cordatis viris sua denegat præmia. Fugere autem mala, & bona sectari, decet verum artis discipulum.

discipulum ab ejusmodi pietatis armis, qui instructus & probe munitus fuerit, intrepidè ad hoc sacrum accedere potest studium, & sine dubio voti compos fiet.

Nam tantum sacris hæc sacra nosse datum est.

In male volam autem animam non introibit sapientia, nec habitabit in corpore peccatis subdito. Sap. 1. A quam vis author multa de hoc nobilissimo arcano dixerit, & nihil intermiserit de his omnibus, quæ scitu in hac scientia sunt necessaria: tamen palàm fatetur, hoc tantum revelatum esse mysteriū intelligenti. Ex quo sequitur, eos qui fatuè & tardo sunt ingenio & animo malitioso, ab hoc arcano penitus excludi. Spiritus enim sanctus disciplina effugiet fictum, & auferet se à cogitationibus, quæ sunt sine intellectu. Sap. 1. 6.

HERMES.

SCitote ergo rumoris inquisitores, & sapientiæ filij, quod vultur super montem existens, clamat voce magna: Ego sum albus nigri, & rubeus albi, & citrinus rubei, & certè veridicus sum. Et scitote, quod caput artis est corvus, qui in nigredine noctis, & claritate diei volat

lat sine alis. Ex amaritudine in guttore existente, coloratio accipitur: à suo verò corpore, rubor exijt, & de suo dorso mera aqua accipitur.

SCHOLIUM.

Quare studiosi Chymie, ab Hermete appellentur rumoris inquisitores, videtur ideò fieri: quod utramq; fame fortunam, bonam & malam, laudem & vituperium experta sit alchymia: utpote de qua varij per totum terrarum orbem sparguntur rumores. Sunt enim qui laudibus eam in cœlum usq; extollunt, nullamq; artem generi humano utiliore post SS. Theologiam predicant. Alij rursus eandem à Plutone inventam, & ab inferis in humani generis perniciem productam, impiè blasphemare non erubescunt: & propterea non tantum artem abrogandam, sed simul etiam artifices è medio nefandè & crudeliter tollendos esse contendunt: immemores videlicet hujus, quod quodam in loco Poëta canit:

Inscius, quæ non capit, ea carpit:
Doctus at mysteria tanta ridet.

Ambo

CAPITULUM I. 65

Ambo sic pergant : fatuus sed unus
Invidus alter.

Et sic ars innocentissima, per ora hominum pas-
sim volitans, culpatur ab his, laudatur ab illis;
adeò ut famosissima meritò dici, ejusq; discipuli
rumoris sive fama, vel famosa artis indagato-
res non ineptè appellari mereantur. Mons au-
tem Philosophorum, super quem vultur sedet,
summa est altitudinis, & in ima parte muro
fortissimo igneo undiquaq; cinctus & probe
municus, non habet nisi unicum ostium, per
quod intrare & exire licet artifice. In hoc
montis limine situs est Draco pervigil, nomi-
ne $\omega\alpha\tau\omega\phi\theta\alpha\lambda\mu\phi$. Nam in utraq; cor-
poris parte antica & postica plenus est oculo-
rum & partim clausis, partim apertis dormit
oculis, adeò intentus est assiduis vigilijs in cu-
stodiendo montis ostio, ne forte indignus ingre-
diatur, & illotis manibus ascendat ad culmen
sive summum fastigium, quo impositus est la-
pis Philosophorum, qui si semel auferatur à
quopiam in unius hora momento, statim suc-
crescit alius: ita ut in duodecim horis, vel die
uno duodecies lapidem multiplicatum decer-
pere liceat. Sed impossibile est quempiam
E per

per hoc ostium intrare posse, nisi Draco clausis oculis omnibus, suavi & placido sapore correptus penitus indormiscat. Hoc opus, hic labor est, invenire scilicet modum sive remedium aliquod, quo bestia ista circumventa, in tam profundum incidat somnum, ne ante justum tempus è somnis excitata, artificii intranti, & de monte rursus descendenti, & per ostium exire volenti noceat, & presentissimo suo veneno, quod in postrema cauda parte absconditum gestat, miserè hominem enecet, omnemq; thesaurum acquisitum hactenus, montis possessoribus sive inquilinis restituat. Triplicia igitur medicamenta ad hunc assequendum scopum imprimis necessaria videntur. Primum præparande sunt arte Chymica pilule mercuriales ex argento vivo crudo & aloëpatica Chymicè preparatis & depuratis, quibus adde in parva quantitate extractum absinthij & extractum centaurij ad amaritudinē in ipsis augendam: f. massa pilularum: ex qua formentur pilule, numero 4. ad magnitudinem globuli plumbei bombardici, crucigeri monetarij rotunditatem æquantis: de aurentur, ne illarum interno amarore in lingua aut gutture percepto, Draco præ

pra nausea modo deglutitum pharmacum rur-
sus evomere cogatur. Si igitur ad montem
accedere animus fuerit, unam pilularum ge-
stabis manu aperta aduersus Solis lumen, quo
irradiata, auri instar Ungarici optimi splendef-
cere incipiet, & radiorum suorum reflexione
excitabit bestiam, quæ decepta aureo illo splen-
dore, pilulam, quam pomum aureum ex horto
Hesperidum ablatum esse opinabitur, mox de-
glutiendam affectabit. Quod si animad-
vertes, sine mora in terram projicies pilulam,
quam adhuc inter cadendum auidissimè exci-
piet, & devorabit bestia: sed cave ne fortè
propius ad illam accedens in manu, vel alia
corporis parte damnum capias. Prima de-
vorata, ei quoque porriges secundam, tertiam
& quartam: donec assumtis omnibus, amaror
pilularum cum acutissimo Mercurij veneno,
sensim à ventriculo sursum ascendendo guttur
& fauces occupet, & ingentes ibi dolores, cum
rubore & tumore, varijsq; alijs symptomatis
excitet, ita ut bestia præ nimio angore & squa-
lore, in omnibus membris sentiat summam
lassitudinem & debilitatem. In tali im-
becillitatis angustia constitutus Draco,

*summoperè desiderabit corroborari electuario
 quodam reſectivo. In quo caſu nullum oc-
 curret preſtantius remedium, quàm electua-
 rium conſectum ex croco Martis, & ſolijs au-
 ri cum extracto roſarum rubrarum, & tan-
 tillo ſpiritus vitrioli ad aciditatis ſuavitatem
 conciliandam. Ex hoc electuario tres ſinges
 bolos ſatis grandes, pro beſtiæ faucium capaci-
 tate, quos ipſi præbebis ingerendos: primo de-
 glutito, dabis & reliquos duos, & ſtatim paul-
 lō melius habebit. Quia tamen ex continuis
 ejusmodi vigilijs adeo exhausta ſunt vires, ut,
 niſi per quietem arte comparatam reparen-
 tur, vix ad integram redire poſſit valetudi-
 nem. Accedendum igitur erit ad tertium &
 ultimum remedium, quod eſt aqua in hunc
 modum deſtillata. R. florū roſ. rubr. bor-
 rag. bugl. nenupharis, ſem. papaveris & hyoſ-
 cyami, addendo parūm opij, à ſuo ſœtore & ve-
 nenata qualitate repurgati. Incidendis in-
 ciſis & terendis tritis, fiat maceratio ſive di-
 geſtio in rore Solis per triduum aut quatridu-
 um in loco tepido: poſtea inde deſtillabis aquā,
 cujus facultas erit confortandi cor, & ſvaden-
 di ſomnum. Nam ſi de ea hauſerit uncias
 duode-*

duodecim, quæ faciunt libræ unam, tam profundissimum subito incurret somnum, ut per diem & noctem integram, continuo somno oppressus requiescat: nec nisi maximo excitato strepitu expergesiat. Interea temporis tutus erit & liber introitus per ostium montis, & omnis periculi vacuus. In quem si intraveris, ibi commorari pro tuo arbitrio poteris, quamdiu voles: Et singulis horis novum tibi lapidem majoribus auctum viribus comparabis. Sed post ingressum, ascendendo montem, vultur sive corvus tibi monstrabit iter, quò sit eundum.

Ac quamvis hîc tantum unius corvi fiat mentio: tamen tres in hoc Philosophorum monte tibi occurrent. Niger, qui caput est artis: albus, qui medium: & rubeus, qui finem rerum omnium imponit. Ultimus enim appetitus naturæ est in rubedine nostra. Neque mireris, quod tot colorum differentias sive varietates in corvis statuamus, licet non nisi nigri vulgò sint noti. Fateor equidem, nigros esse vulgatissimos: post hos tamen non raro his meis oculis vidi etiam albos, in aulis principum & Regum, ut Dresdæ in Misnia, in Ele-

etoris imperialis horto, & alibi. Tandem verò
 rarissimi sunt rubei corvi, quorū non nisi duos
 memini me vidisse in magna ista Regis nostri
 Christianissimi cavea, quæ extructa habetur
 in horto regio apud pagum quendam, quem
 fontem bellum, vulgo Fontainebleau vocant:
 quanquam & hi non omnino rubei, sed varie-
 gati rubris plumis tantum erant. Toti verò
 rubei, ut dixi, rarissimè se dant in conspectum
 hominum, nec, ut ingenuè fatear veritatem,
 à me hætenus, nisi fortè me inscio, conspecti
 fuerunt unquam. Eos tamen verissimè ex-
 istere, testimonio virorum fide dignissimorum
 non solum probare possum, sed id etiam di-
 citur ipsa ratio. Hi igitur tres corvi, ut &
 antea pramonui, tibi pramonstrabunt viam
 voce sive clamore suo. Sed voces illorum tam
 subtiles & delicate sunt, ut non sensibus exter-
 nis, sed internis potius & mentalibus verè
 percipiātur. De his lege Ps. 19. Ubi scriptum est:
 Non sunt loquela, neq. sermones, quorum non
 audiantur voces eorum. In omnem terram
 exiit sonus eorum, & in fines orbis terræ
 verba eorum. Primus equidem ex a-
 maritudine in gutture suo existente,

rauca

CAPITULUM I. 71

rauca & incaninna, voce sua, aditum tibi parabit ad album. Hic verò suaviori edito vocis sono promovebit te ad summum & ultimum rubeum, qui angelico suo & suavissimo cantu, omnes canoras avicularum, lusciniarum, & cygnorum voces facile superante, te amice excipiet, & harmonia dulcissima, te ad laudem ac gloriam DEI commendam excitabit, precantando: Mirabilis Deus in operibus tuis: & tu respondebis: Pleni sunt coeli & terra maiestatis gloriæ ejus. Et postquam gratias egeris summo, maximo, & omnipotenti DEO, in pace reverteris ad tuos, ne è somnis resuscitato Dracone forte periculum sit in mora.

HERMES.

INtelligite ergo & donum Dei accipite, & ab omnibus insipientibus celate. De cavernis metallorum occultus est, qui lapis est venerabilis, colore splendidus, mens sublimis, & mare patens. Ecce vobis exposui. Deo gratias agite, qui hanc scientiam vos docuit: Gratos enim diligit.

E 4

SCHO-

72 DE LAPIDIS PHYSICI SECRETO
SCHOLIUM.

Frequenter admonet author suos discipulos,
ut hoc singulare DEI donum debita reve-
rentia agnoscant. & omnes fatuos ac insipien-
tes ab eodem abigant, & excludant. Enar-
rat præterea lapidis quasdam proprietates,
eumq; occultum nominat, hoc est, paucis cog-
nitum: venerabilem, hoc est, in summo precio
habendum: colore splendidum, hoc est, rubi-
cundissimum. Est enim rubedo ultima per-
fectionis certissimum signum. Mentem sub-
limem, id est, spiritum sublimatum & ex-
altatum. Mare patens, id est, aquam mercuri-
alem perennem, fixam, & in igne permanen-
tem. Has omnes proprietates in se continet
lapis, quas ante ipsius confectionem, nemo tam
exactè scire potest: sed tum demum erumpunt,
cum preparatus existit: non secus ac in arbore
pyro ignoratur, quales protrusura sit fructus,
donec tandem oculis tuis manifestò videris, ip-
sam produxisse pyra, non poma, non pruna,
non cerasa, nec alterius generis fructus. Quia
igitur Hermes proprio experimento omnes i-
stas vires & proprietates in lapide cognovit,
illas quoq; docendo, liberaliter communicat
suis.

suis discipulis, ad quos nondum pervenit experientia, ut & hinc aliquid utilitatis & emolumentum percipiant. Non autem pro fideli hac institutione sibi, sed DEO vult gloriam & laudem tribui. DEO, inquit, gratias agite, qui hanc scientiam vos docuit. Hermes plantat: Paracelsus rigat: Deus autem dat benedictionem & incrementum. Huic igitur soli grates immortales persolvenda sunt pro omnibus rebus. Gratos enim diligit: Estque gratiarum actio ad plus dandum invitatio.

HERMES.

PONITE igitur eum in humido igne, & coquere facite, qui humoris calorem augmentat, & incombustionis siccitatem necat, donec appareat radix: deinde rubedinem, & partem levem ab ipso extrahite, quousque tertia pars remaneat.

SCHOLIUM.

CONCOCTIONIS tres species sunt: prima fit à calore externo igneo in humido, & dicitur elixatio. Secunda perficitur à calore externo in sicco, & uno verbo vocatur assatio. Tertia autem fit ab interno calore naturali in humido,

E S

& dici-

Et dicitur Græcis πέπαισις. Quæritur nunc,
de quanam specie hic loquatur author, num de
prima, an de tertia: quia utraq; sit à calore
in humido. Sed differentia tantū est obseruan-
da inter utramq;, quod prior fiat à calore ex-
terno igneo: tertia verò à calore interno natu-
rali. Si res meo staret suffragio, utramq; sa-
nè speciem tam primam quàm tertiam ad opus
hoc admittendam statuerem. Est enim Na-
tura. internum generationis principium: non
tamen operatur, priusquam accedat externum
aliquod adminiculum, quod excitet illud in-
ternum. Ergo calor hac in arte adhibendus
duplex est: Externus, qui excitat: Internus,
qui perficit: juxta hos versiculos:

Naturam in primis imitabere, in arte magister.
Hâc massâ exterior tantum calor excitat ignis:
Æthereo interior sed perficit omnia fotu.

Quos ita in Gallicam nostrâ transferre placuit?

Ouvrier sur tout aye cure,
Que l'art imite nature.
L'externe feu de charbon.
Rend la matiere alteree:
Mais l'interne & l'ætheree
Faira ton ouvrage bon.

Uterq;

Uterq; tamen in humido fieri debet. Omnis enim generatio naturaliter fit in calido humido, quod Hermes vocat ignem humidum: quasi diceret: duplicem ignis calorem, externum & internum hic adhiberi volo. Videmus enim ex quotidiana experientia, quod Solis calore post fecundam pluviam superveniente, herbae, planta, & omnis generis arbores, & fruges magis magisq; ad generationem proleſcuntur, quae alias tempore arido, & Sirio campos nimis exurente, tanquam exuccae & exangues sterileſcunt. Lapidem itaq; hoc duplici coquendum calore, vult Hermes: in quo augmentatur, hoc eſt, in ultimam maturitatis perfectionem exaltatur, & tamdiu hoc ignis genere continuè conſervatur, donec appareat radix, h. e. ſemen metallorū. Compertum enim habemus in omnib; plantis ſerè & arboribus, quod poſt revolutum generationis terminum, tandem proferat ſemen, tanquam ſpeciei ſuae propaganda & conſervanda præcipuū authorem. Eundem proceſſū obtinet quoq; Natura in procreandis metallis, quae poſt abſolutā omnium generationē, tandē arte adjuvante, etiā producit ipſorū ſemē, quod ſolum verus eſt Philoſophorum Mercurius, in quem

in quem omnia metalla, resolvuntur, priusquam mutua invicem, unius in aliud fiat transmutatio. Juxta illud Aristotelis, meteor. cap. 4. Ubi inquit: Impossibile est unam speciem metallorum in aliam transmutari posse, nisi prius reducantur in suam primam materiam. Errant igitur omnes, quicunque metalla in mercurium crudum, & non in radicem, ut Hermes ait, sive in semen suum, quod primum & ultimum vivens in metallis est, ut cor in animalibus, reducere conantur. Natura enim semper progreditur: nunquam autem retrogreditur. Sicut enim Sol cursu suo circulari, ab una cæli plaga orientali ad alteram occidentalem progreditur: non autem, nisi miraculosè, retrogreditur: sic quoque de omnium rerum generatione judicandum erit. Quod author insuper his confirmare verbis videtur: Deinde, inquit, rubedinem & partem levem ab ipso extrahite, quousque tertia pars remanet. De rubedine & ternario numero superius abundè satis dictum est, adeò ut non necessum sit, eadem toties repetere.

HERMES.

Fili

Flli sapientum, Philosophi hac de causa invidi dicti sunt, non quod invidiant moratis, nec relligiosis, nec legitimis, aut sapientibus: verum ignaris, vitiosis, lege & benignitate carentibus, ne mali potentes fiant ad peccata perpetranda, & inde Philosophi sint Deo reddituri rationem. Nam omnes mali indigni sunt sapientia.

SCHOLIUM.

Praoccupat hic author quorundam objectionem, qui Philosophos accusant invidia: ab hoc igitur crimine ut eos liberet, differentiam ponit inter eos, quibus invidiant, & quibus non invidiant. Non invident, inquit, moratis & relligiosis, nec legitimis aut sapientibus. Cur enim his invidere, cum horum propria sit scientia. Nulla autem est scientia vera & bona, nisi quae à DEO inspirata sit, uti supra copiose demonstratum est. DEO verò quicumque invidentia sua resistere conabitur, inanem ludet operam. Nam Theodidactus non usq; adeò magnificat humanam institutionem; alium magistrum is agnoscit

agnoscit longè superiorē & doctiorē, quàm sunt
 pulverulēti isti hypodidascali: ut cūq; ipsi cla-
 mitent contra nos & nostram doctrinam. No-
 vimus enim illorum cavillationes, dum se mi-
 rari inquiunt, quod & nos ad honorum & di-
 gnitatum gradus suscipiendos admittamur,
 cum vix unum atq; alterum verbum latinè
 proloqui possimus. Quasi verò artium &
 scientiarum dignitas pendeat à latinitate,
 & nemo doctus haberi debeat, nisi qui latini
 sermonis puritatem & elegantiam ad un-
 guem calleat. O miseri censores, vestram
 quidem gloriam in eo quaritis, ut quicquid
 tentatis dicere, id purè, tersè, eleganter, orna-
 tè, praeclarè, ritè, scitè, politè, justè, venustè,
 graviter & graviter dicatis. Sed hoc de vo-
 bis olim praedixit Esaias cap. 33. inquiens: Ubi
 est literatus? Ubi legis verba ponderans? Ubi
 Doctor parvulorum? populum impudentem
 non videbis, populum alti sermonis, ita ut non
 possis intelligere disertitudinem linguae ejus:
 in quo nulla sapientia. Haecenus ille. Sol-
 liciti enim magis estis de cortice, quàm
 de medulla rerum, & sic umbram praefer-
 tis essentiae, fluxile & momentaneum sta-
 bile

bili & sempiterno. Nos autem magis delectamur veritatis doctrina, quae cum Christi, qui veritas ipse est, & Natura legibus essentialiter sive realiter, non autem tantum verbaliter sive literaliter, ut ita loquar, conveniat. Hanc ut assequamur, summis viribus contendimus, nihil morantes, in quacumq; id fiat lingua: sive illa fuerit Hebraica, Chaldaica, Syriaca, sive Graeca, Gallica, Italica, perinde nobis erit. Sufficit enim nobis rem, ut est, perfectè & exactè tenere: vobis lubenter relinquimus superficialem illam & externam verborum pompam. Ex qua quid tandem reportetis, exitus palam docet. Quia enim fumum venditis, fumus quoq; sive pessimus oris halitus & lingua gloriosa, petulans & superba, vestrum plerosq; perfundat. Sed alijs Latine linguae peritioribus me, hanc ventilandi partem relinquam; ne rudior Latinismi, ceis vulpecula ista Aesopica, cui abscissa erat cauda, alijs quoque hanc linguam deferendam suadere videar. Diximus itaq; quibus Philosophi scientiam suam sacratissimam non invideant, nempe ijs, qui sunt moribus probatis

probatu exculi, fide & pietate præſtante, & genuinæ ſapientie filij. Cæteris autem ignavis, vitioſis, lege & benignitate carentibus iure ſummo invident. Hiſ enim ſi communicarent artem, quid quæſo aliud agerent, quàm ut furioſo committerent gladium, & laſcivam juvenculam aut meretriculam præſicerent gynæceo. An non hoc pacto peccandi occaſio, quam author ſuprà arripiendam ſerò prohibet, daretur ampliſſima? Ergò ne tale quid accidat, & ne Philoſophi de hiſ omnibus cogantur DEO rationem reddere, nulla arte hoc malũ melius præcaveri poſſe judicarunt, quàm ut ſecreta ſua intra taciturnitatis cancellos tutò reſervarent, ac nemini quicquam de hiſ, niſi probis & dignis, revelarent. Mali enim indigni ſunt ſapientia.

H E R M E S.

SCitote, quod hunc lapidem nomine voco: nam ipſum fœminam magneticæ nuncuparunt, ſive gallinam, ſive ſalivam candidam, lac volatiliũ, & cinerem incombustum, ut ab inſipientibus, intellectu, lege, benignitateq; carentibus,

bus, celent ipsum, quem tamen sapien-
tibus uno noto nomine nominavi, qui
est lapis sapientum. Conserva igitur in
eo mare, ignem & cœli volatile ad mo-
mentum exitus. Deprecor autem vos o-
mnes filios Philosophorum, per nostrū
benefactorem, donantem vobis suæ
gratiæ decorem, ut nemini fatuo, igna-
ro, aut cuiquam inepto huius nomen
pandatis.

SCHOLIUM.

TRia hic agit potissimum author: *Primò*
recenset varia & multa lapidis nomina,
è quibus unum sapientibus tantum cognitum,
sufficere non obscure innuit. Quale autem
istud sit, in superioribus satis superq̃ explicat-
um fuit. Deinde bis hortatur filios sapientum,
ne indignos, avaros, illiberales, fatuos, igna-
ros & ineptos in scientiæ sacrarium intrare
permittant. Tertiò & ultimò docet, in lapide
conservandum esse mare, ignem & cœli vola-
tile ad momentum exitus. Per mare intelli-
git humiditatem Mercurij. Nulla enim ge-
neratio fit in sicco, sed in humido, ut paullo su-
F præ

prænotavimus. Ergo in forma liquida mercurius conservandus erit, citrà tamen sui corruptionem. Res enim dura, inquit Raimundus Lullius, virtutem cœlestem non recipiunt, nec cœlo obediunt: quemadmodum in durum lapidem figuram suam non imprimit sigillum, sed in mollem ceram: ita materia nostra per mollietatem vel raritatem fit habilis ad recipiendum influxum corporum superiorum. Et per consequens hoc ipso medio obedire cogitur motui solis. Hactenus ille. Per ignem autem & cœli volatile intelligitur duplex ignis: externus & internus: qui uterq; usq; ad finem operis continuò fovendus, & conservandus erit, juxta illud Augurelli poetæ Chymici:

Hic igitur ne qua tepidum summo veris ignem:
Et gentilem intus vim vi subeunte moveto:
Ales ut assiduo tepidis superincubat ovis.
Nascendisq; adhibet pullis intenta vigorem.
Quem tu continuò morem servare memento
Hanc ut dum Phœbi circum se verterit orbis.
At si desistas, quo vis intermoriatur
Ignea, continuò quæ fœtum fomite pascit;
Nil agis & subito cum primis desinet ignis
Cuncta ruent, quæ non ulla reparaveris arte
Amplius, ac frustra tentes fulcire ruinam.

HER-

HERMES.

Nemo quicquam mihi tribuit, cui non reddiderim, quod ipse dederit, nec ipsum honorare destiti, & in hunc optimam posui significationem.

SCHOLIUM.

His paucis tractat Hermes de nota quadam veri filij doctrina: ipsa autem est liberalitas, quam si in quopiam advertit, statim bonam de eo concipit spem: & per legem talionis, ipsi ex liberali quoque animo benignè reddit omnia, quibus ab ipso antea affectus erat. Præterea eundem quoque debito suo honore non privat, sed amanter colit, & reverenter habet. Hoc enim maximè decet verum & sincerum Philosophum, qui quò fuerit humanior, eò doctior quoque, predicabitur, & maiorem etiam laudem apud omnes merebitur.

HERMES.

Fili hic lapis est celatus multorum colorū, natusque in uno colore: cognoscite illū & celate. Omnipotente concedente, morbum maximum, tristitiam,

F 2

omne

omne nocumentum, & angustiam, co-
evadetis, de tenebris ad lucem, de deser-
to ad habitaculum, & de angustia ad di-
latationem ipsius auxilio venietis.

S C H O L I U M.

DE tribus precipuis lapidis coloribus di-
ctum est supra. Sed author hic plurimum
adhuc aliorum mentionem facit, è quibus ta-
men omnibus unum tantum cognoscendum,
eumq; cognitum celandum precipit. Quis iste
unicus sit, facile colligitur esse rubicundus.
Quò enim res preciosior & præstabilior, eò ci-
tius etiam in electionem venit. Rubicundus
autem color ceteris omnibus laudis & præstan-
tia palmam facile præripit, adeò ut nihil eo no-
bilius ac perfectius sub Sole excogitari possit.
Quem si adeptus fueris, juxta authoris moni-
tum celabis. Deniq; enarrat Hermes eximias
dotes atq; virtutes lapidis, quibus frui poterit
omnis, qui illo concedente DEO omnipotente
potitus fuerit.

Summum enim ait esse præservativum ad-
versus quoscunq; corporis gravissimos affectus:
tristitiam pellit, non secus ac medicamentum
illud

Illud apud Homerum, quod Nepenthes dici-
 tur, quo usa fuit Helena ad animi mœrorem
 excutiendum, & hilaritatem ac letitiam indu-
 endam. Rerum jacturam & incommoda re-
 arcit, & ab omnibus ærumnis & adversitati-
 bus promptè liberat. Evehit præterea posses-
 sores de loco obscuro ad dignitates & honores
 maximos. Desperatos, & hinc inde in orbe
 circumvagantes, solatur, & patrijs restituit
 aribus, eosq; ex rebus adversis, omniq; cala-
 mitatum genere ereptos, tam felici beat sorte:
 ut posthac in tranquillitate & pace totius
 vite curriculum, ex animi voto
 transigant.

Finis capit. primi.



CAPL

CAPITVLVM SECUNDVM.

HERMES.

Fili mi, ante omnia moneo te Deum
timere, in quo est niscus tuæ dispositi-
onis, & adunatio cuiuslibet sequestrati.

SCHOLIVM.

Vulgò notum est, Philosophia esse nihil
aliud, quàm studium sapientia. In hoc au-
tem studio, qui laudabiles facere cupit progres-
sus, ante omnia in timore DEI se exerceat ne-
cesse est. Sapientia enim initium est timor Do-
mini, ut Sapiens inquit: cui astipulatur idem
Hermes lib. de pietate & Philosophia, inquiens:
Qui pius est, summè philosophatur: & sine
Philosophia summè pium esse, est impossibile.
Sed non loquitur de spuria ista gentilium Phi-
losophia, quæ nugarum tantum anilium &
falsitatum horreum est plenissimum.

Miror vos Academicos modernos, quod in
ipsa Christianismi luce, tanta oculorum cali-
gine & suffusione capti non videtis miseran-
dam illam cladem, quæ promanat ex illa Eth-
nica

*LV*ica Philosophia, quam nihilominus tamen pu-
lice profiteri non erubescitis. Cum enim in
idem vestram DEUS commiserit tenellas ju-
ventutis plantulas, hortumq; veritatis vobis a-
eruerit amplissimum, in quo illas omnis gene-
is salutaribus & utilibus praeceptis fovere &
ducare debebatis, vos neglecta DEI benigni-
ate, in gentilium idololatriarum & mendaci-
um hominum castra impudentissime transfu-
sistis, & sic vobiscum hunc immerentem ju-
ventutis florem simul seduxistis, & adhuc in-
fies seducitis. Quod si horti hujus fortassis
ignorantiam pretendatis, id supinae ignaviae
vestrae, negligentiaq; evidens argumentum
est: siquidem is non longè abest, sed tam in-
vobis, quàm ante & circa vos plantatus exi-
stit. Ut igitur posthàc inexcusabiles sitis: ecce
hortus iste est Christus Iesus, Deus & Homo:
vel si mavultis, hortus iste in Christo unitus,
aliàs tripartitus existit, & sic est vel Biblicus,
vel Macrocosmicus, vel Microcosmicus: ita ta-
men ut neque tripartitus absq; unito, neq; uni-
tus absq; tripartito intelligi & perfectè cognos-
ci queat. De hoc igitur horto rectè cognoscendo
paucis nunc philosophari constitutum est.

F 4.

Primum

Primum itaq, ut Christi Jesu naturam cognoscatur, scrutari deberis scripturam: hac enim est, qua de ipso testatur. Sed neq, vestrum rigare, neq, plantare in hoc biblico horto agnoscendo aliquid erit, nisi ipse Jesus Christus incrementum dederit, hoc est, vana & inanis erit industria vestra propria, qua conamini scripturam scrutari: ac quamvis totam scripturam ad unguem memoriter recitare didiceritis, non tamen hac scientia de Christo essentialis, sed tantum literalis erit. Cum enim scriptura essentialiter considerata, aliud nihil sit quam ipsemet Christus Jesus, & vicissim Christus Jesus sit scriptura ipsa: tunc nemo poterit verum scripturae sensum elicere, nisi legendo & scrutando, illam in & cum Christo Jesu essentialiter percipiat: ita ut non literam, qua mortua est, & occidit, sed essentiam Christi, qua sola vivificat, legat, hoc est, legendo ejus essentialiter particeps fiat. Hac enim realis cognitio ingentes sapientiae thesauros suppetit. Est enim in illa, ut Sap. 7. legimus, spiritus intelligentia, sanctus, unicus, multiplex, subtilis, disertus, mobilis, incoinquinatus, certus, suavis, amans bonum, ac-

tus,

tus, quem nihil vetat, benefaciens, humanus, benignus, stabilis, certus, securus, omnem habens virtutem, omnia prospiciens, & qui capiat omnes spiritus: intelligibilis, mundus, subtilis. Si igitur nostri Academici Theologi pro mortua illa & literali, hanc vivificam & essentialem Christi agnitionem adipiscerentur: DEUS bone, quanta, inde utilitas misera & mox collapsura Ecclesiae redundaret: non torrida, tot discordiae & varia sectae ubiq; locorum gliscerent: sed pax totius & concordia, quam spiritus sapientiae incarnata, per proprietates illas modo a Sapiente enumeratas, operaretur, tam inter doctores, quam auditores abunde propagaretur, & constanter conservaretur. Commendo igitur hunc biblicum hortum imprimis Theologis. Sufficiet enim illis hunc diligenter & essentialiter, uti dictum est, excolere: nec opus erit aliunde accersere tot ac tam varia hominum commenta: in quibus plerumq; propria magis quam DEI gloria, quaritur. Omnis enim scriptura, teste D. Paulo 2. Timoth. 3. divinitus (non humanitus) inspirata utilis est ad docendum, ad arguendum, ad corripiendum, ad erudiendum in iustitia: ut perfectus sit

F s

homo

homo. DEI, ad omne bonum instructus. Et
hæc de horto biblico, qui est Christus Iesus, dix-
isse sufficiat. Nunc de horto macrocosmico, qui
est Christus Deus, pauca in medium profere-
mus. Sicut enim de Christo Iesu testatur scrip-
tura, sic de Christo Deo testatur creatura sive
magnus mundus: & de Christo homine, mi-
crocosmus sive parvus mundus, qui est homo.
Hæc autem ad propositum nostrum, clarioris tan-
tum doctrina causa ita distinguo: quamvis non
ignorem, quemlibet hortum de qualibet Natu-
ra in Christo testari. Si igitur Dei cognitionem
in Christo habere cupis, ex macrocosmico horto
eam tibi comparabis: non autem, priusquam
lumen maioris mundi ex solius Dei gratia tibi
ortum fuerit. Orto autem hoc lumine, mox cum
Hermete Trismegisto exclamando fateberis:
Deum esse invisibilem mundum: mundum
verò esse visibilem Deum: & cum D. Paulo ad
Rom. II. Ex ipso: & per ipsum: & in ipso esse
omnia. Idem Hermes lib. II. ad Tatium: Deus,
inquit, est universum: & in universo nihil est,
quod non sit Deus. Unde neq. magnitudo, neq.
ocus, neq. qualitas, neq. figura, neq. tempus cir-
a Deum est. Universum enim est. Universum a.
per.

per omnia & circa omnia. Qui igitur univ-
ersum essentialiter cognoscere volet, is necessario
id cognoscet ex universo, per universū, & in u-
niverso. Quamprimum enim quis desertor u-
niversi factus fuerit, is non amplius versabitur
in lumine, sed ab universo, quod est Deus & lu-
men Naturæ, in particularitatis tenebras, ex
quibus nulla perfectionis salus unquam speran-
da, incidet. In hoc igitur universali macrocos-
mico horto agnoscendo excolendoq, maximè la-
borare, & omnem suam operā impendere de-
bebāt omnes Physici, medici, astronomi, Chymi-
ci, & aliorū artium naturalium magistri. Inveniet
enim in eo omnis generis pulcerrimas & utilissi-
mas scientiarū plantas, quib. professionē suam
quilibet ornare & amplificare poterit: ita ut in
posterū ab omni librorū de reb. Physicis scripto-
rū lectione facile sint excusadi. Libri enim illi
scripti similes sūt terræ petrosæ, in quā semē pro-
jectū, continuo quidē exoritur, sed superveniēte
Solis ardore astuat, & quia non habet radicē, a-
rescit. In horto v. macrocosmico nostro, terra est
optima, in quam si semē ceciderit, fructū dabit
centuplū & millecuplū. Restat adhuc hort⁹ ter-
tig, nempe microcosmic⁹, qui est Christus homo;

Hunc

Hanc igitur tam in Christo quam in homine,
 ut cognoscamus, necesse erit nobis prius depo-
 nere carnem Adamicam, & induere novum
 hominem, sicut est ipse Christus, qui primoge-
 nitus inter filios DEI factus est. Jam autem
 in nostra potestate situm minimè est, ut exua-
 mus veterem Adamicam creaturam. Sicut enim
 Hermete teste, terrena non agunt in cœlestia, sed
 cœlestia in terrena, ita homo Adamicus non
 potest in Christum agere: sed necesse est, ut
 Christus agat in hominem. Nulla autem fit
 generatio nova sine rei generanda putrefacti-
 one vel mortificatione. Homo igitur ut de
 novo de super regeneretur, cum Christo moria-
 tur necesse est, idq; per agnitionem, suorum
 peccatorum & seriam ac veram pœnitentiam:
 in qua simul cooperante Spiritu sancto per fi-
 dem veram, in Christum, nova creatura se-
 men concipitur, quod temporis progressu ger-
 mina, producit, & tandem fructus pœniten-
 tia, dignos abunde profert. Hujus microcos-
 mici horti cultores debebant esse omnes libera-
 lium artium & Jurisprudentia professores.
 Sicut enim Adam ante lapsum omni-
 um artium, cognitionem absq; præceptore
 perfe-

perfectè tenebat: eratq; justus & perfectus:
sic nova creatura homo poterit post regenera-
tionem in Christo, ex Christo & per Christum
omnium rerum artiumq; scientiam, omnemq;
justitiam, equitatem, & judicium rectum sibi
absq; ullo magistro & absq; ullo corpore & co-
dice juris perfectè cõparare. Hic enim solus est
ille DOMINUS, qui dat sapientiã: & ex ore ejus
pradectia & scientia. Prov. 2. Imò ille est ipsa mea
sapientia incarnata clamitans: & pruden-
tia dans vocem suam: In summis excelsisq;
verticibus supra viam, in medijs semitis stans,
juxta portas civitatis, in ipsis foribus loquitur,
dicens: Veni dilecti mi in hortum meum, &
comede fructum pomorum meorum. Veni
in hortum meum, soror mea sponsa, messui
myrrham meam cum aromatibus meis: come-
di favum cum melle meo, bibi vinum meum
cum lacte meo: comedite amici, & bibite,
& inebriamini charissimi. Dilecte mi, des-
cende in hortum meum ad areolam aroma-
tum, ut pascaris in hortis, & lilia colligas:
descende in hortum nucum, ut videas poma
convallium, & inspicias si floruerit vinea, &
germinaverint mala punica. Proverb. 8. &
Cant. Cant. 5. 6.

sed

Sed quia, pro dolor, omnes omnium artium
 & facultatum magistri, hodie despicatui habēt
 hunc saluberrimum & unicum omnium scien-
 tiarum hortum; qui est Christus Jesus, D E U S
 & Homo: nec insuper eo, quo debebant, modo
 tripartitum istum hortum, Biblicum nempe,
 macrocosmicum & microcosmicum, vel mini-
 mo saltem digito attingunt: in duplicem sese
 calamitatem, unā cum omnibus suis discipulis
 turpiter conjiciunt: in apostasian videlicet, &
 imperfectam donorum scientiarumq; adeptio-
 nem. Dum enim hoc veritatis horto relicto,
 flores scientiarum in conspurcatis & fœdatis
 gentilium agris colligere tentant, pro veritatis
 floribus, rosis & tritico, metunt mendaciorum
 spinas, tribulos, lolium & zizaniā: & sic
 transfugæ iniquissimi, debitas justasq; persol-
 vunt pœnas. DEUS enim, ut D. Paulus loqui-
 tur, Rom. 1. trahit illos in desideria cordis eorū,
 utpote qui commutaverunt veritatem DEI in
 mendacium. Et sicut non probant Christum Ie-
 sum pro vero omnium scientiarum horto ha-
 bere: tradit illos D E U S in reprobum sen-
 sum, ut faciant ea, quæ non conveniunt,
 repletos omni iniquitate, malitia, for-
 mica-

nicatione, avaritia, nequitia, plenos invidiam &c. Hi nimirum sunt fructus apostasiae. Homo enim apostata, vir inutilis, graditur ore perverso, annuit oculis, terit pede, digito loquitur, pravo corde machinatur malum, & omni tempore jurgia seminat: huic extemplo veniet perditio sua, & subito conteretur, nec habebit ultra medicinam. Proverb. 6.

Et, ut D. Paulus addit, qui talia agunt, digni sunt morte: & non solum, qui ea faciunt, sed etiam, qui consentiunt facientibus. Quotus quisque autem est Academicorum, qui postquam conscientiam suam probè examinaverit, non hoc in catalogo inscriptum se quoque inveniat. Optandum itaque esset, ut resipiscerent in tempore, ne deciperentur amplius per Philosophiam & inanem fallaciam secundum traditionem hominum, secundum elementa mundi, & non secundum Christum, in quo habitat omnis plenitudo divinitatis corporaliter. Col. 2. Si igitur sapere vultis, nolite amplius confidere in doctis sapientiae humanae verbis, sed in doctrina spiritus & veritatis. Si a. quis vestrum sibi videatur sapiens esse in hoc seculo, stultus fiat, ut sit sapiens.

Sapien-

Sapientia enim huius mundi stultitia est apud DEUM. Scriptum est enim: Comprehendam sapientes in astutia eorum. Et iterum: Dominus novit cogitationes sapientum, quoniam vana sunt. Nemo itaq; gloriatur in hominibus. 1. Cor. 2. & 3. Si verò perrexeritis seclari gentilem istam sive humanam & inanem Philosophiam, non tantum nefarii DEI desertores & apostata permanebitis sed insuper etiam semper discentes, nunquam ad scientiam veritatis pervenietis. 2. Timoth. 3. Quae enim perfectio speranda est ab ingenio humano, quod post lapsum primi parentis tam miserrè fœdatum & laceratum est, ut nisi desuper à patre luminum rursus illuminetur, per se nunquam ad perfectionē ullā respirare possit. Longè vos superat Hermes, qui Philosophia sua originem deducit ab ipso DEO rerum omnium authore. In pura igitur huiusmodi & sincera Philosophia Hermetica, quae ab omni falsitatis lolio sequestrata est, omne vestrum studium & operam ponatis: cum hac sola alumnum suum ad maiorem & ferventiorē pietatis cultum provocet: adeo ut nullum aliū finem philosophandi sibi proponant, quàm ut
ex pie-

ex pietatis vera cultura DEUM, naturam, & seipsum cognoscant. Sapiencia enim absq. pietate vera est stultitia.

HERMES.

Fili quicquid audis, rationare: Non enim te puto ratione privatum, nec insipientem. Igitur meas exhortationes suscipe, & meditare, & sic cor tuum coapta, ac si exhortationum author esses. Cui enim natura calida est, si frigidus fiet, non ei nocebit: similiter, qui rationalis est, claudat à se ostium ignorantiae, ne securus decipiatur.

SCHOLIUM.

Ex omnibus actionibus, quae inconsulto quodam & temerario suscipiuntur impetu, raro aut nunquam sperandus erit bonus & optatus eventus. Consilio verò & prudentia, si qua in re, in Chymia certè opus est: praesertim si cum magistris ipsis colloquium fortè instituire volueris. Hi enim non contenti rationibus, rationum insuper rationes postulant: adeò rigoroso probationis hamo, omnē discipuli expiscantur angulum. At librorum solum-

G modè

modo lectioni deditus, si rem propositam ad recta rationis amissim & naturæ possibilitatem expenderis, saluus eris. Sin verò nudam tantum literam spectaveris, tanquam rationis inops & imprudens decipieris. Audi igitur fideliter monentem authorem, cuius consilio nullum approbabis propositum, priusquam id firmissimis rationum momentis probè munitum fuerit. Sed unde rationes & argumenta illa, promenda sint, supra in capitulo primo evidenter satis declaratū fuit. Si igitur his armis tanquam lorica & fortissimo corporis munimēto indutus fueris, duplex tibi pectoris robur conciliabis, omnesq; sophistarum ietus à quacung; parte imminentes, sine negotio avertes & declinabis. Quemadmodum enim nix cadens super lapidem ignitum, statim diffluit, & in vaporem resoluta evanescit, sic sumpto rationum clypeo, omnes hostiles sophismatum, in scriptis sapientū ubiq; occurrentiū, impetus propulsabis, & sic hostibus ignorantie proprijs flagatis, victoriā tandem obtinebis gloriosissimā: & eos, quos tibi antea inimicos putabas, in veram & sinceram, aeternamq; tibi devinctos amicitiam experieris.

HER.

HERMES.

Fili accipe volatile, volans submerge,
& divide ipsum à sua rubigine, quæ
ipsum interficit, extrahe & repelle ab
ipso, ut fiat vivū, ac tibi respondeat non
volando in regionibus, sed volans a-
pertè contineat. Si enim extraxeris ab
angustia post angustiam, & in diebus ti-
bi notis ratione rexeris conveniens co-
mes tibi erit, & eris Dominus superans
co decoratus.

SCHOLIUM.

IN Chymia duo sunt principia, ex una radice
orta, quæ lapidis subiectum, ab omnibus ferè
declamantur Philosophis, videlicet argentum
vivum, & sulphur: quorum illud volatile est
& superius: hoc verò fixum & inferius: ex
quorum conjunctione sæpius repetita, fit vera
& Philosophica sublimatio ac fixio. Est enim
fixio, cum corpus recipit spiritum tingentem,
& aufert ejus volatilitatem, & fit per fre-
quentem reiterationem, donec producat
cinis perpetuæ durationis, & totum in i-
gne maneat. Est autem à principio ope-
ris, lapidis substantia, quæ per se fixissima,

G 2

Spiriti-

Spiritibus non fixis, vel ut Philosophi loquuntur, aquis ponticitatem habentibus, veluti aceto radicato, ac similibus solvenda, ut fiat volatilis. Hac enim ratione aptior erit ad separandam ejus rubiginem. Rubigo enim putredinis genus est in metallis, & certissimum imperfectionis signum.

Hac igitur ab illis amovenda est per sublimatione, totiesq; illa reiteranda, donec volans a fixo retineri, visui manifestum fiat. Non autem precipitanter hic procedendum erit, neq; una statim vice omnia peraguntur: sed gutta post guttam paulatim extrahenda. Possit enim alias fieri, ut ex nimia festinatione vel vas frangatur, vel materia detrimenti quid capiat. Cum igitur teste Salomone, Sap. II. omnia DEUS in mensura, & numero, & pondere disposuerit; non oscitanter prateriundi sunt dies noti, scilicet Philosophis. Sapienter enim, inquit author, si ita diebus notis rexeris opus, conveniens tibi comes erit, & maxima inde honorum ornamenta tibi evenient: juxta illud Poeta stellati ita canentis:

*Proinde sopheri veteres subtili indagine quendam
Commenti lapidem, sibi fida viatica cunctis*

Perman-

Permansura locis, nunquā interitura pararūt.
Quo auxilio, varias terras, diversaq; regna
Cernere, & à multis quā plurima discere pos-
Et paulò post: (sent,

Quem qui habet, ille potest, ubi vult habitare
decenter:

Nec fortunæ iram metuit, nec brachia furum:
Sed paucis tanto dignantur munere divi.

HERMES.

Fili extrahe à radio umbram suam, &
sordidum, eo quod nebulæ ei super-
eminent, coinquinant, & à luce reti-
nent, quia angustia, & sua rubedine com-
buritur. Fili accipe hunc ruborem, aqua
corruptum, quemadmodum ignis lator
est cinis vivus, quem si ab eo semper au-
fers, quousq; rubor tibi purificetur, fit
tibi societas, qua calefcit, & in qua
quiescit.

SCHOLIUM.

Quemadmodum in Sole ambulantis corpus
continuò sequitur umbra, tanquam co-
mes in dividua, sic hermophroditus noster A-
damicus, quamvis in forma masculi appareat,
G 3 semper

semper tamen in corpore occultatam Evam sive feminam suam secum circumfert. Hæc vicem tenet patientis; ille agentis. Cum verò illa ob sexus imbecillitatem, vel potius insufficientem digestionem, impura adhuc & vitiosa, ac nativi splendoris perfectione orbata, ignis examen sustinere nequit: non secus ac aquila spuria, quæ adversus solem volans splendorem ejus ferre nequit: Degeneres enim lux arguit: idcirco omnes istæ dotes, quibus exuta & spoliata existit mulier, sunt ipsi per ignis vivi, hoc est, masculi beneficium reparanda: rubedo polluta & maculata in pristinam claritatem, puritatem, & integritatem reducenda: & tantisper depurationis opus continuandum: donec femina masculi sui vim recipiens adeo roboretur, ut frigus calorem, & omnes externas injurias sustinere, nullumq; non examen subire, & tranquille tandem in naturali unitatis thoro cum viro gaudere & quiescere possit. Sicuti enim Deus ab opere creationis quievit die septimo: qui dies apud Mosén appellatur Sabbatum, id est, dies quietis: ita Saturnus nostra magnesie, ultimam manum imponit operi, & ab eo quoq; die Philosophorum septimo quiescit.

quiescit. Non tamen quiescendo interim opus, se effectum planè deserit: sicut neq. Deus à creaturis, post absolutum creationis opus unquam recedit: sed quiescere tantum dicitur ut erg. am Deus, quam Saturnus noster, quod novam speciem præter illas, quas septem illis diebus alter creando, alter generando produxerat, amplius nullam superaddat. Siquidem, ut Deus omnem divinitatis suæ thesaurum, quem ab infinita seculorum eternitate, in se tanquam archetypo absconditum continuerat, septenario dierum numero complexus, illum nobis per admirandum hoc creationis artificium in suis creaturis manifestavit, & tam perfectè ac graphicè representavit: ut ne minima quidem jota sit in creatore, cujus non simulachrum aliud quod inveniatur in creaturis: eodem modo Saturnus occultè corporum metallicorum simulachra in se circumferens, per eundem septenarium dierum numerum tandem finito opere omnia corpora explicata in lucem profert. Quod autem, non otiosus neq. Deus, neq. Saturnus sit: manifestè demonstrat rerum omnium continuata, hæctenus multiplicatio: quæ absq. DEO, & eadem Saturno, tanquam

secundo à DEO rerum naturalium dispensatore & gubernatore, aliàs impotens & inefficax fatisceret. Magna autem vis & potestas, summumq; secretum in hoc dierum septenario latet: ut qui magicè & ex interna sua anatomia, in partes suas sive membra resectus, representat quodammodo universale quoddam & essentialiale tam Creatoris, quam creaturæ nomen: ita ut unus septenarius omnem categoriarum numerorum vim ac virtutem plenariè complectatur. Componitur enim septenarius externario & quaternario, quorum characteres vulgò exprimuntur per 3. & 4. quasi dicas, ter quatuor, quæ faciunt duodecim: ita ut in idem recidant septenarius & duodenarius, qui simul per multiplicatum Naturæ artificii sumpti proferunt octuaginta quatuor: quorum Characteres sunt 8 & 4: qui duo numeri per simplicem additionem redeunt in suum principium, nempe in duodenarium & septenarium. Octo enim & quatuor faciunt duodecim. Duodecim autem resolvuntur in ter quatuor: qui per characteres hosce 3. & 4. reuertuntur in septenarium numerum. Ex qua conversione colligitur; eundem DEUM in
 creatio-

creatione, eundemq; Saturnum in rerum generatione, esse 7.12. & 84. hoc est, principium, medium & finem: sive omnia in omnibus. Videmus praterea eundem septenarium, ex geminato ternario & simplici unitate, duos illos ternarios invicem copulante constare. Saturni enim dies est ille unus, qui ex ceteris omnibus diebus, in unum quasi fasciculum collectis ac colligatis, diem quietis sive sabbatum producit: ita ut in generationum progressionem nihil amplius praterquam unus ille dies septies numeratus reiteretur, & sic consequenter in infinitum usq; per se ipsum multiplicetur. Observandum quoq; est duplex horum ternariorum discrimen, quorum alius cælestis, alius elementarius existit. Cælestis refert tria principia pura & perfecta: Elementaris autem tria impura & imperfecta: quæ per unitatem copulativam in unum septenarium perfectum & omnibus numeris absolutum reducuntur: veluti videre est ex his circulis & planetarum characteribus: 0 0 0 - 0 - 0 0 0, sive ♄ ♃ ♀ - ☉ - ♀ ♁ ☽. (000) Hi tres circuli primi referunt tria principia cælestia. (0) Circulus autem unicus medius, est unitas copulativa.

G 5

(000)

(000) Tres ultimi sunt tria elementaria principia, quæ per medium circulam in unum, uti dictum est, cœunt. Johannes Dee Londinas Anglus, suam monadem hieroglyphicam in octonario demum numero sabbatizare asserit: quæ opinio, si internam rei naturam & proprietatem probè pendamus, nobiscum minimè pugnat. Uterq; enim Sabbati dies, tam septenarius Saturni, quam octonarius Solis invicem in essentia conveniunt. Sed hoc tantum discriminis interest inter utrumq;, quòd sicut ceremonia & sacrificia veteris testamenti præfigurabant Christum, in Maria virgine, à sancto Spiritu concipiendum, incarnandum, nasendum, occidendum, sepeliendum, resuscitandū, & ad gloriam sive dexteram patris evehendum: nos autem in novo testamento jam Christum non amplius in figura sive typo, sed re ipsa & actu agnoscimus conceptum, incarnatum, natum, occisum, sepultum, resuscitatum, & ad gloriam sive dextram patris sui evectum, & super omnes cælos exaltatum: sic Sabbathum Saturni per septimum diem indicat magnesiā nostram in terra Philosophica seminandam, corrumpendam, digerendam, coagulandam, subli-

Sublimandam, incerandam & figendam:
 Sabbatum verò Solis per octavum diem ean-
 dem magnesiā jam seminatam, corruptam,
 digestam, coagulatam, sublimatam, inceratā
 & fixam, & insuper uno gradu altius, & su-
 pra septimum Saturni cælum exaltatam aper-
 tē commonstrat. Sic igitur sabbatizat nunc
 turba Philosophica, & unusquisq; manet apud
 semetipsum, nullusq; egreditur de loco suo die
 septimo Saturni, ut olim in Judaismo, sive die
 octavo Solis, ut nunc in Christianismo.

HERMES.

Fili carbonem vita extinctum, redde
 aquæ 30. diebus tibi notis, proinde
 tu es rex coronatus, quiescens super pu-
 teum, ab illo auripigmento, humore ca-
 rente. Jam gavisa feci corda audientium,
 sperantium in te, & oculos tuos te intu-
 entes, spe ejus, quod contines.

SCHOLIUM.

Carbonis vita ignis est, quo remoto, corpori
 mortuo similis fit. Nec in Carbone solum,
 sed in cæteris rebus omnibus ignis vitam ex-
 citat, fovet & conservat. Imò vitæ
 essen-

essentia aliud nihil est, quam purus, putus ignis: non quidem ille crassus & corrumpens elementaris, sed subtilis ille, cælestis, & generans omnia, qui, teste Aristotele, respondet elemento stellarum.

Hic in metallis ob molis corporeæ crassitiæ extinctus, aqua Philosophica, oleaginosa, & sulphurea, resuscitandus est: quod fit, ut author vult, spacio triginta dierum. Numerus certus dierum supra silentio involutus, hic manifestis exprimitur verbis. Sed quamvis aperta dierum hic fiat assignatio: industria tamen artificis in hoc opere plurimum valet. Hic enim potest varijs modis, operis regimen instituere: tum ratione materiae, quam accipit: ubi una præ alia perfectioni propinquior existit: tum ratione ignis, in cuius justo ac æquo moderamine consistit totum arcanum & scientia. Si igitur scitè peregeris omnia, ad hanc rem necessaria, regio diademate ornandus eris: quo olim omnes Philosophi præ ceteris hujus doctrinæ ignaris conspicuè emicabant.

Non autem existimes, reges ejusmodi more regum & principum politicorum, externam
poten-

potentia & divitiarum gloriam affectasse
& occupasse: cum potius plerique Philosopho-
rum in spontanea paupertate quiete vive-
re maluerint: quam colla sua molesto & per-
nitioso divitiarum iugo subdere. Unde Ana-
creon Philosophus pecuniam omnem sibi dono
oblatam, Polycrati tyranno restituit: utpote
à qua custodienda plus molestia, quam volup-
tatis senserat. In quo Hermetici, Salvatoris
ac Domini nostri exemplum imitari videntur:
qui coram Pilato apertis fatetur verbis, su-
um regnum non esse de hoc mundo. Eiusmo-
di enim mundanarum deliciarum maximi
contemptores Philosophi, summam volupta-
tem querant ex solo sapientie studio, & rebus
divinis indagandis: tanquam obedientes Sapi-
entis discipuli, qui Proverb. 8. dicit: Doctri-
nam magis, quam aurum diligite: melior e-
nim illius fructus est auro, & lapide precioso,
& genimina ejus argento electo. O utinam
hodiernum seculum id consideraret: non utique
sacra auri fame tam plurimi laborarent: qui
postquam magnam auri vim per fas & nefas
corraferunt, eodem postea ad impios & nefa-
rios usus pro dolor abutuntur, & sic ex pro-
prijs

prijs nummis sibi ipsis comparant infernum,
& aeternum animae supplicium.

Postquam igitur Philosophus, absoluto opere, potitus fuerit regio isto honore & gloria, super puteum, inquit author, quiescit ab illo auripigmento, humore carente. Puteus est fons Philosophorum, ex quo ipsi hauriunt suum auripigmentum, carens humore, hoc est, aquam suam currentem quidem, sed manus non madefacientem: quam tandiu digerunt & coquunt aliquot ignibus: donec omnis inde humor superfluous separetur & prorsus exiccetur. Credibile sanè est, non levi, sed maxima inde & incredibili voluptate affici artificem, qui tandem voti sui compos, omne id quod hactenus tempore longo, spe dubia, & desiderio summo expetivit & expectavit, nunc re ipsa experitur, oculis intuetur, atq; utiliter & fructuosè perfruitur.

HERMES.

Fili notum habeas, quod aqua prius erat in aere, deinde in terra, redde tu quoq; eam ad superiora, per suos meatos non ineptè eam muta: deinde spiritui suo rubeo priori collecto, & parcè eam conjungas.

SCHO-

SCHOLIUM.

Turba Philosophorum inquit: convertite elementa, & quod queritis, invenietis. Sunt enim elementa, ut dicit Philosophus, circulariter conversiva: propterea quod unum elementum cum altero symbolizat. Terra enim quæ est sicca & frigida participat ex una qualitaris proprietate cum aqua, quæ est frigida & humida. Aer autem humidus & calidus participat cum igne, qui est calidus & siccus: & sic consequenter terra cum igne, quo ad siccitatē. Sed unum est tantum verum ac primum elementum lapidis, videlicet terra, quæ calcinatione Philosophicā exusta, & rarefacta, solvitur postea loco humido in liquorem sive aquam turbidam, crassam, & ponderosam: hæc sublimatione subtilior reddita transit in aerem sive oleum: quod sublimationis continuatione totum igneum redditur. Sed ut penitus absumat eus superflua humiditas, igne fortissimo hoc oleum ultimò reducendum est in cinerem sive terram rubicundam. Et sic Draco devoravit caudam suam: & Pelicanus proprio suo sanguine, ex pectore emisso, pullis suis mortuis restituit vitam.

Hic enim Pelicani sanguis est spiritus iste rubens, de quo author hic loquitur. Nam quo ad colorem, rubicundus non solum est sanguis: sed in corpore etiam humano nullam invenies partem (quamvis is ex partium numero immerito excludatur à medicorum Galenicorum turba) quæ plus abundet spiritibus, quàm ille ipse, ita ut à medicis quibusdam præcipua vitæ sedes dicatur. Monet præterea author, parcè invicem conjungenda esse elementa. Leges enim naturæ sunt inviolabiles; adeò ut exactè & præcisè sint observanda:

Quas ultra citraq; nequit consistere rectum. Sed ne quis scrupulosius, quàm par sit, de elementorum conjunctione sentiat: nihil cum ipsis conjungitur, quàm quod antea separatum fuit: ita ut separationis & conjunctionis unus sit author, & una eademq; causa efficiens: quæ nihil aliud est, quàm Archeus terra, qui in Philosophorum mineris, continuo suo labore operi præsto est. Huic inserviunt Gnomi, qui ex innata scientia norunt, quid separandum aut conjungendum, quidve addendum demendumve sit: ita ut non opus habeant sciolis

Scioliis quibusdam consultoribus: qui crassis fatuisq; suis operationibus externis, fecem pro terra, phlegma pro aqua, liquorem pinguiorem & subtiliorem pro aëre, subtilissimum pro igne venditant: hæcque invicem confundunt, miscent & tandiu macerant, donec tandem aut ab acuta illorum penetrandi vi, aut ab ignis externi violentia, vasis fractis omnia vel in cinerem & favillam abeant, vel in fumum evanescant. Et sic quidem crassis stupidisq; ingenijs, crassæ ejusmodi merito conveniunt operationes.

Philosophi verò subtilius quid & dignius sua contemplatione indagantes, relicto externo isto cortice, in solum elementorum nucleum externum & invisibilem eruendum incumbunt. Quem dum ignari isti sycophantæ non percipiunt, insurgunt in Philosophos, eosq; instar canum rabiosorum invadunt, mordent, calumniantur, criminantur: seq; illis longè anteponunt. Quid enim inquiunt, sciat ille doctorculus: qui ætatem ferè totam tantum in scholis & literis discendis consumpsit: qui nondum scit vitrum aut vas aliquod probè sigillare, neq; carbonum attrectatione manus un-

H quam

quam laesit: Majore labore & sudore opus est, antequam subtilissimi & ingeniosissimi (scilicet) Alchymistarum labores perdiscantur. Hujusmodi quadratum Polypnerum, vidi aliquando in amplissima nostra Parisiensium urbe, qui natione Græcus, sine dubio etiam semper mendax, mala bestia, venter piger; non verebatur oblatrare viro cuidam doctissimo, magno Philosopho, caballista, mago, & rerum abstrusarum peritissimo: cui sese non solum æquiparabat dicens: quantus tu es in lingua latina Philosophus, tantus ego sum in mea Græca; sed ex contemptu quoque illum in medicis tantum rebus solerter satis versatum esse blaterabat: in Chymicis autem ne secum quidem comparandum impudentissime mentiebatur. Idem mihi aliquando contigit in Helvetia, Augustæ Rauracorum: cum in diversorio quodam inter prandendum contulissem, cum quodam Germano, viro aliàs literatissimo, qui postquam meas objectiones de arte Chymica solvere nesciebat, & in præsentia aliorum juvenum medicorum, sibi familiarium, præ pudore erubescere, hac rixosa importunitate sua authoritatis salutem vindicaturus;

turus: Tu inquit, ut ex sermone tuo intelligo, prorsus ignarus es rerum Chymicarum, nec vel carbonem tetigisti unquam. Ego verò, quia antea ex propria ipsius confessione, illum diu laborando ne tantillum quidem inde percepisse utilitatis, ne veram, simpliciter respondi: neq; tot ego inutiles feci sumptus, ut multi solent. Sed si miser ille scivisset, quàm paràm veri Chymie indagatores, de mortuis illis carbonibus solliciti essent: quàmq; mihi tum temporis labia carbone vivo, ab altari Philosophico per angelicam, vel potius divinam inspirationem, ad me perlato, tacta ac tincta, fuissent: majori fortè verborum humanitate meam quasi visset amicitiam: neq; tam difficilem sese erga me exhibuisset. Sed antiqua est illa inter homines calamitas: ut semper virtus & veritas, vim patiendo, premantur: vitium autem & mendacium instar spumæ in hac immunda mundi olla ebulliendo, semper summa petant. Quis igitur Philosophorum, erudiat aut arguat ejusmodi impios irrisores: nisi fortè sibi ipsi injuriam facere, & maculam contrahere velit? Missis igitur sycophantis istis,

me nunc converto ad sapientie filios, quibus
 Solis occasionem dabo: & addetur eis sapien-
 tia: justosq; docebo & festinabunt accipere.
 Sciant itaq; sapientie filij, mixtiones nostras e-
 lementorum non esse corporeas, sed spirituales:
 neq; manibus, sed Archei Gnomorumq; operâ
 perfici. Hunc igitur Archeum cum suis mi-
 nistris, sive spiritibus disce probè cognoscere, &
 haud longè aberis à veritate, mihiq; gratiam
 habebis maximam.

HERMES.

SCito fili, quod terræ nostræ unguen-
 tum est sulphur, auripigmentum, fi-
 retz, & colcothar, quod est sulphur, au-
 ripigmentum, sulphura, & similia, quo-
 rum quodlibet est vilius altero, in qui-
 bus diversitas est. Ex quibus etiam est
 unguentum collæ, quod est pili, ungues,
 & sulphur, de quibus etiam est oleum
 petrarum, & cerebrum, quod est auri-
 pigmentum, de quibus etiam est unguis
 felium, quod est firetz, de quibus etiam
 est unguentum alborum, & unguentum
 duorum argentivorum orientalium,
 quæ

quæ venantur sulphura, & corpora continent.

SCHOLIUM.

Tot ac tam multiplicium nominum enumeratio non facit ad aliud, quàm ad cognitionem veræ materie lapidis: Non, quod unum ex istis nominibus, quæ partim nota, partim ignota & peregrina sunt, materiam verè & sine sophismate detegat: sed quod ingeniosi tantum sapientum filij, ex omnibus simul collectis, infallibilem tandem materie veritatem eruere queant.

Inter omnia autem imprimis argentum, vivum videtur eligendum. Nam Riplæus Angelus, Philosophus acutissimus inquit: Philosophi vocant argentum vivum, & non vulgare, sine quo nullum existens esse potest. Si igitur nihil sub Sole existit, in quo non reperitur argentum vivum: non absurdè hinc illud omnium rerum nominibus appellare voluit author: circa quod unicum subiectum multi quidem multos labores, vanos & inutiles insumunt, & diu quærentes, nihil inveniunt: sed magis magisq; labyrinthæis sese implicant

vinculis, adeò ut tandem omnem prorsus in le-
 evadendi amittant commoditatem. Nimia
 enim, inquit Philosophus, festinatio ex parte
 à Diabolo est: & hac quidem non parvam ip-
 sis erroris præbet occasionem. Siquidem præ-
 cipiti quodam raptu, ab insatiabili habendi de-
 siderio ac cupiditate concitato irruunt in ar-
 tem: & dum illotis manibus, sacra Philoso-
 phia mysteria, quæ temerare aut polluere ne-
 fis est tractare, & re incognita, manum ope-
 ri admoveere conantur, ordine quodam inver-
 so, sive, ut in scholis loquuntur, per ὕστερον πρὸ-
 τερον, in tantam confusionem illabuntur, ut
 nunquam hinc aliquid laude dignum conse-
 quantur. Cum igitur maximoperè necessa-
 ria sit perfecta ac solida argenti vivi cognitio,
 antequam quid tentetur in hac arte: propin-
 quior autem & faciliior via ad ipsius notitiam
 perveniendi non detur, quàm quæ sumitur à
 virium & facultatum ejusdem contemplatio-
 ne: omnibus hujus profunde Philosophiæ dis-
 cipulis hoc fidele communico consilium: ut o-
 mnium primò aximo suo diligentissimè consi-
 derent, perpendant, ruminent, volvant ac re-
 volvant quascunq; illas argenti vivi sive mer-
 curij

curj Philosophici virtutes ac dotes, à Philosophis passim hinc inde in scriptis suis ipsi attributas: per has enim, tanquam per manu-ductionem, adjuvante simul divina clementia, absq; ullo dubio pervenient in penitissimam ipsius cognitionem.

HERMES.

AMplius dico, quod sulphur tingit & figit, & continetur, & est per tincturarum connectiones. Unguenta autem tingunt & fugiunt, quæ corpore continentur, quod est fugientium conjunctio uncia sulphuribus aluminaris, quæq; fugientia continent.

SCHOLIUM.

Distingvit hic author inter tincturam veram siue Philosophicam, & inter fictitiam siue sophisticam. Vera fit ex sulphure fixo & incombustibili, ob quam causâ corpora quoq; redduntur fixa & incombustibilia. Omnis enim transmutatio sequitur naturam transmutantis, & non transmutati. Necessesse igitur est, ut sulphur eligatur optimum ad hanc rem. Vulgare alienum est, quia inficit,

H 4 deni-

denigrat, & corrumpit: habet præterea duplicem superfluitatē, inflammabilem videlicet substantiam, & terreā feculentiam. Ergo indagandum aliud erit, quod ignis sit simplex & vivus, quodq; corpora mortua revivificet, eaq; in perfectionem summā, ultimamq; maturitatem perficiat. Tale, inquit Avicenna, non alibi reperitur super terram, quā in corporibus Solis & Lunæ: In Sole quidem perfectionis, quia magis & digestum & decoctum. Cum hoc igitur sulphure si tinctura præparetur, deq; infimo obscuritatis gradus per medium catenatim provehatur in supremum usq; dignitatis splendorem & spiritualitatem, quodlibet corpus, igne liquatum, tingit, & tam firmiter corporibus adheret, ut in æternum non amplius ab illis separetur: quia sic tingens & tingendum una tinctura facta sunt. Sophistica verò tinctura, quæ ex medijs mineralibus, ex sulphure adurente, arsenicali, aluminari, & similibus conficitur, neq; corpora, super quæ projicitur, neq; suam propriam substantiā ab ignis violentia defendere potest, sed simul cum corporibus fugit, & ab igne evolat in auras.

HER-

HERMES.

Flli inquisita dispositio à Philosophis una est, in ovo nostro: hoc autem in ovo gallinæ minimè invenitur. Ne autem extinguatur in ovo tanta gallinæ sapientia divina, ex 4. elementis compositio coaptata & composita.

SCHOLIUM.

Oli Philosophici descriptio varia hinc inde habetur apud Philosophos: quorum alij substantiam ejus in quatuor partes dividunt, juxta numerum quatuor elementorum, ut hic Hermes noster: & sic putamen est terra: albumen aqua: tenerior pellicula aër: & vitellus ignis. Alij in tres refecant partes, in vitellum, quem sulphuri comparant; in albumen, quod mercurio simile perhibent; & in putamen, quod salem significare volunt. Sunt præterea adhuc alij, qui luteum ovi tres rubeos planetas representare volunt: Martem videlicet, Solem & Venerem: album autem quatuor albos, Saturnum, Jovem, Mercurium, Lunam. Ambiens autem putamen esse tanquam cælum octavum, terra sive cinere in

H s combu.

combustibili, tanquam stellis fixis ornatum. Hoc ultimum, quidam ajunt, gladio igneo percutiendum, & in duas partes dividendum esse: ita ut verissimè author sentiat, ejusmodi ovum minimè esse gallinæ. Rectius aliquis galli, quàm gallinæ esse dixerit. Si enim vera est historia, qua gallus decrepitus atatis annum septimum vel nonum attingens, ovum parere perhibetur, ex quo nascitur basiliscus, serpens venatissimus, qui solo aspectu hominè enecat: non sanè ovum hoc, tanquam materia prima basilisci, adeò multum distabit à veneno sapientum, & mortifero, sive aqua Draconis, faciente & menstruosa. Ut ut sit, in effectu certè consensum deprehendimus manifestum, ita ut minus sit dubium de simili quoq; eademq; utriusq; essentia.

Hic est sine dubio gallus ille, quem quidam Aesculapio se oblaturum vovit, si per annum à morbis liber maneret. Hanc itaq; ovi cum lapide similitudinem & conspirationem cum viderent tam veteres, quàm recentes quidam Philosophi, haud ineptè ejus exemplum in describendo arcano Physico introduxerunt. Sunt autem præterea alie cause, quibus approba-

tur

ur ovi exemplum. Quemadmodum enim
ovum optimi nutrimenti, bonum, & lauda-
bilem sanguinem generat, vires ac spiritus
vitales impensè corroborat, & candidum
præsertim ovi, faciem à Solis adustione tue-
tur: Sic quoque mercurius sapientum debito
modo præparatus & exaltatus, si in parva
quãtitate sumitur, corpus humanum non tantum
alut & nutrit, sed ab omnibus etiam præser-
vat morbis: & præterea corpora metallica,
contra omnem vim ignis tuetur: adeò ut eo
tanquam familiari & amico pabulo delecten-
tur, & in eo, liceat mihi cum Philosophis lo-
qui, meliorentur. Videmus porro ovum vi-
tâ prorsus destitutum, & corpus mortuum esse:
à naturali verò gallinæ incubantis calore
vitam recipere, & in certo & definito
temporis spatio, pullum vivum, plumis,
capite, alis, pedibus, & omnibus necessa-
rijs organis ornatum excludere: Non se-
cus ac lapis noster, qui in crasso suo corpore,
nullum vitale documentum præstat, prius-
quam in propria aqua stygia solvatur, & in ea-
dem tanquam in matrice sua, quæ idoneum
ipso

ipsi & moderatum præbet calorem, ad justum
 tempus digeratur. Quo præterlapso, in
 vificum & spiritualem vertitur homuncu-
 lum, sive medicinam præstantissimam: quæ
 tot virtutum energijs excellit, ut miraculose
 omnibus medeatur corporis infirmitatibus; le-
 pram, quartanam, morbum caducum, apople-
 xiam, & omnes morbos, quos vulgus medicorum
 perperam judicat insanabiles, tollat atque
 perfectè curet. An non hoc est mortuos re-
 suscitare, & mox perituros è faucibus morti-
 eripere? sive enim ovum spectes vita orbatum
 sive metalla imperfecta & quasi mortua, sive
 agrotos languentes & moribundos, ubiq; di-
 cti veritatem agnosces. Sed confutandum
 hic occurrit eorum error, qui speciem unam in
 aliam transmutari posse negant: ignorantes
 distinctionem illam inter species perfectas &
 imperfectas. Quicquid enim adhuc est in
 motu ad formam, ad quam ultimo ordinatur,
 dici debet imperfectum: cum autem fuerit in
 fine motus, dici debet perfectum. Ovum e-
 nim ratione pulli, dicitur imperfectum: cum
 verò in ovum introducta fuerit forma pulli, ad
 quam tendit natura in ovo tanquam ad ulti-
 mum

num suum terminum: tunc pullus perfectus
erit: & species, quæ antea in ovo erat incom-
pleta sive imperfecta, nunc dicetur in pullo
perfecta.

Sic quoque aurum cum jam pervenerit ad
finem motus, & sic formatum secundum pri-
mam & veram intentionem Naturæ, ipsum
solum dicitur perfectum, & cum reliqua me-
talla sint in motu ad formam auri, dicentur
imperfecta: quamvis formas ad invicem ha-
beant diversas, per quas permanent & termi-
nantur, & sint perfecta quodammodo in sua
specie: attamen non sunt in ultimo termino
motus, in quo est ultima perfectio.

HERMES.

SCito fili, quod in gallinæ ovo maxi-
mum subsidium est, & in natura pro-
pinquitas: in eo namque est spiritualitas
& elementorum collatio, ac terra natura
aurum est.

SCHOLIUM.

Utitur hic author rursus similitudine ab
ovo sumpta: qua inferre vult, quod, sicuti
ovum gallinæ omnia ad pullum generandum
necessa-

necessaria in se continet: sic quoque ovum Philosophorum, sive mercurius noster in se habet quævis sibi necessaria. In ovo, inquit, est spiritualitas & elementorum collatio, quæ dicitur appellat maximum subsidium & in natura propinquitatem. Per spiritualitatem autem intelligit facultatem formatricem, spiritum pificem, & primum pulli gignendi auctorem. Is enim ex coordinatione elementorum, quibus utitur tanquam instrumentis, & omnia membra tam avium gallinacea, quam Hermetica, naturali sua & insita scientia disponit, & factum Philosophicum perfectè elaboratum & omnibus numeris absolutum, tandem in hanc lucem edit: quem author respectu elementarij artificij, terram esse dicit: Terram verò esse aurum, hoc est, opus completum. Præterea si literalem vocabuli (OVUM) anatomiam paullo accuratius examinabimus, inveniemus in eo omnia ad metallicam Philosophiam necessaria. Fiunt enim metalla ex geminis principiis: ex tribus nimirum propinquis: qualia sunt Sal, Mercurius & Sulphur: & ex quatuor remotis: quæ sunt quatuor elementa, ut terra, aqua,

aër,

& ignis. Vt igitur de propinquis
 philosophemur, litera O, Phi-
 losophorum sal sive Sol est: qui pri-
 marie fabricat corpus, quod artifex tracta-
 re, & in quancumq; formam ex natu-
 rae praescripto adaptare potest. Sine sale
 enim in aeternum non coagulabuntur re-
 liqua duo principia, Mercurius nempe &
 Sulphur; propter nimiam ipsorum spiritua-
 litatem, qua praedita sunt. Sal igitur
 hanc habet proprietatem, ut subtilia red-
 dat grossa, incorporea, corporea: occulta,
 manifesta. Vnde Philosophus in Turba ait:
 facite corpora non corpora: & incorporea
 corpora: Item, sumite occultum & hono-
 rabile arcanum, quod est magnesies alba,
 & quae est cum vivo mixta, sed non accipia-
 tis eam, nisi puram & mundam, & suo im-
 ponite vasi, & orate DEUM, ut hunc maxi-
 mum videre lapidem vobis concedat. Quod
 verò attinet ad duo ista VV, eandem ambo ha-
 bent significationem: & per hanc X, ut vides
 positionē, in unam coeunt literam, videlicet in
 X, quae litera apud Latinos idem, quod denarius
 numerus, significat, cuius aliàs character ex-
 primitur.

primitur per has duas notas IO : quasi dicitur
 unus circulus, vel unica circuli revolutio.
 I. enim unitatis manifestus est character
 verò circuli : ita ut per hanc crucem X.
 denarium numerum aliud nihil indicet
 quàm ipsemet Philosophorum Mercurius
 quo supra in nostris hieroglyphicis abunde
 tractatum fuit. M. autem, quia mille-
 rium equipollet numerum : in quo reliquorum
 numerorum ultima est perfectio, merito sul-
 phuris obtinebit vicem. Est enim sulphur
 ignis, essentia quinta, & spiritus, qui omnia
 vivificat & alterat, & omne germen germinat
 & omne lumen accendit, & omnes fructus
 florere facit. Quia enim omnia in se possit
 ac complectitur, omnes quoque has functiones
 in naturali rerum œconomia administrat. In
 hac de tribus propinquis dicta sufficiant. Ad-
 demus nunc pauca quedam de remotis, ubi vi-
 demus, **OVULM** ex quatuor literis esse composi-
 tum. Prima igitur litera O refert terram.
 Terra enim Philosophica rotunda esse debet
 & circularis, ut cœlum motu suo circa eam o-
 perari, & vim suam in illam mittere queat.
 Nisi enim rotunda esset terra, Sol & alij Pla-
 netae

meta circa ipsam operationes suas exercere non possent: sed cursus illorum aut in circuitu impediretur, aut velociori motu precipitaretur: ut Paracelsus docet in sua aurora. Dua verò sequentes litera VU, aquam representant & aërem. Primum verò V, quia consonans est, litera obtusior, imperfectiorem quoque, crassior, & obscuriorem aqua qualitatem denotat. Alterum verò U vocalis, hoc est, litera sonantior ac clarior, perfectiorem, subtiliorem, & clariorem aëris significat proprietatem. Est enim aër Philosophorum oleum: quod tincturam imprimit constantem, fixam & stabilem. Aqua verò etiam si madefaciendo quoque tingat, levi tamen moneto ista tinctura rursus abstergitur. Ultima denique litera M, ignem manifeste nobis depingit. Ut enim M, millenarius numerus omnia continet: ita quoque ignis omnia tandem in se transmutat, adeoque cuncta ignea, hoc est spiritualia & caelestia reddit. Si igitur tria illa principia propinqua, sal, mercurius, sulphur; & quatuor haec remota, Terra videlicet, Aqua, Aër, & Ignis, arte nostra secreta in unum reducantur corpus: septenarium metallorum numerum siue verum
I illud

illud Philosophicum sive magicum electrum conspicuè nobis exhibebunt: in quo omnem naturam mineralem quiescere & sabbatizare, supra luculenter satis ostensum fuit. Ex quibus omnibus palam convincitur: OVUM sibi ipsi ad partum philosophicum producendum sufficerere: nec opus habere aliena alchymistarum, sufflationum, & insensatarum luminum additione.

HERMES.

Filius ad Hermetem inquit: Sulphura nostro operi convenientia quæ sunt, cœlestia, an terrena? Et ille: quædam sunt cœlestia, quædam verò terrena.

SCHOLIUM.

SEquitur hic brevis Dialogus, in quo interlocutores sunt filius & pater. Filius questione proposita scire cupit à patre: num sulphura in opere nostro sint cœlestia, an verò terrena. Ad quæ pater respondens ait: esse ea non uniusmodi, sive ejusdem generis: sed quædam cœlestia esse, quædam terrena: interim tamen in confesso manet: ambo esse sulphura. Per
cæles

cœlestia sulphura intelligo Solem: per terrena
verò Lunam. Sol enim est corpus calidum, fi-
xum, rubeum, & incremabile, qui Lunam fœ-
minam suam frigidam, volatilem, candidam
& combustibilem perficit, & in gloria suæ so-
lium evehit & exaltat. Quod autem ut fiat,
miscendum est pugnans cum igne eis conve-
niente, praeliantur, & amicitia fit constans: ut
mox in sequentibus, pluribus dicetur.

HERMES.

Filius: Pater, puto cor in superioribus
esse cœlum, in inferioribus terram.
Pater. Non est sic: verum masculus est
cœlum fœminæ, & fœmina terra mas-
culi.

SCHOLIUM.

Aliam questionem proponit filius, rogans
num cœlestia à cœlestibus, & terrena sive
inferiora à terrenis gubernentur, foveantur,
& vivificentur. Cor enim vitalis functionis
principium in homine, hîc locum vitæ, hoc est,
virtutum formalium in qualibet mundana
distribuendarum obtinet. Sed respondet pater,
quod res non opinioni filij consentanea sit,
I 2 sed

sed aliter sese habeat. Cælum enim, inquit, est masculus terra: terra verò femina cæli. Vnde optimè cum Hermete convenire arbitror Platonicos, qui cælum intelligunt genitarum gignendarumq; formarum omnium seminibus conspersum: ejus verò animam seminales rationes comprehendere, quas uero divina mens omnes suo quasi sinu gerit. Quicquid igitur mundi universitate comprehenditur, id Deus cælo elementisq; conservandum, ortuq; assiduo continuandum subjecit, ut jam nihil, vel ex semine gigni genitumq; conservari sine cælo possit, nisi quid Deus, ijs quasi ministris omisis, ex se proximè miraculo efficiat. Quæcunq; etiam sponte sua, nullo semine prodeunt, ut stirpes pleraq; & animantes, metalla omnia, omnesq; lapides, ex uno cælo formas proprietatesq; sumunt, quod semper præsto est, & in omnem materiam idoneis præparationibus instructam, formam immittit, qualem illa mereatur. Hac itaq; cælestis causa præstantissima & nobilissima omnium est formarum exemplar, cujus per omnia diffusa virtus quocunq; penetrat: quam Plato mundi animam, alius quidam datorem formarum, Aristoteles universa-

versalem naturam appellavit. Terra verò est subiectum & receptaculum omnium radiorum influxuumq; cœlestium: ipsa à cœlo fecundata, omnium ex seipsa est gignitiva: omniumq; fecunditatum receptiva, & veluti prima parens, etiam omnium pullulativa, centrum & fundamentum, & mater omnium.

HERMES.

Filius. Pater, quicquid istorum est dignius altero, an esse cœlum, vel terram? Respondit, uterq; altero indiget: mediocre enim propositum est præceptis. Ac si diceres. Sapiens imperat omnibus hominibus: Mediocris enim est melior eo, quod omnis natura cum sua adunatur focia. Invenimus in virtute sapientiæ, quod mediocre coadunatur. At ille Pater, at quid illorum est mediocre. Respondit: unicuiq; naturæ tria sunt duorum. Primò utilis aqua: deinde unguentum: inferius verò fœx manet.

SCHOLIUM.

S igitur magico quodam matrimonio copu-
 landa sunt cælum & terra: queritur, utram
 præstantius in arte sit, cælumne, an terra? Re-
 spondetur: Neutrum seorsim quicquam præ-
 stare, nisi simul ambo conjungantur. Cum
 verò cælum sit in substantia sua adeò simplex,
 purum, & omnis alterationis expers, ut & hanc
 ob causam ἀσύβλητον ab Aristotele nuncupe-
 tur: dubium hinc multis oritur, quomodo possit
 ejus aliqua portio sive particula, hinc ad nos
 demissa, commisceri cum terra nostra
 crassa impura, & varijs alterationibus obno-
 xia. Sed scrupulum istum ex animo tibi exi-
 mit Hermes his verbis: Mediocre enim inquit,
 propositum est præceptis. Quid verò medio-
 cre sit, explicat rursus in sequentibus, ubi dicit:
 Unicusq; natura tria sunt duorum: primò u-
 tilis aqua: deinde unguentum: inferius verò
 fex manet. Idem est ac si diceret: Cælum
 & terra non possunt invicem conjungi sine
 medio: non secus, ac anima & corpus, ut alibi
 loquitur, non possunt in unum corpus uniri si-
 ne spiritu. Spiritus igitur mediator legi-
 timus est omnis veri matrimonij tam natu-
 ralis, quàm supranaturalis. Cælum enim
 ob na-

ob naturam suam simplicissimam, ac summam perfectionem, est instar anima. Vt igitur cœlum sive anima cum terra sive corpore naturali unionis thoro copuletur, necessario spiritus, qui cum utroque participat, & propterea mediocris, hoc est, non simplex & purus nimis, neq; nimis crassus & impurus ab Hermete vocatur, suo intercessionis jure & authoritate hanc copulationem firmam ratamq; efficiat. De hoc spiritu ita loquitur Marsilius Ficinus lib. 3. de vita, cœlitus comparanda cap. 3. Spiritus iste, inquit, est corpus tenuissimum, quasi non corpus, & quasi jam anima: item quasi non anima, & quasi jam corpus. In ejus virtute minimum est natura terreæ: plus autem aqueæ: plus item aëreæ: rursus igneæ stellarisq; quam plurimum. Hactenus ille.

Hic quoq; Hermes noster trium facit mentionem: Aquæ, unguenti, & facis. Solam autem aquam utilem ponunciat: facem autem ait in fundo tanquam inutilem residere: unguentum verò ad utrumq; ambigens in medio relinquit. Est igitur unguentum Spiritus ille, qui manet in medio:

aqua verò sive anima in cælo, & corpus sive terra in fundo.

Iterum anima, defecata sola in cælum, ascendit, quia, prius de cælo descenderat, juxta illud Johan. 3. Nemo ascendit in cælum, nisi qui descendit de cælo, filius hominis, qui est de cælo, mediator videlicet & salvator generis humani, Dominus noster JESUS CHRISTUS, qui spiritu suo salvifico, hominem in tenebroso hujus corporis ergastulo illuminat, & in vitam æternam tingit. Is enim est vera lux mundi, cujus unica guttula totius mundi tenebras in meram lucem, ipso Sole septies clariorem, convertit: & ut non minus verè, quàm eleganter pièque canit Poëta:

— — — — — cujus de lumine lumen
Omne micat, sine quo tenebescunt lucida,
de quo
Lucescunt tenebræ, atq; in amenæ noctis imago.

Et Solomon Rex lib. Sap. cap. 7. inquit. Is est candor lucis æternæ, & speculum sine macula DEI majestatis, qui omnia innovat, & per nationes in animas sanctas se transfert, amicos
DEI

DEI & prophetas constituit: quique speciosior
Sole, & super omnem dispositionem stellarum
luci comparatus invenitur prior. Quemad-
modum igitur Christus, almo suo ac divino lu-
mine hominum corda accendit, illustrat, & sa-
lutari sacrosancti Spiritus igne purificat: Sic
quoque lumen Natura, omnia hac inferiora,
mundana & naturalia non tantum illuminat,
servet & conservat: sed accedente saltem ele-
mentorum separatione, miranda quoque prestat
non tantum in metallis repurgandis, sed vim
quoque habet maximam in lapidibus expolien-
dis & exaltandis, quos per multorum tempo-
rum circumvolutionem, in cœlestem ac cristal-
linam claritatem perfectè convertit.

HERMES.

DRACO autem in omnibus his habi-
tat: Ejus autem domus sunt tene-
bræ & nigredo in eis, & per eam in aë-
rem ascendit, qui est eorum cœlum ex
suo oriente: dum autem fumus eis per-
manet, non sunt perpetua. Sed ex aqua
fumum deponit, & ex unguento nigre-
dinem, & ex face mortem. Et habita
disco

lutione munere triumphali, quo scilicet possessores vivunt.

S. C H O L I U M.

Diximus jam de cælo & terra, deq; eorum matrimonialis conjunctionis medio, aëre videlicet sive aqua, quam spiritum appellavimus. Est enim aqua nihil aliud, quam aër coagulatus: Aër verò est spiritus ille vitalis, cuncta permeans entia, omnibus vitam & consistentiam præbens, ligans, movens, & implens omnia. Unde senior Philosophus: Aër, inquit, est ex aqua nec separatur ab ea, & ex ambobus consistit vita uniuscujusq; rei. Videmus enim non raro ex aquis stagnantibus, fatentibus, & putrescentibus statim infici aërem, qui ex tanta corruptione terram confinem omnem inficit, omnisq; generis febres ardentes, pestilentes, aliosq; similes horrendos affectus inducit, qui nullo remediorum genere à medicis curari possunt. Quod cum animadvertenter nonnulli sagacioris ingenij medici, huic malo sola causa ablatione succurrendum esse judicarunt. Aerem itaq; venenatis & noxijs vaporibus contaminatum, magno lignorum incendio expiarunt, & tam exquisitè

quisitè repurgarunt, ut sublatis prorsus pestilentibus istis & nocentissimis halitibus, serenam, claram, optimam & saluberrimam efficerent aëris substantiam. Idem usu venit cælo nostro Philosophico, quod in resolutione sua prima sive putrefactione adeo horrendè inquinatur, ut tanquam venatissimus Draco suo attactu omnia inficiat: Vnde etiam dicitur in tenebrosa domo habitare: nigredinem, fumum, facem, & mortem ipsam in se possidere. Quamdiu igitur cælum ita infectum manet, in pristinam naturam simplicem, puram, fixam, & perennem redire nequit.

Quamobrem author precipit, ut Draco per nigredinem ascendat in aërem: quod vix continget, ob ejusdem crassam & ponderosam corporis molem: qua non sursum tendet, priusquam ignis vi & potentia in vitro Philosophico resolvatur in aëream & vaporosam substantiam: & ita soluta, frequenti aëris ventilatione exactè perpurgabitur: & primævam cæli naturam recuperabit. Quem finem si assecuti fuerint artifices, DEO imprimis hymnum canentes, cum letitia piè exultabunt.

HER-

140 DE LAPIDIS PHYSICI SECRETO
HERMES.

SCito fili, quod unguentum medio-
cre, quod est ignis, est medium inter
facem & aquam, & perscrutator aquæ,
quia unguenta & sulphura dicta sunt,
quia inter ignem, oleum & sulphur
proxima propinquitas est, quia quem-
admodum ignis accendit, sic & sulphur.

SCHOLIUM.

Author ipsemet jam explicat dubium,
quod oriri possit ex vocabulo mediocris:
& dicit esse ignem. Quanta autem sit vici-
nitas vel potius identitas inter ignem, oleum
sive aërem, quem supra spiritum esse diximus,
& sulphura: (quæ omnia cum ignis natura
participant) quod author prebat ex omnium in-
flammatione, quam in momento, admoto ig-
ne, concipiunt tam apertis hinc ab ipso met Her-
mete declaratur verbis, ut si pluribus in ijs elu-
cidandis immoraremur, vel ipsissima & evidē-
ti veritatis luci, tenebras potius offunderemus.

Sedulo tamen advertendum interim est
tam hinc quam alibi, quod ex sulphuribus, de
quibus Philosophi loquuntur, ea tantum sint
eligen-

eligenda, quæ principijs suis sint propinquiora. Sicut enim, teste Hippocrate, calore naturali magis abundant infantes recens nati, & vix ab uberibus naturæ ablactati, quàm adultiores: ita inter sulphura rerum, quorum differentia longè latèq; se extendit, nobiliora & præstantiora sunt ea tantùm, quæ primitiva sive mercuriali origini sunt viciniora, quàm quæ longiùs hinc recesserunt. Propinqua autem sunt, quæ extrahuntur ex ipso mercurio, auro & argento. Remotiora, quæ ex reliquis metallis: Remotissima verò, quæ ex cæteris mineralibus, omnibusq; animalibus & vegetabilibus educuntur.

HERMES.

SCito fili, quod omnes sapientiæ, quæ in mundo sunt, huic meæ sapientiæ subditæ sunt. His in mirabilibus occultis elementis, artes casuum sunt, quas finita & consecuta est. Oportet igitur illum, qui introduci vult in hanc nostrā occultam sapientiam, arrogantia vitii, à se expellere: & pium & probum, & profundæ rationis esse, hominibus propin-

pinquum, sereni vultus, salutare diligenter, & sibi patientium arcanorum esse observantem.

SCHOLIUM.

Quod hodiè apud nos Philosophia, id olim apud vetustissimos Philosophos sapientia stadium appellatum fuit. Dicitur autem Pythagoras primus fuisse, qui tam splendidum & magnificum sapientis titulum recusavit: & ex singulari quadam modestia maluerit sapientie amator sive Philosophus, quàm sapiens saluari. Cui astipulatur Theodorus, Zvingerus, magnum illud Germaniæ lumen, volum. 3. Theatr. vit. hum. Sapiens, inquit, solus Deus. Huius amator est, & imitator Philosophus, in intelligendo simul, & agendo. Amat, ut potiatur; imitatur, ut exprimat. In hanc sententiam quoque canit stellatus sive renatus ille Poëta Marcellus Palingenius in his versibus:

— — O demens, reperiri quî sapientem
 Posse putas quenquam in terris: sapere ille videtur,
 Qui minus est alijs stultus, licet insipiens sit.
 Convenit haud dubiè solis sapientia divis.

Hic

Hic igitur quando Hermes ait, omnes sapientias in mundo, suæ sapientie subditas esse, intelligendum id est, de omnis generis scientiis & artibus sive disciplinis, quas ut supra cap. I. demonstravimus, sub se complectitur unica Philosophia Hermetica Theophrastus Paracelsus, magnum illud Philosophorum & medicorum fulmen, ex eodem Hermetica Philosophia fundamento doctrinam suam aliquot centum, librorum commentariis comprehensam deduxit: & ex Philosophica libertate sæpenumerò Chymia nomen & exornavit Philosophiæ nomen. Hinc autem & confusions, in tradendis artibus iniquè a nonnullis accusatur. Sed si ejusmodi censores rectè affecuti fuissent Paracelsi consilium, procul dubio non tanta reprehensionis præcipitatione in eum furrexissent. Jacobus Zvingerus filius Theodori, vir aliàs doctissimus & in Philosophia, tam Hermetica, quàm Peripatetica solerter admodum, & felici ingenio versatus, Paracelsum ait confusè & indistinctè nimis has tradidisse artes, easq; serè omnes sub una Chymia complexum fuisse:

cum

cum tamen diverso considerationis respectu singula consideranda fuissent. Chymia enim dicit sua esse principia peculiaria; item Physica Astronomia, Theologia, ceterisque artibus, suam quoque ab alijs diversa esse. Sed posito hoc, ita esse: quomodo verò poterit quæso aliquis Chymia ignarus, solidè perscrutari Physices principia, quæ juxta communem philosophantium opinionem, sunt tantum mera hominum somnia, utpote quæ omni certitudinis fundamento carent, nec quanam, aut qualia illa sint, verè aut perfectè sciri potest, nisi accedat Chymicus, qui ad oculum demonstret horum certitudinem. Astronomi quoque in prognosticis & divinationibus sæpenumero adeò à vero scopo aberrant, ut illorum fides nostro seculo valdè periclitari ceperit, idque ob nullam aliam causam, quàm quod Chymia imperiti ex astrorum superiori tantum firmamento affixorum, & longissimè hinc dissitorum viribus, situ, & constellatione futura prædicere conantur: in quo tamen turpiter falluntur. Multò enim certior prognosticandi ratio sumitur ex illa Astronomia, quorum principia, Chymica demonstratione adeò sunt stabilita, ut non nisi insensatus &

tus & mente captus illa negare ausit. Astra enim Chymicus non longè hinc distantia, sed propè ante pedes jacentia contemplatur, imò non manibus tantum illa tractat, sed ascendentium quoq; infortunatorum & malignorum cursum, hùc illùc, prout vult, impellit, omneq; malum in tempore praeavet, & arte ingeniosa depulsat. In Theologia verò si forte incredulus quidam ac sacrarum literarum rudis & ignarus, quales olim fuere gentiles pleriq;, DEUM negaret, divini numinis potestatem, maiestatem, & gloriam tam perspicuè, & sine omni hasitationis scrupulo demonstrabit Chymicus, ut quasi vi aliquis ire cogatur in confessionem DEI alicujus opt. max. cujus potestas & magnificentia sit infinita & immensa. Sic consequenter judicium esto de ceteris quoq; omnibus propemodum disciplinarum generibus.

Quod cum ita sit, maximam sane Chymiae dignitatem & excellentiam esse nemo inficiabit. Este enim illa fax & lumen, cujus splendore, artium & scientiarum veritas, qua aliàs pseudo doctorum vitio in profundo & tenebroso mendaciorum pelago demersa jacet, eluctari

K

& clarè

& clarè illucescere incipit : Et sicut nihil repe-
 ritur, quod, teste Psalmista regio, se abscondat
 à calore Solis; sic nulla est ars & scientia tam
 ambigua & fallacibus fundata principijs, quæ
 non per Chymicæ scientiam, tanquam ad lapi-
 dem Lydium, probetur : & abstrusa, ejus
 & abscondita, veritas in lucem tandem
 revocetur. Merito igitur reliquæ scien-
 tiæ, hanc tanquam suam dominam ac Regi-
 nam agnoscant, eiq; ut decet, ancillentur, ac
 ministrent. Mirantur multi, cur Chymici
 authores, artem suam tam multiplici scriben-
 di stylo prodiderint : terminos sive vocabula
 artis mutuantes modò à Physicis, modò ab astro-
 nomis, geometricis, arithmeticis, medicis, theolo-
 gis, &c. Causam si nescis, dicam. Chymia per se
 simplex, perfecta, circularis, universalis, am-
 plissima, magnificentissima, & regia, sola in
 supremo artium folio constituta, ceterarum ar-
 tium seu scientiarum operâ & ministerio, tan-
 quam regina famulabus & pedissequis suis u-
 titur : unde etiam ipsæ mirabili consensu &
 conspiratione in hujus unius dominæ suæ mini-
 steria promptissimè undiq; concurrunt & con-
 fluunt. Sed qui crasso sunt & hebeti ingenio,

con-

consensum hunc in artibus vix olfacient, nec quantumvis pramoniti, capere satagent: Unde etiam sibi non temperabunt a bonorum vituperijs. Quibus vero

E meliore luto finxit praeordia Titan:
ita ut ab omni mentis vertigine liberi & immunes, artium & disciplinarum naturam peritus inspiciant, hi aequiori animo in Hermetem & Paracelsum erunt, & Chymiam artem nobilissimam sua eminentia & dignitatis laude non tantum non privabunt, sed tantorum etiam virorum institutum, tanquam laudabile, nec sine gravi receptum ratione, comprobabunt.

Nullum planè dubium est, quin Zvirgerus, vir alias acuto & perspicaci ingenio, hanc veritatem iamdudum sat perspectam agnitamq; teneat: interim tamen, dum in Peripateticorū placitis liberior versa'ur, in ij. quicunque tutandis sibi quoq; partē aliquam vendicat, videtur in hoc D. Pauli exemplū imitari, qui, ut multos lucresceret, multis similis factus est. Reliqui vero, qui sine rei cognitione, de tam praeclaris mundi luminibus, tanquam caci de colossibus, perversi iudicij sui venerum expuunt,

1. 2

similes

similes videntur canibus ad venationem ineptis, qui licet magnum quidem latrando excitent strepitum, nihil tamen capientes plus nocent, quam prosunt. Sed omisis his, nunc ea, quæ in textu sequuntur, breviter perstringenda aggrediemur. Enumerat author quadam artificis requisita: & primum necessum esse, inquit, ut is, qui occultæ hujus sapientiæ lumen intueri cupit, sit ab omni superbia & arrogantia alienus. Superbis enim resistit DEUS, & humilibus solis largitur suam gratiam.

Deinde pius sit & probus. Nihil enim homini pietate ac probitate utilius, quibus & DEO & hominibus se commendat. Sit præterea acri & profundo ingenio præditus: sine quo vix se extricare poterit ex perplexis illis & salebrosis Philosophici labyrinthi cassibus. Humanitatem etiam & comitatem erga homines, in alloquijs & salutationibus frequenter exerceat: & deniq; sibi concredita a DEO vel à præceptoribus arcana non temerè in vulgus diffundat, nisi DEI in se iram concitare, & in præsentissimum vitæ discrimen, se ipsum petulanter conjicere velit.

HER-

HERMES.

ET hoc scias fili, nisi sciat mortificare, generationem inducere, spiritus vivificare, mundare, & lumen introducere, quousq; bellentur, incolorentur, & à maculis mudentur, velut à nigredine & tenebris, nihil scit, nec ei perficitur: si autem hoc sciverit, magnæ dignitatis erit, ad eò ut reges ipsum venerationentur. Hæc arcana fili, oportet nos custodire, & ab omnibus improbis & insipientibus celare.

SCHOLIUM.

Mortificare Philosophus significat in partes suas dissolvere ac putrefacere. Senior enim Philosophus: Scias, inquit, quod non fit generatio absq; corruptione: unde studeas in putrefactionem. Et alius Philosophus in Turba: putrefactio, inquit, est maxima, & attrahit maximum arcanum. Magnetica hæc arcanorum attractio, in omni generatione naturali perspicuè relucens, & non nisi Philosophia mystis & initiatis doctrina filiis cognita, multa ubiq; operatur admiranda in Natura.

K 3

Per

Per hoc enim medium, tanquam per s. a. am Jacobi, fit in magno mundi alembico continuus elementorum ascensus & descensus, & unius in alterum conversio: ita ut inferiora cum superioribus arctiss. mo matrimonij se de-
re invicem copulentur, & tandem illa per hac perficiantur. Quod matrimonium rectè à Paracelso, magno i. hilosophorum artifice, Camahaa dicitur. In principio itaq. generatio-
nis, in putrefactione videlicet, spiritus vitales languidi adhuc sunt & debiles, adeò ut prorsus mortui videantur: qui ex digestiois conti-
nuatione indies magis magisq. corroborantur, & quasi reviviscunt, & ad summum repar-
gati novum recuperant perfectionis lumen: quod sua claritatis efficacia, omnes maculas & nigredinem sive tenebras in corporibus abster-
git ac delet, non secus ac Sol discutit & pellit nubes: ipsisq. colorem inducit fulgentissimum & splendissimum: quo inducto opus suum perfectum habebit artifex, & dignus erit, qui regijs afficiatur honoribus. Hunc autem scopum nisi affecutus fuerit, in vanum labora-
vit omnia.

End

CAPITULUM II. 151

*Benè igitur operanti, benè erit, Regesq;
illi favebunt, maximisq; ornabunt dignitati-
bus. Tandem conclusionis loco, in hoc para-
grapho, addit author communem illam admo-
nitionis formulam, de arcano ab improbis &
indignis celando: quàm ideò tam frequen-
ter repetit, ne cæleste sophici silentij sigillum
fortè frangatur, & sic ars nostra sacratissi-
ma in impiorum manus delapsa, nefariè pro-
fanetur.*

HERMES.

ET scias fili, quod lapis noster ex plu-
ribus rebus, & varijs coloribus, & ex
quatuor coadunatus & compositus est
elementis, quæ nos oportet dividere, &
per membra scindere, & artus sequeltra-
re, partim mortificare in eo naturam,
quæ in eo est, aquam & ignem in eo ha-
bitantem custodire, qui ex 4. elementis,
& eorum aquis, sua aqua continere, sci-
licet, quæ non est aqua, forma, sed ignis,
aqua ascendens, & continens in va-
se sincero, & ne fugiant spiritus à

K 4

cor-

152 DE LAPIDIS PHYSICI SECRETO
corporibus: nam sic tingentes fiunt &
permanentes.

SCHOLIUM.

ELementorum divisio & compositio, in la-
pidis & metallorum generatione, nulla
potest similitudine melius explicari, quam per
oleorum Chymicorum preparationem. Ut
igitur rem penitus à capite ad calcem usq. ocu-
lis subjiciamus, exempli loco proponemus, olei
baccarum juniperi confectionem: quam ali-
quis vix aggredietur, nisi primò omnium ex
semine juniperi è terra nasci instituerit ar-
busculam sive juniperum, quæ in primo anno
sterilis, non nisi caudicem, ramusculos & fo-
lia profert, quæ omnia tanquam partes crassi-
ores terræ vicem obtinent. Et hæc est prima
lapidis operatio, quæ ejus dicitur putrefactio
sive solutio in terram. Anno sequenti se-
cundo pergit Natura operari in arbusculam,
& nulla accedente alia cultura, vel extraneo
auxilio, nisi Solis tantummodò calore natu-
rali, juniperus incipit ferre flores cineritios
quasi & ad album colorem inclinantes, qui te-
neritudine & mollitie sua aquam represen-
tant

tant Philosophicam: vel lapidem in elementum aquæ resolutum. Sic anno tertio, Natura robur magis magisque crescit & augefcit in arbore juniperi, quæ in tertia revolutione annua (annus enim producit non ager) flores illos in bacculas albicantes commutat: juxta illud Philosophorum axioma: Corruptio unius est generatio alterius. Ejusmodi baccula jam continent quidem in se oleaginosam quandam pinguedinem, sed crudam adhuc, neque satis decoctam. Unde aëri comparanda veniunt. Quarto & ultimo anno candentes illæ bacculæ vertuntur in baccas nigras, qui color consummata in illis, & perfectæ maturitatis signum est: ultra quem natura sine artis auxilio operari amplius nequit. Continuato enim hætenus digestionis tempore tam exquisitè à Natura igne sunt decoctæ & maturatæ, ut igneæ naturæ participes reddite, totæ in ignem evaserint: adeo ut per se altiorem elementorum ordinem ascendere nequeant, nisi arte adjuvantur. Quoniam autem admixta adhuc corporea crassities in his baccis, spiritualem & igneam medicinæ essentiam multum impedit, adeo ut tardius penetrant.

K s

netran-

netrando, vires suas in corpore agri, non libere exerere possit: artis adminiculo adhibito, corporea ista & inutilis substantia inde separanda est: ita ut interior tantum & purior Natura vis, qua sola, juxta Hippocratem, morborum medicatrix est, in oleo subtili, penetrante & juvante relinquantur. Quod oleum Chymico artificio ita preparatum, non amplius in se continet crassitiem ullam, nec igneam aut corrumpentem habet naturam, sed ætheream & cœlestem, purissimam & subtilissimam: sic enim tinget corpus humanum in sanitatem summam, & in eo statu diu cum eo permanebit. Quicumque igitur cupit elementorum divisionem & compositionem in magno Philosophorum opere exactè instituire: is sibi exemplum hoc, de oleo juniperino ante oculos ponat: naturam sequatur, & cessante natura, artem sibi operis adjuvantem sociam adsciscat. Ars autem, teste Bernhardo comite Trevisano, Naturam solo igne adjuvat.

HERMES.

Obene-

O Benedicta aquina forma pontica,
 quæ elementa dissolvis. Oportet
 autem nos cum hac aquina anima, ut
 formam sulphureâ possideamus, aceto
 nostro eam miscere. Cum enim aqua
 potentia, compositumque; solvitur, clavis
 restorationis est. Tunc ab eis mors, &
 nigredo fugiunt, & sapientia proce-
 dit.

SCHOLIUM.

Magna vis ac potestas inest aqua Philo-
 sophica, a eò ut merito benedicta dica-
 tur. Satis enim laudari, aut verborum enco-
 miijs deprecari vix potest. Sicut enim aqua
 fontana sordes rerum abluat externas: ita hæc
 aqua elementa non tantum dissolvit, sed quoque
 internas corporum impuritates aufert, & jun-
 cta aceto Philosophico, elicit ex ipsis sulphur
 incombustibile, quod per projectionem imper-
 fecta metalla tingit in aurum & argen-
 tum.

Hæc aqua est clavis artis, qua quò sapius
 aperiuntur, hoc est, solvuntur corpora, eò
 magis coagulantur, eòque sunt nobiliora,
 præstan-

præstantiora & perfectiora: adeò ut nullum prorsus vestigium mortis, nigredinis & imperfectionis amplius in ipsis remaneat.

Hujus aquæ præparatio paucis cognita est, propter artificij ingeniosam subtilitatem: quam vulgares illi Alchymistæ in suis destillandis aquis minimè adhibent.

Quicquid enim in hac arte absq. Natura simul adjuvantis adminiculo præsumitur, opus vanum & irritum est. Aquarum enim fortium, regiarum, aliarumq. similium ponticitatem, & solvendi vel atterendi potius facultatem habentium, & propterea aurifabris etiam usitatarum præparatio, tam aliena est à vera Chymia, ut major sit similitudo colorum in Aethiope & Dano, quàm in Sophistica illa & in vera præparatione. Rectam itaq. veramq. præparandi rationem non à magistris sed ab ipsa natura discendam planè arbitramur. Videmus enim ipsam ex profundis montium abyssis ad nos mittere rivulos aquarum, præstantissimis omnis generis virtutibus ac donis, tam ad Chymiam, quàm medicinam præditarum: quarum præparationem ipsa sola absq. ullo consiliario absolvit. Hujus generis
fons

Fons habetur in Vngaria, cujus aqua facultatem habet omne ferrum in cuprum transmutandi. Sunt præterea alij, in quibus si lignum ad tempus certum detinetur, indurescit & vertitur in lapidem. Similem ferè fluvium quendam in Thracia quoq; inveniri, author est Ovidius his versibus:

Flumen habent cicones, quod potum faxea reddit

Viscera, quod tactis inducit marmora rebus.

Præter thermas autem & acidulas infinitas, quæ passim in Gallia nostra & tota Europa occurrunt, nuper in superiori Germania, in Misnia videlicet, propè Schnebergam urbem, sicut à quodam Germano amico ad me perscriptum est, fortè fortuna à quadam muliere agrotante per somnij beneficium inventæ sunt acidule: quarum effectus in multis morbis gravissimis percurandis summoperè prædicantur.

Ad harum & similium aquarum præparationem nullus unquam accessit Pharmacopæus, nullus deploratus Alchymista: & nihilominus tamen Natura solers ac sagax simplici sua operatione, opus produxit multò artificiosius ac ingeniosius: quàm pomposis & bullosis suis receptis

ceptis & processibus, ut vocant, unquam præ-
staret omnis sepasitariorum & sophistarum
cohors. Philosophi dicunt: ignis & azoth ti-
bi sufficiunt. Disce igitur primum a Natura,
azoth sive aqua istius Philosophica prepara-
tionem. Hanc postea aquam preparatam, sive
artificialiter adjuvante Natura produ-
ctam, simplici operatione, ad imitationem e-
jusdem Natura in igne solo coques, nec te ta-
deat: & sic haud dubiè optatum finem conse-
queris. Hac quidem operatio sive coctio sim-
plex quidem est & linearis, sed tamen non ru-
stico planè modo sive ingenio perficienda. Igi-
tur antea dixi, simplicem illam quidem esse, sed
absconditam & paucis cognitam, hoc est, inge-
nio am. Qui igitur ingenio valet, in ea stu-
diosè & fœlietè indaganda, spretis in erim
omnibus sophisticorum processuum ambagibus,
haud frustrabitur: sed hac ipsa occasione,
in profundissima alia Natura secreta &
penetrabit a penitus
introibit.

Eni cap. secundi.

CAPL

CAPITVLVM

TERTIUM.

HERMES.

SCito fili, quòd Philosophi nexibus
ad pugnandum contrà ignem, vincu-
lant roboratis, quia spiritus ablutis cor-
poribus, desiderant inesse, & ipsis gau-
dent Habitis autem ipsis, ipsos vivifi-
cant, & in eis habitant, & corpora eas
continent, nec ab eis unquam separan-
tur.

SCHOLIUM.

UT spiritus cum corporibus perfectè unian-
tur, & arctissimo consæderationis vin-
culo invicem conjungantur, corpora prius cum
azoth & igne mundanda & abluenda sunt.
Est enim ablutio nigredinis terminatio, vel
mundatio, donec album fiat perfectè al-
bum, & rubeum plenè rubeum. Mun-
datis hoc modo corporibus, spiritus ex na-
turali quadam propensione trahuntur in il-
lorum amorem: quo ardentè inflammati,
subirò

subitò cum corporibus commiscantur, & sic ambo tam indissolubili societatis vinculo invicem colligantur, ut in æternum amplius non separentur.

Sed noli existimare, hanc copulationem esse fortuitam: sed quia tanta inter corpora & spiritus intercedit affinitatis propinquitas: facile ineunt hoc perenne invicem & indissolubile amicitie fœdus. Ab uno enim fonte & principio prodierunt ambo. Corporibus autem priores & hinc etiam nobiliores, & prestantiores sunt spiritus, qui corpora, sive, ut Marsilius Ficinus loquitur, escas sibi congruas, quibus allicerentur, effecerunt: & semper libenterq; habitant in eisdem.

HERMES.

TVnc elementa mortua vivificantur; & corpora composita tingunt, & alternantur, & mira opera permanentia operantur, ut inquit Philosophus.

SCHOLIUM.

Domus, ut loquitur Paracelsus, per se semper mortua manet: soli verò inhabitantes vivunt. Sic corpora metallorum sunt domicilia

micilia suorum spirituum, qui, dum à corporibus recipiuntur, terrestrè illorum corpulentiam paulatim attenuant, corrigunt, & vi sua vivificandi, vitam in ipsis sopitam excitant. Vita enim in metallis latenter quiescit, nec vim suam ostentare potest, priusquam corpora exaltata, & in spiritum (spiritus enim solus vivificat) versa fuerint. In hanc dignitatis ordinem adducta, tum demum perfectionem quoque reliquis imperfectis corporibus, ex ea, qua pollent, superabundanti tingendi virtute & facultate, communicabunt: & actu suo omnia in fixam & permanentem transubstantiabunt naturam. Hac autem est proprietas medicinae nostrae, in quam corpora redacta sunt, ut ejus una pars primum tingat corporis imperfecti partes decem: deinde centum: tertio mille: quarto decies mille, & sic fiat progressus in infinitum. Ex quo manifestè elucet summa verbi istius efficacia, quo Creator creaturam universam affatus, dixit: Crescite & multiplicamini. Quanto enim magis solvitur medicina, tanto magis crescit in virtute & potentia: quae aliàs sine solutione in simplici suo perfectionis statu permaneret.

L

ret.

ret. Fontes igitur cœli & divina misericordia sunt aperti, qui nullo ingenio humano exhauriri possunt: nihilq; a nobis desideratur aliud, quam ut vasa debita adhibeamus ad excipiendam tam salutarem ac divinam aquam, quæ ex istis premanat fontibus. Non enim deficient, quousq; hoc mundi seculum durabit: hoc verò transeunte & cessante, DEUS omnium fontium rivulos rursus in se contrahet: nec amplius ipsos emanare aut effluere permittet. Sic gratia fons inexhaustus erga genus humanum est Christus, ex quo quanto sapius potamur in hoc seculo, tanto magis crescimus in spem, fidem & charitatem erga illum.

Debemus igitur sedulo operam dare, ut assiduo ferventiq; pietatis exercitio, sacroq; penitentia igne corda nostra soluta quasi & aperta, indies hauriant tam saluberrimam vivificamq; huius fontis aquam. Quicumq; enim in hoc seculo gratia, cum virginibus prudentibus non sibi comparaverit huius aquæ thesaurum & copiam sufficientem ad vitam æternam consequendam: is frustra emptionem illius, cum fatuis istis virginibus in altero sperabit mundo.

HER.

HERMES.

Oaquina forma permanens, regalium creatrix elementorum, quæ tuis fratribus regimine mediocri tinctura habita, & juncta quiescis.

SCHOLIUM.

Quod author hic lapidis materiam non simpliciter aquam nominet, sed aquinam formam: in illorum gratiam factum est, qui aquæ nomen audientes, de aqua communi aut artificiosis, nescio quibus, gradualibus, tingentibus, solventibus, & similibus ipsum locutum, falsò sibi persuadere potuissent. Multi enim adhuc hodiè reperiuntur, qui aquas elicere conantur non tantum ex metallis & medijs mineralibus, sed & ex lapidibus, silicibus, & sexcètis similibus rebus: quibus perperam utuntur ad sua magisteria sophistica. Author igitur dedita opera non simpliciter aqua, sed aquinæ formæ mentionem facere voluit. Sed plurimus numerus est eorum, quin inter eos etiam, qui Philosophia titulum sibi solis hodiè in Academijs arrogant, qui hanc aquæ essentialem formam, de qua author loquitur, ne per transfennam quidem adhuc aspexerunt:

L 2 ac pre

ac pertransennam quidem adhuc aspexerunt, utpote quam imperscrutabilem ferè omnes falsi opinantur: sibiq; prorsus incognitam esse ultro profitentur: Et nihilominus videri volunt Philosophi summi & excellentissimi. Ego verò contrà, de illis sic statuendum aestimo: quòd quicunq; substantialem formam ignorat, principia ut etiam scientiæ naturalis ignoret, necesse sit. Quanta igitur illorum in hac Philosophiæ parte scientia sit, alijs nunc iudicandum relinquo.

In uno ambo peccant tam alchimistici, quàm Academici sophistæ. Cum enim inquirenda rei veritas erat ex essentiali Naturæ L'bro, tanquam quodam lumine certam ac veram ad naturalis scientiæ fontem viam monstrante: ipsi hac luce neglecta defecerunt ad inanes & frivolas gentiliū & sophistarum opiniones, ex quibus nullam hætenus certitudinem haurire potuerunt, nec in posterum haurient unquam. Et sic dereliquerunt fontem sive venam aquarum viventium, & foderunt sibi cisternas, cisternas dissipatas, quæ continere non valent aquas. Jerem. cap. 2. Si nescis fontem, ex quo vivificam illud deorum ne Et ar
& Am-

& Ambrosia, sive aqua viva profluant: Ecce
quaso, quid Esther cap. 10. in suo libro dicat:
Parvus, inquit, fons est, qui crevit in fluvium,
& in lucem Solemque conversus est, & in aquas
plurimas redundavit. Hic arrige aures Chy-
miophyte. Sin verò minus capax es tantorum
mysteriorum, quæ in enumeratis his verbis
compendiosè comprehenduntur, audi Bernhar-
dum Trevisanum, de hoc fonte fusiùs ita lo-
quentem: Fons, inquit, est valde mirabilis &
terribilis virtutis, præ cæteris omnibus totius
mundi fontibus. Pertinet autem ad regem
solum hujus patriæ, quem fons optimè novit,
& ipse fontem: Relucet insuper fons iste clarus
velut argentum, & cælestis est coloris. Hæte-
nus ille. Est itaque aqua ex hoc fonte scatu-
riens, permanens & creatrix regalium ele-
mentorum, hoc est, ut Bernhardus id explicat:
Fons attrahit ad se regem, & post centum &
triginta dies tandem emergit Rex splendidus,
nitens, & diademate regio coronatur: quo po-
stea fratres sive aulicos suos quoque ornabit:
modò priùs benè in eodem mundati fuerint
fonte, ita ut omnem deponant leprositatem, &
internam corporis immunditiem. Hoc enim

L 3

modo

modo inter ipsos facta concordia & pace, regnum suum felici ac jugi possidebunt administratione.

HERMES.

Lapis noster pretiosissimus in stercore eiectus, est carissimus, vilis & vilissimus, quia oportet nos duo simul argenta viva mortificare, & venerari, scilicet argentum vivum auripigmenti, & orientale argentum vivum magnesia.

SCHOLIUM.

Lapis dicitur pretiosus simul, & vilis, propter duplex argentum vivum, ex quo componitur. Est enim primum argentum vivum, res vilis & abjecta, quæ omnibus in locis reperitur, in fimo, in vijs publicis, in planitie, in montibus & vallibus: & homo ne horule unius momentum vivere potest sine eo: imò omnia viventia, tam animantia, quam vegetabilia, ut herbe, plantæ, arbores eo indigent: omnia enim protegit à corruptione, & ipsa est iam mineralia cuncta sine omni exceptione. Visne scire quid sit? Non est aurum, non argentum, non gemma, nec lapis ullus pretiosus:

hæc

hæc enim omnia magno constant pretio, nec numeranda veniunt inter ea, quæ sunt vilia & exilia. Ecce dicam: SAL est, non autem vulgaris ille, quo cibi culinarij condiuntur, quamvis ex una quoque qualitate, dissolvendi nimirum, cum eodem participet: sed est sal petra: Petra, inquam: quo mercurius currens in optimum & perfectissimum metallum, & silex in durissimum adamantem transmutatur. Pauci (scio) verbis meis fidem adhibebunt: sed si æquè ac Philosophi, experientia edocti scirent, quomodo ejusmodi sal petra in omnibus rebus reperiretur, & quomodo ex iisdem omnibus artificiosè posset extrahi: sibi ipsis tum, tanquam oculatis testibus, fidem sine dubio non derogarent, & tam pretiosum salem, qui ab ignorantibus tantum vilipenditur, & propterea vilis à Philosophis dicitur, non tam leviter cum sordibus, quisquilijs, & fimo abicerent: sed majori reverentia & industria, illū ab omnibus potius mundi angulis colligerent. Neg, hîc specto authoris consiliū, qui ex justa quadam & honesta invidia, ne vulgò promiscuè innotesceret,

auripigmentum vocavit. Non enim hic auctori, sed cupidis discendi studiosis gratificandum esse duxi: quos in aequis & bonis conatibus suis pro virili juvare consilium hactenus fuit, & posthac semper erit. Cur enim persuaderem discipulo rem querere Roma, Praga: hic, illic; cum maximo sumptuum dispendio, quæ tamen ubiq; & in omnibus locis reperiri posset. Exemplo rem declarabo. Si egrotus aliquis solo radiorum solarium aut lunarium aspectu possit curari: ego verò medicus in consilium vocatus, svaderem egrotanti, ut proficisceretur in Italiam, Solem vel lunam aspecturus, & eorundem ibi radios excepturus: an non stultum hoc esset consilium, cum idem mihi Sol, eademq; luna hic in Gallia æquè ac in Italia singulis diebus per totum oriantur annum. Sic multi pœnitentiam acturi, frustra in Italiam & Hispaniam iter instituunt.

Minori enim pretio & labore illam domi emerent à Sole justitiæ, unico salvatore ac Domino nostro Jesu Christo, qui gratis per fidem solam nobis promisit peccatorum veniam. Sed tantum dixisse sufficiat de argento vivo vili & vilissimo: nunc pauca quadam annectemus

mus de pretioso & carissimo: quod orientale
 argentum vivum magnesia author nuncu-
 pat. Sed non loquitur de argento vivo, quod
 videtur: neq; de magnesia vulgò nota. Sed
 per argentum vivum intelligit humiditatem
 illius mixtionis, quæ est humiditas radicalis
 lapidis nostri. Et per magnesiã intelligit
 totam mixtionem, de qua extrahitur ista hu-
 miditas, quæ argentum vivum nostrum voca-
 tur: quæ quidem humiditas currit in igne, &
 in eodem igne totum compositum dissolvit,
 congelat, denigrat, dealbat, rubificat, & persi-
 cit, hoc est, omnia facit in omnibus. Unde
 pretiosissimus est thesaurus ei, qui eam novit,
 & possidet. Merito autem dicitur magnesia.
 Magna enim est ejus vis & facultas, quæ in-
 star magnetis universalis, omnia ad suum at-
 trahit centrum, quacung; in se universis, tam
 superioris quàm inferioris mundi ambitus com-
 plectitur: adeò ut per hujus beneficium in mi-
 nimæ quantitatis corpusculo, vix aciculæ mu-
 cronem referente, liceat totum comprehende-
 re mundum. Sed majus secretum latet, in
 hac pretiosa magnesia, quàm in argento vi vo
 vili. Philosophi igitur mixis illam modis occul-

L. 5 tarunt,

tarunt, nec nobis de illa plura dicere aut manifestare fas est.

HERMES.

O Natura maxima naturarum, creatrix quæ continet, & separat mediocria naturarum, cum lumine venit, & cum lumine genita est, & quam tenebrosa nebula peperit, quæ omnium mater est.

SCHOLIUM.

Una est natura universalis, quæ ab Aristotele definitur esse principium motus & quietis. Vel est, ut hic Hermes loquitur, creatrix omnium naturarum, hoc est, productrix rerum omnium. Et ob hanc causam, quia omnia procreat ac gignit, omnium quoque nominibus à Philosophis appellatur. **DEUS** enim summus rerum opifex, & totius mundi architectus, Naturam hanc unam ac solam, rebus naturalibus gubernandis præfecit, quas igneo suo ac perenni vigore, quem ipsi rerum conditor in prima creatione indidit, fovet ac conservat. Estque eadem Natura linea quedam viridis, quæ gyrat universum: Vnde causa sola est, quod

quòd singulis annorum revolutionibus, ineunte scilicet vere, species rerum omnium revirescunt, & novam recipiant germinandi & prolificandi vim, per quam crescunt & multiplicantur: ne fortè ipsæ species intereant, & sic vacuum in Natura, quod maximum esset flagitium, daretur: Vnde rectè canit Virgilius.

Vere tument terræ, & genitalia semina pascūt;
Avia tunc resonant avibus virgulta canoris,
Et Venerem repetunt certis armenta diebus.

Item Ovidius:

Tunc blandi soles, ignotaq; prodit hirundo,
Et nitidum celsa sub trabe fingit opus.
Herbaq; quæ latuit cerealibus obruta sulcis,
Exerit è tepida molle cacumen humo.

Operatur autem natura in hæc inferiora, per Solis, Lunæ, & reliquarum stellarum radios, quos Hermes sub vocabulo luminis intelligit. Horum enim irradiatione sive illuminatione infunduntur rebus elementaribus varia virtutum dona, pro varijs ac diversis rerum speciebus. Queritur hinc, num Chymicus Naturæ quoq; operâ & auxilio indigeat in elaborandis suis arcanis & magisterijs? Sed facilis est responsio ijs, qui norunt Chymiam, artem similem esse agriculturæ, in qua partem sibi vendicat

Natura.

Natura, partem agricola, tanquam operator
 & artifex externus. Ut enim solummodò
 hic principaliter occupatur in agro preparan-
 do & seminando: reliquum autem generatio-
 nis perficiendæ & absolvendæ opus, unica
 committit Naturæ; sic quoq; Duce inprimis
 Natura, comite vero arte, opus suum Chymi-
 cum auspiciatur omnis verus artista sive Chy-
 mista. Hermes præterea hinc mentionem fa-
 cit Naturæ, quam tenebrosa peperit nebula:
 per quam nihil aliud intelligit, quàm magne-
 siam Saturni. Saturnus enim, Græcè $\chi\epsilon\omicron\nu\varsigma$
 appellatus, hoc est, tempus non aliter universa,
 generationi obnoxia, in hoc mundo generat ac
 producit, ac magnesia ipsa, quæ mater & geni-
 trix dicitur omnium.

HERMES.

UBi autem regem coronatum filiæ
 nostræ rubæ ei jungemus, &
 in levi igne nondum nocentibus, con-
 cipiet, & filium conjunctum & super-
 eminentem, quo igniculo permanen-
 tem cibabit illa, & vivit igne nostro.

SCHO.

SCHOLIUM.

Regina sive filia Philosophorum rubea, est Luna. Non autem mireris, quod, quæ alias caput & splendor est albedinis, nunc rubea dicatur. Est enim Luna metallica sive Philosophica etiam masculina natura: quæ Soli, regi coronato desponsata, concipit gignitq; filium, quem Philosophi suum vocant Mercurium. Hic ubiq; est mirabilis, cuius parentes, quos modo habuit altrices & nutrices, nunc ab ipso aluntur & nutricantur. Vt enim ingenio est versuto, & miris imbutus artibus, inter alia novit etiam epulas atq; dapes omnis generis gratissimas præparare: nec vulgari coquendi modo: sed potius ad moderatissimum vivifici ac cælestis ignis calorem ipsas coquit paratq;. Quibus paratis & in mensa Philosophorum rotunda, quæ ultra decem aut ad summum duodecim personas non capit, appositis: pater, mater, & reliqui ejus agnati accumbunt, & convivium celebrant verè Philosophicum per integram septimanam. Alium autem cibum, præter Mercurialem, hoc est, quem filius ipsis offert, non admittunt: neque patiuntur quempiam ex peregrina familia,

lia, qui non proxima sanguinis necessitudine
 ipsis junctus sit, cum ipsis accumbere. Sin ve-
 rò, ut non rarò fieri solet, cibi in mensa appositi
 fortè refrigescant, Rex ex solo intuitu oculorū
 suorum instar ignis rutilantissimi resplenden-
 tium, in momento efficit, ut recalescant, & ita
 calefacti gustu fiant suaves & delicati, quibus
 se reficiunt mirum in modum, & ad sacieta-
 tum usq; comedunt, ita ut ad multum tempus
 neq; sitiant amplius, neq; esuriant. De ejus-
 modi coquo, qualis est hic noster Mercurius, sibi
 prospicere debebant omnes reges ac Principes,
 propter summam ejusdem necessitatem. Non
 enim cibos parat tantummodò alimentarios,
 sed etiam medicamentosos, qui corpus ab o-
 mnibus morbis liberant, idq; sanum ad ulti-
 mum usq; vitæ terminum præservant ac
 custodiunt. Vbicunq; igitur talis reuerietur
 coquus, Pharmacopœo amplius non opus erit:
 una enim eademq; operâ utriusq; ille perfun-
 getur officio.

HERMES.

Cum

CUm autem dimittis ignem super fo-
lium sulphuris, intret super illum
terminus cordium abluatur eo, & ejus
coinquatio extrahatur, tunc altera-
tur, & ejus tinctura ex igne remaneat
rubea, ut carnes. Filius autem noster
rex genitus sumit tincturam ex igne: il-
lum verò mors & mare fugiunt & te-
nebræ.

SCHOLIUM.

OMne quod vivit, propter inclusum ignem
vivit, sulphur ergò in se absconditū quoque
continet ignem, qui per ignem externum exci-
tetur, vita vivere manifesta incipit: & ita,
quod antea occultum in sulphure erat, mani-
festatum nunc existit. Ignis autem officium
est, non solummodò vivificare, sed etiam de-
purare, & heterogenea segregare tantisper,
donec separatis fecibus tandem appareat tin-
ctura purissima & rubicundissima, quæ calo-
re representat carnes, scilicet recens macta-
tas, & sanguine adhuc conspersas sive cruen-
tas. Hic est sanguis iste Leonis viridis, de
quo passim mentio fit apud Philosophos.

Viridis

Viridis autem dicitur, non propter colorem viridem externum, sed propter vitæ viriditatem, juxta hunc versum:

*Læta viror vitæ est, mœrori convenit ater
Color &c.*

Vnde etiam ista solummodo tinctura, quæ carnibus recentibus, rubeis, & sanguine adhuc madentibus similis est, perfectionis gradum attigisse dicitur. Ejusmodi enim carnes, quæ nihil aliud sunt, quàm sanguis modò coagulatus, perfectò adhuc & pleno spirituum vigore & virore abundant: non secus ac sanguis Leonis viridis, qui propter viriditatem suam totus circumfluit spirituum vitæ alium copia.

Multi hæctenus versati sunt in eo errore, quod putarint, viriditatem indagandam esse in spiritu vini, vel vino, aliquot vicibus, ut vulgò solent destillato. Viderunt enim, vinum, antequam ex uvis exprimeretur, & in dolia recondideretur, in vitibus, quæ folijs, floribus, & uvis immaturis virides apparebant, crevisse: unde ab hac externa viriditate Leonem Philosophorum viridem appellari opinati sunt: sed turpiter in eo decepti, à vero Leone viridi & rubeo cognoscendo, longissimè aberrârunt.

Vt

*Ut enim leo animal fortissimum, omnium
ceterorum animalium robur in se solo comple-
ctitur: ita tinctura Philosophorum prestan-
tissima, omnium rerum tincturas in sese con-
tinet: quæ in tam fragili vitis ligno, aut in eo,
quod exinde provenit, minimè querenda est.
Quomodo enim potest ex re corruptibili &
combustibili elici tinctura incorruptibilis, fixa
& incombustibilis? Possuntne de spinis uva,
aut de tribulis ficus colligi? Simile sibi simile
generat procreatq̃. Vnde, teste Horatio, for-
tes solum creantur fortibus. Et cum secun-
dum Hermetem in lapide sive tinctura nostra
sit omnis fortitudinis fortitudo fortis; ex re no-
biliori & perfectiori utiq̃, quam ex ligno aut
fructibus vitis, illam extrahendam esse, conje-
ctare quilibet potest.*

*Quæ autem sit illa res, videtur author a-
pertè indicare his verbis, ubi dicit: & ejus tin-
ctura ex igne remaneat rubea: item, Filius
noster rex genitus sumit tincturam ex igne.
Vnde palàm constat: ignem esse illam fortitu-
dinem fortem, sive veram Leonis viriditatem.
Quæcumq̃ enim tinctura ab igne fugit: im-
perfecta & immatura censeri debet, & per*

M conse-

consequens diutius in igne nutrienda, donec perficiatur. Sin verò in igne nutrita, antiquam pristinamq. suam formam retinent, aut potius corrupta, in deterius vergat, ea, tanquã res ab opere Philosophorum magno aliena, prorsus excludenda, & procul hinc ad Anticyras ableganda erit. Quemadmodum enim inter homines, nonnulli reperiuntur, qui ex longo usu, & assuesactione, venenum corpori humano aliàs contrarium & inimicum, sine noxa assumere, & instar alimenti alicujus familiaris in ventriculo concoquere ac digerere possunt: Sic etiam lapis noster, in quo ab initio mors & tenebra, hoc est, imperfectio & impuritas dominabantur, paulatim in igne coctus, indies magis magisque ignis nature assimilatur, & tandem in ignem totus vertitur: ac veluti salamandra in igne, tanquam proprio suo elemento sive matrice habitat, eoq. unice gaudet & delectatur: qui etiam temporis diuturnitate transit in essentiam quintam & tincturam Physicam, tam ad metallica, quàm humana corpora,

HER-

HERMES.

Solis radios draco fugit, qui foramina
observat, filiusq; noster mortuus vi-
vet, rex ab igne veniet, ac conjugio gau-
debit, & occulta patebunt, & lac virgi-
nis dealbabitur. Filius jam vivificatus fit
bellator ignis, & supereminens tinctu-
ris. Filius enim est beneficium & Phi-
losophiam habens.

SCHOLIUM.

Dracō significat terram, & est nigrum ni-
grius nigro. Serpentes autem & Dra-
cones gaudent potius locis subterraneis, petro-
sis & obscuris speluncis, quàm luce Solis sive
diei propatulo. Lucente igitur Sole fugiunt,
& latibula sua repetunt, ne à tam claro lumi-
nis splendore, quem ferre nequeunt, nimis
torqueantur. In vas igitur probè munitum
ac clausum, nec nisi unicum foramen, par-
vum ac rotundum, per quod Solis radij in-
trare possunt, habens, Draco inclusus Soli
exponatur per mensem Philosophicum:

M 2

quo

quo temporis spatio, membris ejus penitus dis-
 solutus, morietur: & fœtore suo lethali, acce-
 dentem quoq; regis filium inficiet, & neci tra-
 det: Ambo igitur mortificati, & in vitrum a-
 liud mundum inditi ponantur ad Solem per a-
 lium mensem Philosophicum: vel si hyemis
 tempore, Solis calor sit remissior: similem inhy-
 pocausso, vel alio loco conveniēti & idoneo exci-
 tabis. Et tum temporis filius calore Solis per-
 cepto, paulatim à vitæ spiritu recreabitur &
 revivificabitur: draco verò ab eodem calore
 urgentius pressus, penitus consumetur, & re-
 digetur in nihilum. Rex autem videns, im-
 becillum nimis esse calorem Solis, pro filio suo
 à draconis veneno prorsus liberando balneum
 parare jubet pro se & filio: & extincto dra-
 cone, ipse cum filio suo balneum calefa-
 ctum, ingreditur, quem ex amore pater-
 no continuis amplexibus fovet, & interim
 lac virginis ei ad membrorum, refectio-
 nem in magna copia quotidie præbendo,
 tamdiu hoc fomenti balneum continuat: do-
 nec filius, omnibus veneni pravitatibus absum-
 ptis, pristinum corporis robur & venustatem
 recuperet: & dignitate, virtute & splendore
 prorsus

prorsus similis evadat patri, adeò ut vix inter illos agnoscas differentiam. Pater in æternum non deserit filium, nec vicissim filius patrem. Sicut enim umbra corpus, sic filius patrem continuo sequitur: tam perfecto enim & constanti amore invicem juncti manent, ut nulla vis elementorum externa, sive sit ignea, sive aërea, sive aqua, aut terrea, tam firmum amicitiae pactum dissolvere amplius queat.

Præsertim filius, ut nihil nunc dicam de patre, qui in omnibus similis est filio, in nova hac generatione dux est tam potens & fortis, ut per media incendia vicorum sive domorum, absq; ulla lesione transeat. Et sicut ignis, nihil juris habet in aurum: sic nullana quoq; habet potestatem in aureum hunc heroem: qui meretur idcirco summo jure vocari aurei calcaris sive auratus eques magnificus & inclytus: quiq; præterea tanta sapientia præditus est, ut è longinquis regionib; ad eum, veluti Regina de Saba ad Salomonem, multi quotidie confluant Philosophi, & solidam sibi Philosophia cognitionem, ac scientiam (ex quo enim rerum intelligentia potius requirenda esset, quàm ex eo, qui eam ex lumine & flu-

mine ipsius Naturæ, tanquam ex ipso fonte ubertim haurit) ab eo comparent. Quam assecuti siue adepti (hinc Philosophi Adepti nominantur à Paracelso: indeq; nomen suum habet Philosophia Adepta) gratiarum actionem, prout decet, pro tantis beneficijs modestè referunt, & cum pace revertuntur in regionem suam.

HERMES.

Venite filij sapientum, & nunc gaudeamus, & simul lætemur, quia mors consummata est, & filius noster regnat, & jam rubea toga, & Chermes indutus est.

SCHOLIUM.

Sicut victor magnanimus è bello reversus, publice & solemniter agit triumphum: & undiq; in publicis plateis acclamatio populi, in letitiæ & congratulationis signum exauditur: sic quoq; Hermes existimat, sibi acclamantibus congratulantibusq; simul sapientum filijs post partam in hoc Chymico bello victoriam, nunc triumphandum, & manibus pedibusq; in letitiæ signum plaudendum esse: ut qui tot monstra horrenda devicerit: tot terribiles draco-

nes:

nes: tot venenatos serpentes, & malignos spiritus profligavit & mortem denique ipsam confectam superavit. Sed cui potius prima gloriæ palma debetur pro tanta victoria impetrata, quam filio regis: qui tanquam alter Hercules, immensum & insuperabilem laborem in tam atrocibus debellandis hostibus, sustinuit: Vnde etiam regni Philosophici hæres legitimus, & toga rubea ac purpurea indutus, summum dignitatis gradum obtinuit, & tanquam invictissimus mundi monarcha, ab omni hostium insultu & impressione, regnum suum tuctur ac defendit. O terque quaterque beatus, qui divina ope cælitus adjutus, hujus reguli favorem & gratiam sibi conciliabit, ipsique tanquam fidelis amicus, consiliarius, & cubicularius vigilantè assistet: salarium enim, quod suis expendit fidelibus & familiaribus amicis, superat omnes omnium Cræsurum Crassorumque, quotquot hoc seculo vivunt, thesauros.

Finis tertij capituli.

CAPITVLVM
QVARTVM.

HERMES.

INtelligite filij sapientum, quòd hic lapis clamat, protege me, & protegam te, largiri vis mihi meum, ut adjuvem te.

SCHOLIUM.

EXpandi manus meas, inquit Dominus exercituum apud Esaiam *os. tota die, ad populum incredulum, qui graditur in via non bona post cogitationes suas. Quis quaso similior est huic populo, quàm Chymista erroneus & ignarus: qui neq, lapidem clamantem neq, rectè Philosophantem audit: sed in seductionum de vijs continuò versatur. Quomodo verò audiat lapidem, quem non agnoscit: aut quomodo benignam præbeat aurem Philosopho, quem neq, intelligit, neq, intelligere cupit. Vana enim scientiæ persuasio, cùm tamen nihil sciat, adeò illum excæcat, ut sæpenu- merò de magno quodam mysterio apertè lo-
quen-*

quentem non capiat: sua tantum sibi placent & experientiam rerum multam habet in Chymicis operationibus: non doceri, sed docere vult alios: unde etiam non abs re doctoris vel alterius dignitatis titulum gerit: quem turpitudinis forte infamia contaminaret, si doctiorem prae se agnosceret ullum. Hae vana, inquam, persuasio multis haecenus nocuit, & adhuc indies nocet, quò ad finem artis non perveniant. Temeritate enim quadam in altum plus justo volantes, & velut Icarus propius ad Solem accedentes, cum eodem in profundum erroris pelagus precipitantur, ex quo in posterum sine maximo labore vix evadunt. Lapidem & Philosophum uno quasi ore loquentes audit veritatis studiosus. Lapis quidem rem ipsam nudè sine verbis exhibet: Philosophus verò rei veritatem essentialem verbis exprimit: & ipso opere, si res postulat, demonstrat: ita ut, etiam si unum eandemq; ambo doceant veritatem, Philosophus tamen sit tanquam praeceptor intermedius inter lapidem & discipulum. Praeceptor igitur clamat, audi me discipule, & docebo te: Largire mihi tempus auscultandi, & institutis te juvabo optimis, tibiq; & tuis sa-

M s.

luta-

lutaribus: Me enim si auscultando rectè per-
ceperis: magnum Naturæ lumen, de quo paulò
post, videbis & ipsius quoque lapidis profundum
agnosces secretum. Discipulus itaque discipli-
nae subditus & obediens, huiusmodi monita
non sperni, sed fideliter sequitur, votique tandem
sui compos redditur. Ignorantiam enim suam,
quam habet, commutat cum magna scientia,
saltem auscultando & meditando, adeò ut non
tantum præceptorem, sed ipsum etiam lapidem
quem antea surdus præ inscitia, non audiebat,
nunc clamantem assequatur. Sed quam am-
plius utilitatem inde capiet discipulus? Volun-
tati magistri obtemperavit: naturale quoque
lapidis desiderium explebit. Obsequio dis-
ciplinæ satisfecit magistro: artificio pyrotech-
niæ satisfaciet etiam Naturæ & lapidi. A
magistro impetravit scientiam & sapien-
tiam: per lapidem inveniet sanitatem &
opulentiam, & alia multa commoda, de quibus
mox audiemus.

HERMES.

Sol

SOL meus & radij mei sunt in me intimi. Luna verò propria meum lumen est, omne lumen superans, & bona mea omnibus bonis meliora sunt, gaudium, lætitiā, gloriam, divitias, & delitias intelligentibus largior, & quod inquirunt, agnoscere & intelligere facio, ac divina possidere.

SCHOLIUM.

Quando Philosophi loquuntur de radijs Solaris, de lumine Lune, deq; aliorum astrorum luminibus, non id accipiendū est de nudo splendore externo, qualis est lucerna sive candela accensa: qui vicinum tantum aëris complexū illuminando, reddit perspicuum & lucidum, sine alia quacūq; vi & impressione vitali & animata. Vmbra enim & superficiem ejusmodi mortuam, si verelollaceam, ut Paracelsus loquitur, haud curant Philosophi; sed veram tantummodo & intus latitantem querunt rerū medullā, hancq; solam singulari artificio veniatur per radios suos essentiales & lumē Philosophicū internū. Vt autē duplex horum radiorū differentia magis innotescat, clarioris doctrinae causa exemplum fulminei radij
hūc

huc producemus: cuius scientia sive proprietas naturalistalis est, ut non promiscue cum lumine feratur in quamvis aeris partem, nec aërem luce tantum externa, illustret, sed vi quadam magnetica & innata pellatur ac rapiatur in locum certum, suae naturae magis consentaneum & familiarem, quem solum ceteris omnibus illaesis tangit & ferit, vimq; suam aëtuosam evidenti nota impressa, clarè demonstrat.

Hinc videmus saepenumero enssem sive ferrum in vagina à fulmine dissolvi, corio vaginae integro adhuc & illaeso: item hominis interdum cutem à fulmine aduri, vestibus externis intactis, aut vice versa: ut ejusmodi plura videre licet exempla in historijs naturalibus. Ex quibus palàm liquet, quòd Philosophi de radijs, qui absq; vitalium virtutum energia, lumen tantum praebeant otiosum & sterile, minimè sunt solliciti, sed de illis tantum, qui cum lumine, efficacem simul & vivam formarum sive virium essentialium & conomiam adinistrant: quorum effectum eximium explicat author in sequentibus verbis: Vbi ex ejusmodi luminum radijs, multa solerti
inda-

indagatori bona evenire asserit, veluti gaudium, letitiam, gloriam, divitias, & delicias: & tam magnifice extollit hanc scientiam, ut malit illam divinam, à tam nobili & prestanti subjecto, quàm humanam, appellare.

HERMES.

ECce quod Philosophi de scientijs celaverant literis septem scribitur: duas enim sequitur alpha, yda, & librum, similiter sequitur Sol, volens tamen dominare, artem custodire, jungere bubæ aquæ filium, qui est Jupiter, quod est occultum arcanum.

SCHOLIUM.

Non certo constat de vocabulo isto septem literarum, in quo auctor totam scientiam occultari dicit. Impossibile enim est, omnia Philosophorum ænigmata ad unguem eruere: in quibus sæpenumero rimandis, citius sensum, quàm verba invenire licet. Quale enim istud vocabulum sit, ingenuè ut veritatē fatear, ignoro prorsus ac quamvis aliquis divinam

vinando propius ad authoris mentem accedere videretur, semper tamen de eo dubio relinqueretur: cum nemo, absente authore, possit hunc hesitantia scrupulum planè tollere. Ergò suspensa de verbis lite, operam tantum dabimus, ut verum sensum & ipsam rei essentiam eliciamus. Opinio mea sic fert, (alteri interrim liberum relinquo opinari quicquid volet) quòd non procul à veritate aberrare videatur, qui dicat, vocabulum istud septem literarum esse septem corpora metallorum, quæ sub unico verbo, nempe *P L A N E T A*, haud absurdè comprehenduntur.

Saturnus enim est Planeta: Juppiter est Planeta: Mars est Planeta: Sol est Planeta: Luna est Planeta: Venus est Planeta: Mercurius est Planeta: ita ut omnibus septem corporibus conveniat nomen Planeta. Accedit & hoc, quod si Gracè scribatur, post primas duas literas sequatur alpha, & paulò post yda. Confirmat præterea hanc nostram opinionem Philosophus lib. de conjugio Solis & Lunæ, his verbis: per DEUM, inquit, si consideraveris stellas, id est, Planetas erraticos, id est, metallorum corpora, non est inter nos, scilicet Philosophos, disse.

differentia, id est, diversitas, in hoc, quod opinantur, id est, de arte opinantur, quia ex his metallis, & per hoc preparant sapientes lapidem suum, in quibus est Mercurius & sulphur fixum & incombustibile per naturam rectificatum: & propter hoc preparatio nostra surgit per seras, & claves aperientes seraturas, id est, problemata obscurata. Haec lenus ille. Ut sit, alium sensum ex authoris verbis vix extorquebis: quod vel ex consequentibus verbis palam evincitur: Vbi dicit: Solem cum aqua filio sive Jove esse conjungendum, & hoc esse occultum arcanum. Per aqua enim filium innuit mercurium, & per Solem sulphur fixum & incombustibile: in quorum duorum conjunctione totum latet arcanum. Sed quia Philosophus supra inquit, lapidem suum preparare sapientes ex his metallis, & per hoc: nihil aliud intelligit per hoc, quam aurum, sive Solem. Ut enim, Sol in firmamento tantam claritatem solus obtinet, ut solus cum est exortus, obscuratis omnibus alijs appareat: ita Sol Philosophorum sive metallicus ortus, sive in vase Philosophico natus, occulte in se continet reliqua metallorum corpora, & cate-

& ceteris occultatis ipse solus apparet. Dicitur enim est Sol, quasi solus, quod unus sit, & non plures: quia tanta sit magnitudine, ut tanquam dux, & princeps & moderator luminum, cuncta sua luce lustret & compleat.

HERMES.

Auditores intelligite, & deinceps nostris utamur opinionibus, & quæ scripsi subtilissima investigatione, & contemplatione vobis demonstravi, quoddam unum novi. Nam quis intelligit, quod sincera investigatione & ratione inquiritur? Ex homine non fit, nisi quod ei simile est, & ex tauro idem: & si quod animal cum aliena specie cubat, nascitur, quod neutro simile est.

SCHOLIUM.

Qui facile credit, facile decipitur. Ut igitur supra, ita & hic denuo monet author, ut dicta ejus recta rationis bilance expendantur: non autem crasso modo, prout nuda sonat litera, accipiamur. Et sicut res, quas proponit, non levi, quod ajunt, brachio tractat, nec quicquid

nicquid illi in buccam venit, statim suo in se-
it libro: sed in illarum descriptione & demon-
stratione utitur subtilissima investigatione &
profunda contemplatione: ita lectorem quoque
lecet esse sedulum & diligentem in legendis
& meditandis ejusdem scriptis. Qui enim
scitanter, & sine intellectu aliquid in hoc ope-
re præsumat: is similis videtur claudicanti, qui
fracto aut laeso altero crure, cursus certamini se-
temerè immiscet. De sincera autem investi-
gatione, per quam nihil aliud intelligit, quàm
rationem rectam, veram & Naturæ legibus
consentaneam, suprà dictum est.

Deinde speciem per sui similem speciem pro-
pagandam docet. Frustrà enim laborat, qui
de spinis, ut suprà diximus, uvas colligere ten-
tat. Ex homine enim non nascitur, nisi ho-
mo, nec ex brutis, nisi suum simile. Ordo
enim specierum propagandarum, quem DEUS
in creatione instituit, manet inviolabilis. Deus
igitur rebus omnibus, huic ordini subiectis,
suam quoque addidit crescendi & multiplican-
di benedictionem. Omnis autem generatio
extrà hunc ordinem instituta, maledictionis di-
vine haud dubiè obnoxia est. Cujus rei ex-
N emplum

emplum habemus luculentissimum in mulis, qui ex commixtione equorum & asinarum, vel asinorum & equarum procreati, secundum semen pro sua speciei multiplicatione & propagatione non obtinuerunt. Cum enim specierum ejusmodi confusio sub hoc divino creationis ordine non comprehendatur, merito etiam istis non indita fuit per benedictionem divinam vis illa crescendi & multiplicandi. Loquor autem hic de speciebus completis ac perfectis, sive illas ideas Platonicas, sive certas & específicas seminum rationes, sive scintillulas igneas speciales, sive formas específicas, alijsve pluribus appellare velis nominibus: quas omnes in universum mundum diffusas, & pulcherrimo ordine invicem distinctas, Deus in creatione per solum verbum FIAT produxit. Contra sacrum autem & incontaminandum hunc ordinem maximè impingunt falsarii & spurij alchymista, qui ex temerario quodam ausu, & confusione plusquàm Babylo-nica, specierum invicem mixtionem moliuntur. Coniungunt enim ea, quæ DEUS dis-junxit: quæ verò conjunxit, disjungere & separare ordine inverso impie conantur.

Non

Non igitur mirum est, si proximo illos pede
comitetur maledictio divina: id est, ob causam
modò relata. Quicquid tandem agis, hoc
tibi firma mente persuasum habeto: Deum
omnibus actionibus, quas homo proponit, tam
in verbo suo scripto, quam in natura, sive crea-
turis, sua virtute infallibiliter quoque adesse.
Quomodo enim possit vis ac potestas omni-
presens DEI infinita, quæ essentialiter rebus
universis inest, rursus ab illis tam levi momen-
to separari. Sed actionibus justis, cum lege &
ordinatione divina congruentibus, præsto est
ut æquus, benignus, bonus & misericors pater:
Perversus autem & ordini divino repugnans,
tanquam severus omnis iniquitatis, perversi-
tatis & confusionis ultor, & justus vindex.
Cum sancto enim, inquit regius Propheta, Ps.
18. sanctus erit, & cum viro innocente inno-
cens erit. Et cum electo, electus erit, &
cum perverso pervertetur. Discant igitur
hinc alchymistæ in posterum sapere, ne
falsis & sinistris suis opinionibus & deli-
ramentis, quæ tam divinis quam naturalibus
adversantur legibus, plus justo tribuendo,
& frustra contra stimulum calcitrando,

196 DE LAPIDIS PHYSICI SECRETO
*in gravissimas pœnas Deo & Naturæ persol-
vendas, incurrant.*

HERMES.

JAm Venus ait: Ego genero lumen,
nec tenebræ meæ naturæ sunt, & nisi
meum esset metallum siccum, omnia
corpora mei indigerent, quia ea liquefa-
cio, & eorum rubiginem deleo, & sub-
stantiam extraho: me igitur & fratri meo
junctis, nihil melius ac venerabilius.

SCHOLIUM.

Venus inter septem mundi dominos sive
Planetas relata, dicitur mater amoris &
pulchritudinis, cujus stella Solem antecedens
dicitur Lucifer, quasi lucem ferens, vel, ut au-
thor loquitur, lumen generans: Ubi verò lu-
men, ibi quoque vita: vehiculum enim vitæ est
lumen, quod nullam partem corporis Physici, à
suorum radiorum contagione immunem relin-
quit. Ergò taceant in posterum, quicumque vitæ de-
rogant metallis. Nihil enim existit in rerum Na-
tura, quod non mediante hoc Veneris lumine,
h.e. per generationem naturalem productum sit.
Metalla

Metalla verò naturaliter in mineris suis procreata quis negabit? Non igitur vita sua carerebunt: licet hæc in ijs manifestè, ut in animalibus & vegetabilibus non sese prodant, priusquam à corporea sua mole, quæ vitæ actiones in ipsis obtundit & reprimat, liberentur, idq; per ejusdem luminis beneficium: cujus officium est, tenebras mortis fugare, & illarum loco inducere vitam.

Non autem hoc lumen indagandum erit in corporibus metallicis, propter nimiam ipsorum siccitatem, hoc est, terrestrem crassitiem. Nisi enim siccum esset meum metallum, inquit author, omnia corpora mei indigerent. Neq; cuprum aut as, sed Venus, Planeta & sydus celeste ait: Ego genero lumen. Per Venerem igitur essentiam intelligo astralem, lucidam & splendentem: quæ ignea sua vi non secus, ac carbonum ignis corpora liquefaciat: non autem liquefaciat simpliciter, sed liquefaciendo etiam simul rubiginem deleat, & substantiam, hoc est, occultam tincturam, extrahat. Quod tum fiet, si Venus & ejus frater invicem copulati, & Vulcani fallacijs, catena invisibili tamdiu ligati teneantur: donec Ve-

nus in proprio thoro imprægnata, post 9. mensium revolutionem, sobolem pariat ipsis parentibus præstantiorem & nobiliorem.

HERMES.

REx autem dominator, suis fratribus testantibus ait: Ego coronor & diademate ornor, & regno vestro induor, & cordibus lætitiā ingero, & ego vincus ulnis, & pectori meæ matris & substantiæ ejus, continere & quiescere meā substantiam facio, & invisibile ex visibili compono, tunc occultum apparebit, & omne, quod Philosophi occultaverunt, ex nobis generabitur.

SCHOLIUM.

REx est aurum: Ejus autem fratres sunt cetera inferiora metalla. Regnum omnes possident commune, in quo tamen supremum imperandi fastigium assequitur solus Rex sive Sol: qui proprijs virtutum insignijs, ceteris longè antecellit. Ignem enim solus sustinet sine noxa, in quo diutissimè detentus nihil perdit: nec vinci aut destrui potest, nisi à matre, quæ est fons sive mercurius metallorum. Accidit

lit autem aliquando, ut rex animi gratia fontem ingressus lavaret: sed reversus à fonte incidit in summam corporis imbecillitatem, quam sibi inter lavandum contraxerat. Convocatis itaq; fratribus in unum, de rege restituendo deliberatum fuit. Jubetur Mercurius Deorum nuncius colligere suffragia, à quo vis fratrum vel consiliariorū: qui promptus in exequenda munere alloquitur primò Saturnū: Tu, inquit, pater Deorum, & arcana contemplationis author, nobis quæso expone tuam sententiam, & liberè eloquere, quid tibi videatur de nostro Rege, quem vides hīc ad summas imbecillitatis angustias redactum, nigrum, tenebrosū, & omni lumine privatum: dic, inquam, qua ratione in pristinum fortitudinis & claritatis locum rursus evehi possit. Tunc exorsus Falciger ita respondit: Me, inquit, vocant dominum temporis, omnia destruentem & conservantem; authorem mortis & vite. Ne igitur mentiri videar, ultrò nunc veritatem fateor, vobisq; palam dico, me authorem esse primarium tantæ ruine, in quam rex noster incidit.

Cum enim in fonte ipsum lavare viderem. statim sumtis meis armis hereditarijs, ad eum clam in balneum intra vi, & dormientem spiritali falcis meæ veneno, subitò citrà hominum opinionem sauciavi: ex quo vulnere expergefactus rex, multum profudit sanguinis. Hinc tantæ imbecillitatis causa. Hæc tamen infirmitas non ipsi est ad mortem æternam: sed proderit nobis in salutē nostram, qui fratres ejus sumus, & proximi consanguinei. Ut igitur cum ipso regni quoq; participes fiamus, profuso sanguine proprio, nos emundabit ab originali impuritatū illuvie. Quamvis ergò naturam adeò in ipso labefactatam cernatis, ut morti non absimilis videatur: vitæ tamen spiraculum prorsus extinctum non est: sed occulto temporis fomento, interim à me conservatur, donec tandem, assistentibus mihi cæteris meis fratribus, coronâ quoq; regiâ potitus cum eodem fuero. His dictis tacuit. Conversus igitur Cyllenius heros ad Jovem, signum dedit, ut diceret sententiam: qui mox in hanc se effundit orationem: Juvans, inquit, ego pater dicor, omnes excellens in bonitate, & dominus sum divitiarum & sapientie.

tia. Ne igitur inani & vano nomine stultè
superbire videar, in Rege nostro iuvando nul-
lum non movebo lapidem: imprimis autem ip-
sum exornabo sapientia & divitijs, omnesq;
mundi thesauros ipsius potestati subjiciam.
Prætereà singulari bonitate & clementia er-
ga omnes, præsertim autem ergà nos fratres
ipsius præditus, pauperibus erit refugium, mise-
ris & afflictis solatium, & mærore confectis
gaudium & refrigerium.

His finitis Luna compellata à Mercurio, in
hoc argumentum fari incipit: Ego, inquit, so-
ror Regis uterina, meritò habeo, quod de tristi
hoc fratris mei casu lugeam: sed unum est,
quod me solatur, ne prorsus abjecto animo de-
sperem: nempe hoc quod communi dicitur pro-
verbio: Post nubila Phoebus: Experientia
enim me subinde edocuit hujus dicti verita-
tem. Quoties enim vidi fratrem, densissi-
mis obscuratum nubibus, qui nihilominus ta-
men igneo suo ac radioso splendore illas penitus
discussit, & tandem eluctatus, rursus auream
nobis & fulgentem capitis comam benignus
ostendit? Sed sicut in ipsius ministerium se ul-
trò offerunt fratres & cognati mei omnes, ita

N s

etiam

etiam meis officijs ipsi nequaquam deero: & quia me appellant vulgò aquarum dominatricem, ipsum quoque aqua mea perenni & clara è fonte vivo scaturiente potabo: omniaque corporis membra in eo ita reficiam, ut nihil remaneat prorsus infirmi, langvidi, aut vitiosi: sed fortis evadat, robustus, pulcher, formosus, & regali decore præ cæteris omnibus maximè conspicuus.

Absoluto candida Diana sermone, confestim surgit Venus, quæ blando placidoque vultu subridens, fratrum turbam ita alloquitur. Quid quaeso fratres amici, rei est, inquit, quòd in rege ac domino nostro refocillando, tam longam neccatis moram? An nescitis neminem nostrum à se ipso vivere? Nisi enim vita nobis ab hoc unico vitæ lucisque creatore gratis impertiretur, jamdudum actum esset de salute nostra. Cum igitur omnia, quæ possidemus, bona, ipsi soli accepta ferenda sint: utpote qui ex lumine & splendore suo nobis lumen & splendorem tribuat: meritò quoque hunc cæli regem, & mundi principem, veneremur, ipsique subditi & devincti maneamus in æternum. Exigua sanè hac est opella vestra, qua ipsum
fovere

fovere & restituere conamini. Nisi enim hac antea vobis cœlitus concessa essent munera, minima certè aut prorsus nulla foret in vobis ministrandi ac juvandi vis & potentia. Festinate igitur, & unusquisq; vestrum, quod acceptum tenet, ei quoq; lubens meritòq; rursus offerat. En, quod accepi, nunc reddo, illiq; tribuo multipotentiam, fecunditatem, candorem, amorem, misericordiam, & comitatem. His cunctis, & multis adhuc alijs, præstantioribus virtutibus hunc Regem nostrum ditandum & exornandum volo. Hactenus continuatum orationis filum, abruptit Venus, & silentio facto, statim Deorum nuncius invitat Martem: qui voce gravi & impetuosâ in hac subito prorumpit verba. Magnificum, inquit, & geminatum mihi olim inditum est nomen: nec sine causa. Mars enim vocor, quod armipotente & magnanima virtute mea, maribus in bello præsum. Mavors autem nuncupor, quod magna verto, videlicet imperia & regna. Sed quicquid armata & bellicosa manu edomare nequeo: id ego & filius Vulcanus junctis viribus per maxima ignium incendia, & per fumum in cœli-

coelicas mittimus regiones. Ignea namq; calefactionis dominus sum, nulliq; ego cederem unquam, nisi lux Apollinea, claritate & ardore suo nianio me vinceret, urgeret, pelleret, inq; fugam verteret. Ut ut sit, tantum tamen virium contribuo magno regi nostro, ut se & regnum nostrum à quacung; vi illata defendere possit. Habet enim ex me gladium flammeum & versatilem, ad custodiendam viam ligni vite: ut nihil jam dicam de fortitudine, magnanimitate, generositate, & potestate summa ad quamvis injuriam aliam, propulsandam: adeò ut jam sit perfectissimus, nihilq; amplius ipsi desit ad regni sui splendorem amplificandum. His finitis, arbiter Deorum Mercurius annuit, & vota omnium collecta, tanquam aqua & pia comprobat laudat, prædicat. Rex igitur hætenus occultatus in umbra mortis, gloria & honore pristino recuperatis, sine mora prodit in lucem, & viribus longè majoribus auctus distribuit varia in fratres dona, & beneficiorum memor, quibus ab ipsis multipliciter fuit affectus, æquè ipsos regijs honoribus ornandos seriò mandat, vult, jubet, imperat. Quibus peractis omnibus,

invi-

invisibile factum fuit visibile, & occultum, manifestum.

HERMES.

HÆc verba auditores intelligite, custodite, meditamini, & nihil aliud inquirete. Homo autem principio Naturæ generatur, cuius viscera carnea sunt, & non ex alio. In hac litera meditamini: superflua verò respuite.

SCHOLIUM.

Fideliter hinc author præmonitos cupit suos discipulos, & bis repetit hanc tanquam omninò necessariam, maximèq; momenti admonitionem: nihilq; aliud inquirendum esse vult, quàm principium Naturæ, à quo generetur homo. Idem enim principium, quod causa est hominis procreandi, lapidis quoq; generationem promovet. Hoc autem principium est Natura, quam Philosophi ubiq; suis discipulis indagandam, probèq; cognoscendam suadent. Tàm enim necessaria est ipsius cognitio, ut absq; eadem quilibet artifex oleum & operam, quod ajunt, perdat. Natura enim sola na-
tura

tura letatur: & natura naturam vincit, & superat: & natura naturam continet: & tamen non sunt diversa natura, nec plures: verum una tantum. De hac natura loquitur Rosarius in hac verba: ô Natura benedicta, & benedicta est tua operatio, quia te imperfecto facis perfectum cum vera putrefactione quæ est nigra & obscura. Postea facis germinare novas res & diversas, cum tua viriditate facis diversos colores apparere. Multi agnoscunt quidem Naturam, sed virtutem ejus ignorant: quam si scirent, non utiq; vilipenderent. Peripatetici nostri hanc quidem optimè scire sibi videntur, & interrogati, quid sit Natura, promptè admodum, vel sine libro memoriterq; recitant Aristotelis definitionem: Natura est principium motus & quietis. Si verò queras, num Natura per se ipsam existat ab æterno: an verò ab aliquo priori principio sit progressa? DEUS bone, quantam hîc videas illorum in respondendo oscitantiam, quantam timiditatem, & inconsistentiam. Quocunq; enim se vertunt, nullam prorsus clabendi viam occasionemq; inveniunt. Si enim nihil ipsa prius fuisse dicerent,

dicerent, impietatis maximā incurrerent notā.

Propria enim conscientia victi, rem aliter se habere norunt. Sin verò DEUM authorem Naturæ, ut & ceterarum rerum omnium faterentur: totum subito corrueret ipsorum Philosophiæ ædificium: Super hoc enim Natura & æternitatis mundi fundamentum, illud superstructum est: quo diruto, omnia simul col-labi necessum est.

Si enim Natura est ab æterno, & princi-pium motus & quietis: nihil illa differet ab ip-so DEO. Solus enim DEUS est ab æterno, & rerum omnium principium. Sed ut huic stru-mæ bitaphum prætenderent, mundana sua stul-titia (sapientia volebam dicere) hanc distin-ctionem, excogitarunt: ubi principij conside-rationem duplicē adducentes, aliud creationis, aliud verò generationis esse asserunt: & sic duplicia rerum principium contra omnem rationis sensum, & ipsam verita-tem Theologicam, haud sine impietatis ma-culā perperam statuunt. Nunquam enim vel subtilissimis acutissimisq; rationum mo-mentis, illam demonstrare poterunt
horum

horum principiorum differentiam. Sive enim utriusq; originem, sive naturam, aut essentiam, ceterasq; singulas proprietates quis spectarit, ne latum quidem unguem, unum ab altero differet. Idem enim verbum, quod principium erat creationis, principium quoq; fuit generationis. Ab uno enim Deo tam verbum Crescite & multiplicamini, quod verum principium est generationis: quam verbum Fiat, quod est principium creationis, promanavit.

Valdè demiror imprudentiam, vel extremam potius dementiam vestram, ô Academici, quod aliàs eruditione & literarum cognitione conspicui, & claves regni Philosophici tenentes, non tandem hunc puerilem vestrum errorem recognoscatis, & veritati subscribentes, ab hoc erroris labyrintho, & vos, & vestros reducat is discipulos. Sed, cū proh dolor minus anxij aut solliciti sitis de vera & essentiali rerum cognitione, sola litera mortua sive rerum umbra, vobis ad pompam mundanam, & divitias conquirendas sufficit. Ego verò particeps minimè ero præmij, quod inde reportaturi sitis aliquando. Quoniam enim in
agri

agricultura Philosophica, non coadjutores estis
 DEI & veritatis, sed Aristotelis & menda-
 riorum: vereor quidem, & nimis vereor, ne
 opus vestrum, quod tam debili & ruinoso fun-
 damento superedificatum est, in die olim ju-
 dicij, sicut fanum & stipula exarsurum sit.

HERMES.

UNde dicit Philosophus: Botri fit
 ex citrino, quod extrahitur ex no-
 do rubeo, & non ex alio, quod si sit ci-
 trinum, tua erit sapientia, non sit tibi cu-
 ræ, si de rubeo extrahere non studeas.
 Ecce non circumscripsi, si intelligitis,
 paulò minus patefeci.

SCHOLIUM.

Duo sunt lapides: albus & citrinus sive
 ruber: hunc vocat botri, quem ex nodo
 rubeo, hoc est, ex sulphure Natura extrahere
 jubet. Sed paulò post inquit, quod si citrinum
 fuerit, non curandum sit, licet de rubeo amplius
 non extrahas. Causa est, quòd uterq; tam al-
 bus, quàm rubeus ab una eademq; radice pro-
 gnatus sit: juxta axiomata Philosophica illa:
 Quod me albificat, id ipsum me rubificat: &
 quod

quod me mortificat, id ipsum me vivificat:
 Quimecum moritur, mecum oritur. Errare
 igitur hinc conspiciuntur illi, quicumque dicunt,
 se scientiam habere tincturae Physicae sive lapi-
 dis Philosophici ad albedinis usque gradum per-
 ducendi: ulterius autem ad rubedinem pro-
 grediendi viam se ignorare. Crede enim mihi,
 si rectam ad albedinem perveniendi viam se-
 mel cognovissent, non tam docti & inepte
 loquerentur. Si enim rusticus uvarum in viti-
 bus immaturarum adhuc & albarum gene-
 randarum modum se scire: rubicunda vero
 quomodo provenirent, se ignorare, diceret: non-
 ne se ridendum explodendumque exponeret o-
 mnibus. Eadem enim vitis per eundem Solis
 calorem externum, benignamque aeris tempe-
 statisque clementiam, tam in principio quam in
 in fine, hoc est, tam immaturitatis, quam ma-
 turitatis tempore uvas producit. Alij rursus
 dicunt, se preparationem quidem tincturae al-
 ba, quam vocant corpus, & rubea, quam ani-
 mam nominant, optime cognitam habere: sed
 conjungendi modum ipsos latere: ubi & hi e-
 videnter satis produunt crassam suam in rerum
 naturalium generatione ignorantiam, quam
 si in

si in iisdem uvis diligentius obseruarent, facile animadverterent, quanam sit conjunctio artificis necessaria. Natura enim unica & sola conjungit & separat: neque patitur, ut sophista suis conjunctionibus & separationibus, ipsius operationes subtiles & spirituales interturbet. Si uero coacta, forte vim patiatur: mox ab opere desistit: & omnia, culpam erronei artificis corrumpi perimit: Est enim proverbium antiquum: Coqui diuersi raro preparant bonos & utiles cibos. Quod namque unus edificat: alter rursus destruit. Quamobrem si quis in hac arte sapere uolet supra Naturam, is certius certo, maximum & irreparabile in fine damnum experietur.

HERMES.

Fili sapientum comburite corpus æris, nimio igne, & imbuet vos gratia, quam quæritis. Et facite, quod fugiens non uolet à non fugiente. Et quod super ignem quiescat, licet sit ignis æstuans, & quod calore ignis æstantis corrumpitur, est cambar.

O 1

SCHO.

SCHOLIUM.

PER corpus aris, perfugiens, per cambas, quod
 corrumpitur, aliud nihil intelligitur quam
 Mercurius volatilis, qui per sulphur fixum &
 incombustibile in igne figendus est: ita ut in
 igne quiescat, & licet ignis sit vehementissi-
 mus, & quarti gradus, sive fusorius & rever-
 beratorius: nihil tamen corruptionis aut de-
 trimenti ab ipso prorsus sentiat: sed constans
 & fixus in ipso permaneat. Cum vero nihil
 sit in mundo, quod non obnoxium sit corruptio-
 ni, præter cælum sive corpora cælestia omnia:
 Philosophus autem suum Mercurium in tan-
 tam perfectionem adducat, ut corporum cæle-
 stium perfectioni, vel, ut Aristoteles loquitur,
 elemento stellarum respondeat: facile hinc col-
 ligi potest: huius Mercurij fixi & incorruptibi-
 lis naturā totā cælestē ac astralem esse. Si verò
 quis causam tantæ perfectionis, in ipsis corpori-
 bus cælestibus penitus scrutari cupiat: is per
 dicti Mercurij Philosophici artificium, quo ipsi
 summa ista & perfectæ in igne constantia con-
 ciliatur, hanc quoque absque magno labore inve-
 niet. Ut enim ignis, omnia impura & he-
 terogenea in Mercurio separat, ipsumque tandem

in tam fixam & permanentem vertit natu-
 ram, ut nulli amplius cedat igni, sed liberè po-
 tius in illo jubeat: ita per eundem quoque ignem
 in principio mundi, separata sunt elementa
 corruptibilia ab incorruptilibus: Corrupti-
 bilia autem tanquam faeces crassæ & graves
 deorsum vergentes, constituerunt triplicem e-
 lementorum globum; terrestrem, aqueum &
 æreum. Incorruptibilia, totidem in cæ-
 lo produxerunt: ita ut omnia corpora cælestia
 vel sint terrestria, vel aquea, vel ærea. Sed
 ut illa inferiora elementaria sunt crassa, fæcu-
 lenta, & impura: sic e contra hæc cælestia sunt
 ab omni crassitie & faculentia segregata,
 sunt pura, pellucida, clara & perfectæ. Ignis
 autem locum suum occupans in medio horum
 sex globorum: partim participat cum cælesti-
 bus, partim cum elementaribus. Si igitur
 queris, cur inferiora elementaria corpora non
 etiam perficiantur per eundem ignem, cum
 non minori propinquitati ipsi juncta sint, quàm
 ipsamet corpora cælestia? Respondendū est: cau-
 sam hanc totam pendere ab ignis vi & actio-
 ne, qui naturā suā semper sursum agit, nun-
 quam autem deorsum: hinc fit, quod nihil in

cælum ingrediatur, nisi id prius per ignem purificatum fuerit: adeòq; in cælo omnia pura & perfecta permaneant per hunc eundem ignem.

Si enim ignis tanta vi ageret in hac inferiora, ac in superiora, omnis statim auferretur impuritas & imperfectio ab inferioribus, hæc q; prorsus cælestibus fierent similia. Sed Deus hanc magnam & universalem separationem sibi soli usq; ad extremum iudicii diem reservavit. Interim verò suis quoq; fidelibus & electis in Christo membris, largitus est particularia ignis magisteria, per quæ corporum horum inferiorum impuritatem separant, ea q; adeò perficiunt, ut eandem cum cælestibus corporibus naturam & perfectionem nanciscantur. Hinc rectè à Paracelso pronunciatum intelligimus: totum transmutationis arcanum consistere in igne. In hac igitur ignis arte siue pyrotechnia, nisi quis probè exercitatus fuerit, vix aliquid effatu laude q; dignum in Chymia præstabit unquam.

HERMES.

Et

ET scitote, quòd huius aquæ perma-
nentis ars est æs: ejusq; tincturæ & ni-
gredinis coloratio, tunc in verū vertitur
rubeum. SCHOLIUM.

Hic differentiam ponit author, inter æs,
quod aquam permanentem appellat, &
inter corpus æris, quod supra comburendum
præcepit. Hæc est autem aqua illa permanens,
quæ omnium colorum tincturas in se continet:
sublatâ autem nigredine, quæ imperfectionis
signum est, permanens sola aqua retinenda est:
hæc enim sola Mercurius vertitur in verum
rubeum, hoc est, in tincturam Solis. Nihil
enim perenne sub Sole, ut Sapiens testatur Ec-
cles. 2. Et omnia vanitati sunt subjecta, hoc est,
corpora quævis metallorum, excepto solo auro,
sive Sole, sunt adhuc imperfecta & immundi-
tie plena, ita ut corruptioni adhuc sint obno-
xia. Ut igitur ab illis tollatur omnis corruptio,
in auri naturam fixam & perennem sunt re-
ducenda, idq; per solum aurum, non per rem cor-
ruptibilem aut peregrinam, veluti solent face-
re erronei alchymistæ suis sophisticationib; qui
ex rebus imperfectis & adhuc vanitati subje-
ctis, suis nempe aquis gradualibus, cementis,

stratificationibus, albificationibus, rubificationibus, & similibus ineptijs, perfecta educere volunt corpora. Sed vanum est, querere rem perfectam in imperfectis, & vivos inter mortuos. Sicut enim duplex est homo, vetus & novus: sic etiam, dupliciter consideranda sunt metallorum corpora, ita ut alia sint vetera, alia verò nova. Vetera autem sunt corporea & mortua: nova autem spiritualia & viva. Mortua verò in impuritatibus sepulchro sepulta, resuscitanda sunt virtute vivorum. Christus enim Salvator noster, qui teste Paulo factus est à DEO maledictum pro nobis, corpus suum ex sepulchro resuscitavit, non virtute veteris Adamici, sed novi hominis, qui erat DEUS & homo in una persona.

Frustrà igitur sollicitis se fatigant curis, curiose ille mulierculæ, quæ una Sabbatorum valdè manè veniunt ad monumentum, orto jam Sole, ut ungerent Jesum. Unguento enim alio longè præstantissimo, spiritu nimirum sancto, à patre ab æterno invisibiliter, & reversus in baptismo suo, visibiliter unctus erat Christus: cuius unctionis vi, tanquam propria potest.

restare, seipsum & omnes secum mortuos re-
 suscitare, & ab omni aeterna mortis corruptio-
 ne praeservare poterat: ita ut eiusmodi un-
 guentis, ex aromatibus myrrha, & aloë, tan-
 quam rebus corruptibilibus, concinnatis, neu-
 tiquam indigeret. Præterea supervacaneum
 est earundem muliercularum, quamvis ex pio
 zelo institutum, consillum de lapide revolven-
 do ab ostio monumenti. Hic enim lapis ni-
 hil aliud est, quam cor hominis, peccatorum
 mole, instar lapidis induratum. Hac igitur
 lapis & peccatorum moles, ut à cordibus nostris
 auferatur, & blanda mitisq; novi hominis
 mollities inferatur, necesse est, ut angelus de
 cælo, hoc est, spiritus regenerationis in corda
 nostra descendat, & Adamicum peccatorum
 lapidem à cordium nostrorum monumentis re-
 volvat: & tunc orietur in nobis Christus, quo
 victore solo, mundum cum concupiscentijs suis
 mortuis & caducis superabimus, & in cælestis
 & immarcescibilis gloriæ suæ regno, cum ipso
 in æternum vivemus ac triumphabimus. Eo-
 dem planè modo regeneratio quoq; metallo-
 rum intelligenda est, quæ non fit per tincturas
 corruptibiles, sed per fixas & perennes: neq;

Q. S.

per

218 DE LAPIDIS PHYSICI SECRETO.
per peregrinas aut alienas, sed per virtutem
propriam ipsorum eorundem metallorum, non
mortuorum imperfectorum, sed spiritualium
perfectorum. Ex spiritualibus enim solis fit
verum oleum Philosophorum, ad metallorum
corpora imperfecta in perfecta ungenda & tin-
genda: non secus ac ipse Christus est verum
salutis vitæ recuperanda oleum: quo non tan-
tùm in agone mortis, sed singulis etiam vitæ
diebus, imò horis atq. momentis, corpora nostra
per pias preces, meditationes & actiones per-
ungenda & re vivificanda sunt: ita ut Papi-
starum olea, chrysmata, aqua, panis, sal, cinis,
ignis S. Johannis, candela, faces, cruces, & si-
milia plura, ab ipsis quidem benedicta vocata,
sed citra expressum Dei mandatum per super-
stitionem introducta, prorsus sint vana & in-
ania hominum inventa: & inter alchymista-
rum sophisticationes, tanquam opera frivola
& corruptibilia annumeranda. Sola enim
opera, quæ fecit DEUS, perseverant in perpe-
tuum. Eccles. 3.

HERMES.

PER Deum confiteor, me non dixisse
nisi veritatem, quod devastantia sunt
emen-

emendantia, & inde corruptio videtur
in emendato, & inde emendatio appa-
rebit, & utrumq; est signum artis.

S C H O L I U M.

Iuramento confirmat author, se veritatem
dixisse de Mercurio: in quo reperitur utraq;
natura, destruens & emendans, hoc est, solvens
& coagulans: unus enim idemq; Mercurius
corrumpit & destruit corpora, rursusq; ea exal-
tat, perficit & fixat: & ita damnum, quod in-
duxit, recompensat duplo. Emendat enim &
restituit maximo cum emolumento, quod in
putrefactione taxquam operis principio exina-
nierat. Argumentum veræ artis certius habe-
ri non potest, quàm quod ex materia una ea-
demq; ubiq; tam in principio quàm in fine su-
mitur. Nihilq; ab arte magis alienum est,
quàm quod ex rebus pluribus & diversis ortū
est. Natura enim non emendatur, nisi in suā
naturā. Unde liquido constat, artis principium
non esse nisi unum, & in idem quoq; eandem fi-
niri. Quale illud sit principium, ostendit Alanus
his verbis, inquit: Ars nostra incipitur cum
Mercurio, & finitur cum eodem Mercurio. Mi-
rabilis enim est natura Mercurij, utpote

Cui

Cui datur in varias se transformare figuras. Et est tanquam alter Protheus, qui super terram repens, mox assumit serpentis figuram: mox aquis immersus, piscem repræsentat: mox verò alitis instar plumatus pennatusq̃, supremum pervolitat ætheris orbem: & interim tamen non sunt plures Mercurij, sed unus tantum idemq̃, semper & ubiq̃, manet Mercurius. Ab aurea enim, ac simplici unitate, quam Pythagorici Apollinem nuncuparunt, primum ortus, omnem rerum multitudinem prorsus aver-
satur. Hinc vel totus manet in igne, vel totus ab eo avolat. Necesse igitur erit, ut qualibet materia, ex qua noster componi debet Mercurius, ante omnia exuat multitudinem, & se recolligat ad primum unitatis numerum, qui, cum rerum omnium sit principium & finis, etiam res omnes in se continet. Circà hunc unicū Mercurium hæreat artifex, & cum illo instituat quosvis labores in hoc opere necessarios. Aptus enim est & idoneus ad omnia, ad putrefaciendum, destillandum, coagulandum, mortificandum, vivificandum, sublimandum & zingendum. Absq̃ hoc frustra laborant sophista in omnibus operationibus suis. Non enim
vident

vident hunc simplicem unitatis Mercurium:
 Sed caci versantur in infelici diadis siue duali-
 tatis numero, qui litis & confusionis author di-
 citur. Quemadmodum autem omnes, qui eter-
 nae salutis, in securâ vitâ participes esse vo-
 lunt, à varijs & diversis curis mundanis ani-
 mum abstrahunt, & cum Lazari sorore Ma-
 riâ potiùs, (quàm cum Marthâ alterâ sorore,
 cui Dominus dicit, Martha Martha, tu multum
 sollicita es,) meliorem partem eligentes, unico
 & soli Salvatori ac Domino nostro Jesu Chri-
 sto continuè assident, à quo assiduis suspirijs &
 votis petunt aquam istam vivam, quæ in eis
 fiat fons aquæ salientis in vitam æternum. Sic
 veri Philosophi non querunt, nisi hunc unicum
 & verum unitatis Mercurium, qui agnitus, fit
 illis in fontem vivum, ex quo hauriunt aquam
 istam Philosophicam perennem, ad corpora sua
 abluenda, & ab omnibus sordibus mundanda
 ita ut in tali simplici unitatis perfectio-
 ne, pura & immaculata in æter-
 num permaneant.

Finis capituli quarti.

CAPIT.

CAPITVLVM
QVINTVM

HERMES.

Flli, quod ex corvo nascitur, hujus artis est principium. Ecce circumscribendo dictum vobis obscuravi, & lumine privavi, & hoc dissolutum, hoc junctum, hoc proximum longissimum nuncupavi.

SCHOLIUM.

Legimus in primo capite Geneseos, quod in principio, quando DEUS creavit cælum & terram, terra fuerit inanis & vacua, & quod tenebræ fuerint super faciem abyssi: quodq; Deus dixerit, FIAT LUX. Vnde colligendum, tenebras priores fuisse luce. Eundem planè ordinem, quem Deus in creatione tenuit, videntur hodiè omnes omnium rerum generationes adhuc emulari, sanctèq; observare. Nihil enim generatur, aut in lucem editur, quod non principium suumumat ex tenebris sive ex nocte Orphei, hoc est, ex principijs invisibilibus. Et quamvis vulgi hætenus opinione semina
illa

Nulla visibilia, pro veris rerum seminibus siue
principijs fuerint habita: vera tamen princi-
pia aut semina non sunt: sed verorum semi-
um tantummodo rudimenta quadam & do-
micilia corporea: quamvis nec ipse spiritus in
seminibus corporeis latitans, verum per se se-
men nuncupari possit: quia corpore suo, quod
mortuum est, retentus, simul in mortis & cono-
niam conspirat, nec per se sine tertio spiritua-
li, vivo & vero semine, quod prorsus invisibi-
le, & ab omni corporeo vinculo liberum est,
quicquam agere aut producere potest. Ex
quo palam fit, seminis considerationem esse tri-
plicem: aut enim semen est corpus: aut spiri-
tus mixtus & corporeus: aut spiritus immix-
tus & incorporeus. Ex hoc tertio immixto,
siue incorporeo & invisibili, tanquam ex
corvo, in noctis nigredine & obscurita-
te delitescente, quod propriè semen dici-
tur, inquit Hermes, sumitur hujus artis
principium. Sunt autem præcipuè tres ejusmo-
di aves, quarum Hermes ac reliqui Philosophi
hinc inde in scriptis suis mentionem faci-
unt. Vocantur autem à nomine Hermetis,

aves.

aves Hermetica, quæ noctu volant sine alis. Prima est corvus, qui à nigredine sua dicitur principium artis: & elementi terræ refert naturam. Propè terram enim in campis, pratis, agris, & locis humilibus, aut super arbores in sylvis plerumq; habitare solet corvus. Altera est cygnus, & hæc dicitur ab albedine medium, eò quòd aqueum elementum, circa quod cygni plerumq; versantur, representat. Tertia est aquila, qua notatur aër sive oleum Philosophorum. Nulla enim reperitur avis, quæ altius volet in aërem, & propiùs Solem accedat, quàm aquila. De his autem avibus alibi copiosius dictum est: ita ut hoc loco superfluum sit de ijs plura addere. Obiter tantum coronidis loco addo: ne quis nominibus his deceptus fortè ducatur in errorem: aves has spirituum potius, quàm avium habere naturam. Tanta enim pernicitate ac celeritate moventur de loco in locum, ut omnium volucrum volatum, quantumvis velocissimum, longissimo post se intervallo relinquant. Tandem author tacitè hortatur discipulos artis ad mentis sagacitatem, & prudentiam: ubi dicit, se non perspicuam docendi methodo, sed obscuram circum-

circumlocutione, & confuso ac distorto sermo-
nis genere usum fuisse.

HERMES.

Assate ergo ea, deinde coquite in eo,
quod procedit à ventre equorum
per septem dies, vel 14. vel 21. Tunc fit
Draco suas alas comedens, & seipsum
mortificans: hoc peracto ponite in pe-
tia panni, & in igne furni, & ne exeat à
vase, diligentius custodite. Et scitote,
quòd tempora terræ sunt in aqua, & fit
quousq; ipsum ei superponas.

SCHOLIUM.

In precedentibus tractavit author plurima
ex parte, quæ ad theoriam spectant: nunc
autem transit ad opus practicum, & jubet ma-
teriam, quam supra varijs modis demonstra-
vit, assare & coquere in eo, quod procedit ex
ventre equorum, hoc est, in fimo equino, vel
colore simili, qui videlicet respondeat calori
ventris equini: idq; per dies 7. vel 14. vel 21.
Non dubium est, quin hac septenarij multi-
plicatio clam aliquid includat arcani: sed
quia particula illa dubitativa sive disjuncti-

P

VA

va VEL, toties repetitur: non satis perspicio
 quid de temporis certitudine inde auguran-
 dum sit. Interim tamen paullo post tempo-
 ris mensura manifestius ac clarius detegitur:
 Ubi author dicit, tempora terra esse in aqua,
 & fieri quousq; ipsum ei superponas. Quod
 hunc in sensum accipi potest: Materia cognitio,
 universa ad opus necessaria, simul complecti-
 tur. Hanc si noveris, de modo agendi quoq; cer-
 tus eris: ita ut materia vera & tempus con-
 junctionis sint inter se reciproca & conversiva.
 Nisi enim perfectum ac completum conjun-
 ctionis tempus exploratum habeas, de mate-
 ria perfecta non potes certi quid asseverare:
 & vicissim materia perfectae cognitionem
 vix habebis, nisi totum cum toto conjun-
 gere recte sciveris. His duobus igitur,
 materia videlicet, & debito digestionis
 tempore, probe cognitis, prima decoctio sive as-
 satio fiat igni debili, qualis est calor ventris e-
 quini, h. e., qui sufficiens sit ad primum dige-
 stionis gradum. Quo peracto, draco comedit
 suas alas, & seipsum mortificat, h. e. materia
 incipit in terrâ Philosophicâ dissolvi & corrup-
 pi. Postea verò solutionis tempore completo &

abso-

absoluto, calor ignis paulatim augendus, & materia in furno sine athanere Philosophorum continuis coquenda est ignibus. Vas autem, quod materiam continet, accuratissimè sigillandum est, ne spiritus minerales, qui insignè penetrandi vim obtinent, transpirent, & reliquæ caveæ, hoc est, corpore mortuo, evolent. impus igitur erit luto sapientia, cuius preparato est, ut sequitur:

R Collæ ustæ unc. 1.
 Farinæ hordei unc. 2.
 Cineris de ligno viridi
 Salis
 Calcis vivæ
 Arenæ
 Scorix ana unc. 1.

Omibus in pulverem subtilissimum contritis, incorporentur cum succo plantaginis & albumine ovorum, ad justam luti consistentiam. Si hoc luto vasis orificium illinatur, & probè claudatur: nulla timenda erit amplius spirituum evaporatio.

P 2 HER-

HERMES.

EO igitur liquefacto & combusto, accipite cerebrum ejus, & acerrimoterite aceto, vel urinâ puerorum, donec obscuretur. Hoc peracto vivit in putrefactione, fuscae nubes, quæ in ipso erant, antequam moreretur in suo corpore, convertentur. Reiteratus autem, prout descripsi, iterum moritur, & ut dixi, inde vivit.

SCHOLIUM.

Lapis in se latenter continet omnes mundi colores, qui tamen non manifestantur, priusquam is liquefiat. Quoties enim liquefit in igne, toties ex eo oritur novus color, donec tandem consummatâ omnium colorum serie totus in cinerem comburatur. Hic enim cinis est Phœnix ille occultatus à Philosophis, qui senio confectus seipsum in igne comburit & consumit, & cujus cinere resurgit vermiculus, qui successu temporis per se reformatur in avem: ita ut Phœnix, mediante Pyrotechnia, cum juventute suam commutet senectam, & denuò quasi rejuvenescat.

Post

Post mortem quoque hominis, similis remanet vermiculus, qui non cum reliqua corporis substantia corrumpitur, aut in nihilum redigitur: sed reservatur in spirituali mortuorum mundo, usque ad resurrectionem generalem: in qua omnes homines indutis novis & incorruptibilibus corporibus rejuvenescent. Hic autem est ille vermis conscientiae, sive bonae sive male, qui non moritur: de quo legitur apud Prophetam. Certius ex natura argumentum pro stabilienda mortuorum resurrectione non datur, quam hoc ipsam: quod si mundicola nostri, quorum cor totum adheret caducis tantum, vanis, & corruptibilibus mundi thesauris, id penitus ac diligentius scrutarentur: maiorem forte curam susciperent de aeternis, stabilibus, & in perpetuum duraturis bonis conciliandis, quam pro dolor solent. Sed pergit author, & vocat hunc cinerem cerebrum, propter spiritum subtilissimum, qui in eo latet. Sicut enim cerebrum sedes est & domicilium spiritus animalis, purissimi & subtilissimi in toto corpore humano, sive microcosmico: ita hic cinis quoque est habitaculum nobilissimi & preciosissimi spiritus totius mundi majoris,

P 3

sive

sive macrocosmi. Aceto igitur acerrimo seu
 urinâ puerorum, hoc est, Planetarum metalli-
 corum, teritur hic cinis, id est, solvitur tandiu,
 donec putrescat, & appareat primus operis co-
 lor, sive nigredo. De tribus autem primarijs o-
 peris coloribus, saepe hæcenus dictum est. Sed
 sciendum nunc est, quemlibet ex istis bis appa-
 rere in lapide. Fit enim lapis bis niger; bis al-
 bus, & bis rubeus. Hæc igitur causa una est, cur
 author hic repetat putrefactionem, de qua e-
 tiam paulo antè egerat. Sed & ipse mani-
 festè declarat rei causam, ubi dicit: Reitera-
 tus iterum moritur, hoc est, semel corruptus
 & putrefactus, secundâ quoque vice putrescit.
 Per cerebrum autem, ut dixi, intelligitur spi-
 ritus sive substantia mineralis subtilissima,
 in aceto Philosophorum radicato solvenda.

Si aceti hujus radicati rectificatio sive præ-
 paratio innotuisset Philosophia studiosis, aliud
 Philosophorum solvens non esset investigan-
 dum: neque alia aqua vitæ metallica & mercu-
 rialis, neque alia lapidis aqua, quia aceti radica-
 ti præparatio hæc omnia in se continet.

HERMES.

In

[N]e ejus autem vita & in morte spiritibus utimur. Sicut enim moritur, spiritibus ablatis, sic restitutis vivivifatur, & ipsis lætatur. Ad hoc autem pervenientes, id quod quæritis affirmatione videbitis. Narro etiam vobis justificationis signa, & quod suum corpus figit.

SCHOLIUM.

Quando Philosophi locuti sunt de spiritibus, aut lapidem suum operâ spirituum confici dixerunt, multi sinistrè spiritus vocabulum interpretati, sibi opinionem, nescio quam, inxerunt de spiritibus malignis sive cacodæmonijs conjurandis, & in operis sui ministeriũ accersendis, aut convocandis. Sed qualem inde vitæ exitum experti sint plerique, qui à magia hac naturali, scientiâ omnium nobilissimâ & divinâ, ad nigromanticam illam & diabolicam temerè desciverunt, sat abundè testatur historia, ita ut nemo sit vir pius, quin ex illarum relatione, horrore maximo concutiatur. Hinc multi quoque reperiuntur, qui rudes veræ magiæ sive Philosophiæ, traducunt

magnum illum & insignem Philosophum Theophrastum Paracelsum: quem, licet summo jure Theophrastus, hoc est, ex DEO, non ex proprio cerebro aut cacodamone loquens, appellatus fuerit, præter suum meritum tamen, cacodæmonum operâ quoque usum fuisse impudentissimè mentiuntur. Magus fuit, fateor, hoc est, Philosophus. Igitur & magicam secutus est loquendi formulam sive rationem. Spretis enim mortuorum corporum cadaueribus, de sola spirituum naturalium investigatione, prout verum decet magum, sollicitus fuit. Ex his spiritibus nonnulli sunt boni & benigni, utpote qui arte exaltati, & in arcana sunt redacti: Aliqui verò pravi & maligni, quorum videlicet substantia adhuc circumfluit facie corporeâ, malignâque ac venenatâ qualitate. Sed quàm diversis utriusque præditi sint facultatibus, notum ac manifestum fit in ijs, qui vel bona vel adversa utuntur valetudine. Sani qui vident, hoc beneficium & donum maximum, solis spiritibus bonis, tanquam veris sanitatis authoribus, acceptum ferunt. Quod sanè beneficium non exiguum est, sed tanti æstimandum, ut cetera omnia, felici-

felicitatis genera facile huic uni cedant. Unde rectè dicimus proverbio Gallico: La sante surpasse tout: id est; Nihil bonâ valetudine optabitius aut præstantius. Homines enim in perpetuâ sanitate degentes, in hoc mundano Paradiso, hac in parte similes fiunt angelis in cœlesti Paradiso, qui soli à morborum contagio immunes & securi vivunt. Econtrà verò qui crebrâ, veletiam continuâ morborum tyrannide di vexantur, hujus rei causam, non nisi malignis spiritibus, ascribere possunt: à quibus sæpenumero tam magnis & intolerabilibus afficiuntur cruciatibus, ut vix majus supplicij genus excogitari possit: & sic omnes, qui in tanta miseria ac calamitate vitam transigunt, similem ferè sortem cum damnatis & maledictis cacodæmonibus in hoc seculo experiantur. Hi verò spiritus tam boni, quàm mali, hoc est, salubres & insalubres, in omnibus corporibus naturalibus mixti reperiuntur: præsertim autem in chao nostro Physico, ex quo elicimus medicinam nostram catholicam sive universalem.

Vnde Hermes vitam & mortem ab iisdem quoque spiritibus induci affirmat: ablatis scilicet

cet bonis mortem: reparatis verò iisdem vitam. In quo omninò consentire videtur cum ipso Paracelso, ita ut planè stupido sint cerebro, quicunq; non advertant, Paracelsum de naturalibus tantùm loqui spiritibus, quos interdum à tam horrendis morborum ac symptomatum effectis, malignos sive demoniacos, per similitudinem vocat. Qui verò alium sensum Paracelso affingunt, hi illum vel non intelligunt, vel ex singulari malitiâ depravant. Sed redeamus ad authoris textum, in quo clarè ostenditur: vitæ & mortis causam in spiritibus esse indagandam; in spiritibus nimirum naturalibus: qui in tria genera dividuntur, in animales, vegetales & minerales. Qui noverit minerales tanquam mortuos revivificare, & sic preparando depurare, ut vegeti & animati in corpus humanum vires suas exerant: ad maximum pervenit arcanum.

Et hoc est illud, quod quarunt omnes: quod si adepti fuerint, gaudio maximo perfusi, DEO maximo opt. meritò gratias agent infinitas. Medicinam enim non modò summam ad corpus humanum habebunt, sed poterunt quoq; qualibet corpora perfectâ & impura figere,
 & m.

& in summam argenti auriq; perfectionem
tingere.

HERMES.

HAc autem figuratione priores ve-
stri, quemamodum ad propositum
pervenerunt, ecce mortui sunt. Jam
vobis metam demonstravi, & peritis li-
brum aperui, occultas res celavi, seque-
strata continere feci, diversas figuras
conjunxi, & spiritus sociavi. A Deo hoc
munus accipite.

SCHOLIUM.

Indicat author, artis scientiam, antiquos
Philosophos adumbrasse figuratis locutioni-
bus & similitudinibus. Sed quia non amplius
in vivis supersist, illorum loco jam authorem
artis scopum, ad quem omnes sapientes colli-
mare debent, demonstrasse: ita tamen, ut non
nisi periti, hoc est, genuini & legitimi ar-
tis discipuli, inde veritatis saporem sint gu-
staturi.

Celavit enim res occultas, juxta illud: quod
occultū vis, nemini dixeris. Rerū separationē
absolvit. Res diversas, h. e. superius & inferius
cōjūxit: & inter spiritus mortiferos & vivificos
pacem.

pacem fecit, ita ut nunc ambo in perpetuam concordia societatem conspirent.

Qui igitur non poterunt ex his, quæ dicta sunt hactenus, secretum artis capere, hi divinam majestatem precibus incessanter sollicitent, ut spiritum intelligentiae ac veritatis ipsis largiatur.

Finis capituli quinti.

CAPITVLVM SEXTVM.

HERMES.

OPortet vos Deo gratias agere, qui omni sapienti ipsam largitur, quæ de miseria & paupertate liberat nos omnibus ejus substantijs probabilibus miraculis sum tentaturus, & Deum suppliciter deprecaturus, ut, dum vivimus, ad eum perveniamus.

SCHOLIUM.

INchoat author hoc capitulum, ab exhortatione seriâ ad gratiarum actionem & pietatem

tatem erga DEUM. Cum enim verissimum sit, omne donum perfectum de super descendere à patre luminum, qui largitur bona sua, & imprimis hanc scientiam, cui vult: meritò nos gratos praebeamus erga tam benignum & misericordem patrem ac dominum nostrum. Misertus enim miseria & inopia nostrae, manum suam aperit, & ingentem sanitatis & divitiarum ad nos è caelo mittit thesaurum: quo nostrum huius vitae defectum subleuat. O pium! O propitium! O clementem dominum, qui tam caelesti, tam angelico & divino planè munere nos indignos dignatur vermiculos.

Ecquis est inter mortales, cuius animus omni adamante magis induratus sit, qui ex recordatione tantorum beneficiorum non emollescat? aut quis est, qui non pro tantis donis, noctes diesq; coràm DEO flectat genua, ipsum adoret, & laudibus hymnisq; infinitis celebret. Modo unica saltem guttula vel scintillula supersit pietatis in homine, dubium non est, quin, dum in memoriam sibi revocat infinita illa & innumera divinae misericordiae ac benignitatis erga genus humanum argumenta, guttula ista pietatis residua in amplissimum mare

mare, & scintillula in maximum incendium
 excrescat. Si igitur Deus tantis nos cumulat
 donarijs in hoc mundo immundo, dum adhuc
 in corpore mortis, peccatis obnoxio, habitamus:
 quātis putas maximis & inenarrabilibus eter-
 nae vitae bonis nos ornabit in secutura vita:
 Vbi ab omni peccatorum immunditie liberati,
 erimus illi, qui venimus de tribulatione ma-
 gnā, & lavimus stolas nostras, & dealbavi-
 mus eas in sanguine agni: ideo erimus ante
 thronum DEI, & serviemus ei die & nocte in
 in templo ejus: & qui sedet in throno, habita-
 bit supra nos: non esuriemus, non sitiemus am-
 pliūs, non cadet super nos Sol, neq; ullus aestus:
 quoniam AGNUS, qui in medio throni est, re-
 get nos, & deducet nos, ad vitae fontes aqua-
 rum: & absterget DEUS omnem lachrymam
 ab oculis nostris. Apocalyp. 7.

HERMES.

EXinde filij Philosophorum unguen-
 ta, quæ retrahimus ex unguibus, pi-
 lis, viridi æris, tragacantho, & ofsibus in
 antiquorum libris sunt scripta.

SCHO-

SCHOLIUM.

Per unguenta intellige omnis generis sulphura arte Vulcanicâ è rebus naturalibus educta: ex quibus omnibus unum tantum reperitur fixum & incombustibile. Hoc verò investigandum erit in subiecto omnis mirabilitatis, ut Corn. Agrippa loquitur, & est res, quæ in terris & in cælis est: ipsa est actu animalis, vegetalis & mineralis, ubiq; reperta, à paucissimis cognita, à nullis suo proprio nomine expressa: sed innumeris figuris & anigmatibus velata, sine qua neq; Alchemia, neq; naturalis magia suum completum possunt attingere finem. Per sulphur autem illud fixum, cuius sæpè numero apud Philosophos fit mentio, nihil aliud intelligitur, quàm verum Nature balsamum, quo corpora metallorum mortua peruncta, à corruptione perpetuâ conservantur. Vita enim diuturnioris longiorisq; causa est solum hoc balsamum, quo res naturales si magis abundant, diutius etiam ab interitu præservantur. Ex rebus igitur, ejusmodi balsamo abundatibus, nostra medicina universalis elicienda, ut eò fiat efficacior ad corpora humana insanitatis statu cōservanda, & ad morbos
sive

sive ex mala victus ratione, sive hereditaria propagatione, aut quavis alia occasione subortos, abigendos & radicitus extirpandos.

Noli igitur existimare, tale sulphur reperi in unguibus, pilis, viridi eris, tragacantho, ossibus & similibus rebus momentaneis & cito perituris: sed hæc sunt tantum nomina externa, quibus author ex libertate Philosophica utitur ad internam rerum essentiam ab indignis & impijs occultandam.

HERMES.

AMplius ungenti, quod tincturas continet, fugientia coagulat, & sulphura decorat, dispositionem oportet nos exponere, & omnibus alijs unguentis figura, quod est unguentum occultum & sepultum, cujus nulla videtur dispositione, & habitat in corpore suo, sicut ignis in arboribus & lapidibus, quod subtilissimâ arte & ingenio oportet nos extrahere absq; combustionem.

SCHOLIUM.

Unguenti sive sulphuris veri Philosophici conditionem, nunc author pluribus explicat

at verbis: & primum id tincturas continere
 it: Tincturarum enim magna est latitudo.
 Quicquid enim tingendo colorem aut proprie-
 atem corporibus naturalibus imprimit, id tin-
 ctura nomen meretur: ita ut omnis medicina,
 quæ corpora in bonâ & naturali conservat
 constitutione, & aufert morbos, rectè appelle-
 tur tinctura sanitatis: & sic econtrà res de-
 truentes, ac aggritudines corruptionesq; corpo-
 ribus inducentes, nuncupentur tinctura mor-
 borum & mortis. Quæ igitur in mundo res
 conveniuntur, sanitatis & morborum causa,
 ut etiam tinctura statuenda: quas in univer-
 sum omnes in se complectitur unicum istud
 philosophorum unguentum. Habet deinde
 idem unguentum facultatem fugientia coagu-
 andi, & sulphura decorandi, hoc est, volati-
 lia figendi, & obscura illustrandi. Ejusmo-
 di autem volatilia nihil aliud sunt, quàm o-
 mnia inferiora & imperfecta metalla, quæ
 per hoc unguentum transmutantur in opti-
 mum aurum & argentum. Tandem un-
 guentum hoc absconditum latere dicit in cor-
 poribus, non secus ac ignis sive calor naturalis
 non autem hic sermo est de igne vulgari,
 2 aliàs

aliàs mechanicus dictus, omnia comburens & destruens) tempore veris in arboribus succum sive viriditatem generat, & temporis progressu producit gemmas, folia, & flores, tandemq; completam fructuum seminumq; maturitatem absoluit: Vel sicut idem calor in montibus & intimis terræ visceribus (linea namq; viridis gyrat universum) simplicissima rerum corpora sive elementa primum miscet, & lapides inde diversis proprietatum differentiis insignitos fabricat: sic sulphur natura sive Philosophorum tincturas veras, quas in se continet, per varias temporum revolutiones explicat: immatura perficit: inconstantia figit: immunda abluat: ignobilia & vilia nobilitat. Propter varias ejusmodi eximias dotes, quibus præditum est, longè latèq; antefertur cæteris sulphuribus, adeo ut propterea non immerito divinum ab authore appelletur. Vas est hoc in loco materia ipsa, quæ continet essentiam pretiosam, cælestem, astralem, & vitaliū spirituum copiā imprægnatam. Hi spiritus, qui instar Mercurij volatilis, fugitivam habent naturam, ingeniosâ & mirâ arte extrahuntur, & per sublimationem magis magisq; exaltantur.

ntur, tandemq; figuntur. Sed industriâ
 mma præca vendū, ne in gradibus ignis pec-
 tur. Calor enim nimis materiam nostram,
 a, ut diximus, cælestis sive astralis istius es-
 ntia vas est sive domicilium, comburet, &
 fracto carcere, captivus aufugiet.

HERMES.

ET scitote, quòd mediocriter coelum
 cum terrâ jungitur. Mediocre autem
 est figura cum cælo & cum terrâ, quod
 est aqua. Omnium autem primò est a-
 qua, quæ exit de hoc lapide: secundum
 erò aurum: tertium autem ferè & me-
 iocre aurum, quod aquâ & fece no-
 ilius.

SCHOLIUM.

Hic agitur de tribus lapidis partibus. 1.
 de aqua. 2. de cælo, sive mediocri au-
 o. 3. de auro sive face terrestri. Noli verò
 mirari, quòd aurum hic facis vicem, gerat, &
 quâ cæloq; vilius aestimetur. Loquitur enim
 hic author de auro non vulgari, sed de Philoso-
 phico, quod in uno tanquã sacco continet omnia
 corpora, tam perfecta, quàm imperfecta,

pretiosa & vilia; pura & impura: gemmas
& silices: aurum & plumbum: ita ut plum-
bum Philosopho nil aliud sit, quàm aurum le-
prosum & imperfectum: aurum autem vicif-
sim sit plumbum fixum & perfectum. Pra-
stantius autem plumbo & auro, dicitur cælum
mediocre, vel ferè aurum. Mediocre autem
ideò dicitur, quòd auri quidem pondus, colo-
rem, & cæteras proprietates habeat, sed mul-
tò sit spiritualius, excellentius & potentius:
utpote cuius virtutes exuperant vulgare
aurum.

Vnde etiam vulgare, per projectionem tinge-
gitur à mediocri, & plusquam perficitur: estq;
hoc aurum mediocre, verè lapis ille pretiosus,
in cuius comparatione omne aurum, arena est
exigua, & tanquam lutum aestimabitur argen-
tum respectu illius. Sap. 7.

HERMES.

IN his autem tribus sunt fumus, nigre-
do & mors. Oportet ergò nos ab
aquâ fumum superexistentem, ab un-
guento nigredinem, & à face mortem
depel-

repellere, & hoc dissolutione. Quoper-
fecto, maximam habemus Philosophiā,
& omnium secretorum secretum.

SCHOLIUM.

In his tribus, hoc est, in unico subjecto, ex
tribus composito, quod notum est in capitulis,
sunt hæc tria, fumus, nigredo, mors; quæ non
sunt unum sunt: caput nimirum mortuum: quod
epuratur & revivificatur per solam disso-
lutionem. Nisi enim corpus salvatur, nulla fit
spirituum coagulatio. Solutione enim corpo-
ris impuri & fumosi, spiritus puriores & nobi-
liores, tanquam succenturiati, novas indies
& præstantiores vires atq; proprietates indu-
unt: & nigredine ablata, albos & rubicun-
dolos Philosophorum flores proferunt: mortemq;
expulsâ vitalibus & astralibus tineturis o-
mnia perfundunt atq; replent. Et hæc est Phi-
losophia consummata, & omnium secretorum
secretum. Sed quid sit Philosophia consumma-
ta, in superioribus fusè explicatum est. At
quamvis Hermes hîc tantummodò loqui vi-
deatur de transmutatoriâ Philosophiâ: alibi
amen disertè fatetur, omnes sapientias sue sa-
pientia

pientia subditas esse. Cum autem Christus Sal-
 vator noster, unica & sola vera sit sapientia
 ab aeterno, non existimo, aliquem verae sapien-
 tia participem fieri posse, nisi is & spiritum
 Christi simul habeat. Per hunc enim spiritum
 solum, accessum habemus liberum ad abscon-
 dita tam divinarum, quam naturalium re-
 rum mysteria pervenienda. Is enim est, qui, te-
 ste Paulo, scrutatur omnia, etiam profunda
 DEI. Nemo enim cognoscit, quæ DEI sunt, nisi
 idem, quem accepimus, spiritus DEI. Hujus so-
 lã virtute similes efficimur in hac vitã Enochia
 & Elia. Sicuti enim hi, teste scrip'tura, vivi fu-
 erunt assumpti cælũ: ita & nos per Christi spiri-
 tũ, in his terris adhuc ambulantes, tanquã vivi
 in cælum extollimur. Cum enim per cælum ni-
 bil aliud intelligatur quàm vita aeterna: Chri-
 stus autem sit ipsamet vita: de se ipso enim lo-
 quens, inquit: Ego sum via, veritas & vita:
 necessario inde sequitur, quòd qui in Christo
 manent, & Christus in illis, non amplius in
 mundo, sed in cælis, ubi Christus est, versentur,
 hoc est, non amplius terreni ac mundani idolo-
 latra, rebus caducis, sed spirituales & immor-
 tales Christo soli adherent. Non igitur expe-
 ctan-

Tandem est alius Enoch, aut alius Elias, qui
 ante adventum Christi in mundum veniat. Sicut
 enim Antichristus non habitat in uno solummo-
 do individuo, sed in toto Antichristiano corpo-
 re, quod ex pluribus constat membris, diffusus
 regnat: ita Enoch & Elia spiritum non acce-
 pit sola quadam singularis persona: sed omnes
 veri Christiani & pii, praesertim Philosophi,
 qui in eodem ambulantes spiritu in vasis suis
 fictilibus, ut cum Paulo loquamur, habent the-
 saurum immortalem & incorruptibilem, nem-
 pe Jesum Christum: à quo Elias olim, tanquam
 de spiritali petrâ bibens, spiritum quoque eun-
 dem acceperat, ita ut spiritus Elia, non alterius
 sed ipsius quoque Christi fuerit: qui solus est ve-
 rus Elias artista, nos deducens in omnium ar-
 tium veritatem: quin imò solus is est con-
 summata Philosophia, & omnium
 secretorum secretum.

Finis capituli sexti.

CAPITVLVM
SEPTIMUM.

HERMES.

O Filij Philosophorum, corpora sunt septem, quorum primum est aurū eorum perfectissimum, rex & caput, quod nec terra corrumpit, nec res comburentes devastant, neq; aqua alterat, quia ejus complexio est temperata, & natura directa, in caliditate, frigiditate, & humiditate, nec superflū quicquam in eo est. Ideò Philosophi ipsum prætulerunt, & magnificaverunt, dicentes, aurum sic haberi in corporibus, sicut Sol in stellis lumine suo est splendidior: eo enim Dei nutu, omne vegetabile, omnis terræ fructus perficitur: sic aurum omne corpus continet, vivificat, quod Ixir fermentum est, sine quo nequaquam perficitur.

SCHOLIUM.

Septem corpora, sunt septem metalla, aurum, argentum, stannum, æs sive cuprum, ferrum,

ferrum, plumbum, & argentum vivum. Inter
 hac præstantissimum est aurum. Vnde et iam
 reliquorum rex & caput ab authore vocatur.
 Sed erras, si hoc dictum putas de auro vulgari,
 cuius usus est in officinis monetariorum & au-
 rifabrorum. Aurum enim nostrum, inquiunt
 Philosophi, non est aurum vulgi, sed est as, si-
 ve electrum minerale, cuius compositio in se,
 complectitur omnia metalla: juxta illud, O-
 mne aurum est as, sed non omne as est aurum.
 Hoc verò as sive aurum rectè comparatur So-
 li, qui, teste Hermete, post DEUM gubernat
 mundum, & illuminat omnia mundana, sive
 animata sive inanimata: & est gubernator
 vitalium, vel totius vivacitatis frequen-
 tator & dispensator: de quo Palingenius ita
 canit:

— — — — O Sol, qui tempora mutas,
 Et cum temporibus, quicquid generatur in
 orbe.

Hujusmodi virtus generativa & seminaria,
 cuius vi crescunt & propagantur omnia, inest
 quoque in viriditate æris nostri: de quâ Philo-
 sophus loquitur: Totum illud, inquit, quod est
 perfectum in ære, est illa sola viriditas: quæ

ℒ s.

in

in ipso est: quia illa sola viriditas per nostrum
 magisterium vertitur citò in verissimum au-
 rum nostrum. O benedicta viriditas, qua cun-
 ctas res generas: quod vel inde constat, quod
 nullum vegetabile atq; fructus nullus appa-
 ret germinando, quin sit ibi viridis color. Ex
 quo manifestè colligitur, aurum hoc Philoso-
 phorum sive as habere longè alias proprietates
 atq; vires, quàm vulgare illud: quod, teste
 Mirandula, parvo pulvere insperso in igni
 fugit: ac potest resolvi in calcem & aquam
 limpidam: imò hydrargyrus id penitus de-
 struit: ita ut longè differat hoc vulgare à ve-
 rò Philosophorum auro: quod præter comme-
 moratas virtutes etiam perfectissimum est, &
 incorruptibile: quodq; naturam habet Elixiris
 sive fermenti. Est autem Elixir, ut Rosarius
 inquit, medicina completa, magisq; depurata
 & digesta, quàm aurum & argentum, eò quod
 ipsum Elixir habet vim convertendi omnia
 imperfecta corpora in aurum & argentum,
 quod ipsa per se minimè perficere possunt: quia
 si de perfectione suâ atteri darent: ipsa imper-
 fecta existerent: eò quod non possunt tingere,
 nisi quantum se extendunt. Hinc constat, au-

ram Philosophicum esse quid præstantius, nobilius ac pretiosius ipso auro & argento, cæterisq; omnibus metallis vulgaribus. Quæsi verunt multi hanc auri sive aris viriditatem in vitriolo, & cupro sive ære vulgari: sed errore decepti à vero scopo longè aberrarunt. Causa erroris fuit ipsorum crassa ignorantia, qua secuti sunt literalem in scriptis Philosophorum sensum, cum tamen Philosophia Chymica non contèpletur metalla, quatenus sint corpora, sed quatenus redacta sint in substantiâ subtilissimâ, spiritualem ac cælestē. Est ergo aurum nostrum non corporeum: sed summè depuratum, & ad astralem naturam adductum. De quo hac dixisse sufficiat.

HERMES.

Sicut enim pasta sine fermento fermentari non potest, sic cum corpus sublimaveris, mundaveris, & turpitudinem à facie separaveris, cum conjungere & simul miscere volueris, pone in eis fermentum, & aquam terrâ confice: donec Ixir fermentetur, & ut pasta fiat fermentū. Meditamini & videte utrum rei fermentū fiat de alio, quàm de sua natura.

Inspi-

Inspicite ergò, quomodo fermentum non est, nisi de pasta ipsa.

SCHOLIUM.

PAulò superius mentionem fecit author fermenti, idq; aurum esse apertis & manifestis verbis indicavit. Pergit igitur nunc pluribus demonstrare necessitatem fermentationis: & aliquas ordine operationes ponit: quales sunt sublimatio, mundatio, facum separatio, conjunctio & mixtio, quae singula necessario requirunt fermentationem. Est enim fermentum quasi anima, quae pastam eadem proprietate, quâ ipsa est insignita, fermentat. Ne verò dubites, id verum artis esse fermentum, ab authore suprâ propositum: considera solummodò finem intentionis tuae, & mox fateberis aliud non esse, quàm hoc ipsum. Aurum vis producere: Ergò aurum tuum quoq; erit fermentum. Quemadmodum fermentum pasta ex eadem materia constat, ex qua ipsa pasta: utriusq; enim materiâ est farina: sic fermentum lapidis aurifici est aurum: argentifici argentum. Vide saltem, ut fermentum,

tum, quo uti voles, semper sit re fermentanda
 efficacius, purius, & astralius, magisq; digestū,
 & non errabis. Expurgate vetus fermentum, inquit D. Paulus, ut sitis nova conspersio.
 Ad regenerationē enim novi hominis, requiritur novum fermentum, quod veteri isto longē sit efficacius, purius, nobilius, cœlestius, spiritualius. Tale autem novitatis, puritatis, sinceritatis & veritatis fermentum est ipse Christus, quo in baptismo per ipsius mortem omnes, verē credentes, fermentantur. Vnde Matth. 13. simile dicitur esse regnum cœlorum fermento, quod acceptum mulier abscondit in farinae satis tribus, donec fermentatum est totum.

Quale igitur hoc novum est fermentum, talis quoq; debet fieri pasta inde fermentata. Nisi enim pasta eandem cum fermento virtutem & proprietatem acceperit, verē & debito modo fermentata dici non poterit. Hinc elucet evidens discrimen inter Christianos veros & falsos. Veri, virtute novi fermenti operantur juxta novum hominem veritatem & vitam: falsi autem secundum veterem hominem mendacium & mortem. Hac autem postrema

tene.

tenebrarum opera, regenerato homini omninò
 de vitanda & fugienda sunt. Modicum enim
 enim fermentum, scilicet veteris hominis, ut
 Paulus docet, Gal. 5. corrumpit totam massam.
 Quicumq; igitur massam suam, tam theologicè
 quam Chymicè, rectè fermentare volet: ve-
 tera impuritatis & corruptionis corpora relin-
 quat, nihil enim stabile aut laudabile in illis
 unquam inveniet. Est autem in utraq; scien-
 tia fermentatio necessaria. Qui enim in Theo-
 logia ignorat Christum, ab eodem quoq; igno-
 rabitur. Noscere autem Christum realiter, est cre-
 dere ipsius verbo, & servare ipsius mandata.
 Sic enim cum ipso erimus una massa, & à pro-
 prio ipsius verbo in essentialem & perpetuam a-
 micitiā ejus fermentati. Jamq; non amplius
 nos dicet servos, sed amicos. Amici enim, inquit
 ad discipulos, mei estis, si feceritis, quae prae-
 cipio vobis. In Chymia quoq; necessariā fermentatio-
 nem esse palam fit ex eo, quod si non mescas fer-
 mentū cum Elixire, non coloretur corpus, sicut
 debet, quoniam sine fermento non exhibit neq; Sol,
 neq; Luna. Est enim fermentū anima, quae cor-
 pori imperfecto, mediante aqua, vitam tribuit,
 quam prius non habebat, & in meliorem for-
 mam reducit.

HER.

HERMES.

ET nota, quod fermentum confectio-
nem dealbat, combustionem vetat,
tincturam, ne fugiat, continet, & corpe-
ra lätificat, & invicem conjungi & in-
gredi facit. Et hæc est clavis Philoso-
phorum, & finis operum, & hac scientiâ
corpora emendantur, & eorum opus,
Deo annuente, peragitur.

SCHOLIUM.

Dubium maximum hîc de fermento oriri
videtur, quod antea aurum esse diximus:
nunc autem fermentum confectio-
nem dealbare auctor confirmet: sed facile id solvi-
tur per Philosophum, qui dicit: non est aurum,
nisi prius fuerit argentum: Item aurum no-
strum, est tinctura sive anima sive fomen-
tum operis, sine quo nequaquam peragitur, sed
quâdo dealbatum fuerit aurum, h. e. corpus album:
neq. fit argentum, nisi prius fuerit Mercurius. V.
de Sol fingitur à Philosophis tres habere facies
in cælo: nigram, candidam, & rubicundam:
ita ut facile credendum sit, fermentum hoc non
tantum dealbare confectio-
nem, sed etiam, ut au-
thor par. 9. post docet, à combustionem & fugam
custo-

custodire tincturam, eiq^{ue} in projectione conci-
 liare ingressionem. Sed quia fermentum non
 potest ingredi corpus mortuum, nisi mediante
 aquâ, quæ facit matrimonium & copulam in-
 ter fermentum & terram albam: id in omni
 fermentatione notari debet pondus uniuscu-
 jusq^{ue}. Si igitur terram foliatam albam ad al-
 bum Elixir volueris fermentare, ut stabit in
 complemento tincturæ super corpora à perfe-
 ctione diminutâ, tunc recipe terra dealbata
 seu foliata corporis mortui patres tres, & de
 aquâ vitæ reservatâ partes duas, & fermenti
 partem alteram dimidiam. Fermentum au-
 tem sit preparatum, ut fiat calx alba fixa &
 subtilis, si ad album tua procedit intentio: si
 verò ad rubeum, tunc sit calx citrinissima au-
 ri preparata, & non erit aliud fermentum.
 Tanta igitur est fermentationis prestantia,
 ut author eam non dubitet appellare clavem
 Philosophorum, hoc est, principium & finem
 operum, videlicet albi & rubei: utpote cuius
 beneficio corpora emendantur, hoc est, in supe-
 riorem perfectionis statum exaltantur: sicq^{ue}
 tandem opus rubeum ultimumq^{ue} divina aspi-
 rante gratiâ, perficitur, & ad finem perducitur.

HER.

HERMES.

NEgligentiâ verò & malâ de eo opinionone, opera corrumpuntur, ut fermentum massæ, & coagulum lacti ad caseum & moscus in aromatibus.

SCHOLIUM.

NE fortè quis erret in secreto fermentationis, & falsâ quadam opinione, de eâdem conceptâ, opus potius per ipsam corrumpi, quàm corrigi & emendari existimet: author tria proponit exempla, quæ tacitè spectanda esse præcipit. Ut enim fermentum massam, coagulum lac, & moscus aromata non corrumpit in deterius, sed ut ex massa fiat panis: ex lacte caseus: & aromata grato mosci odore a corruptione & carie conserventur: Ita etiam fermentum Philosophorum materiam nostram primò corrumpit quidem, & in nigredinem ipsam convertit: non tamen, ut eò redactum opus ita in nigredinis morte relinquatur: sed potius tota confectionis massa, per omnes colorum mutationes fermentetur ac tingatur. Calor namq; agens in humido primò efficit nigredinem: & calor in sicco causat albedinem: nec non in albo citrinitatem & nimiam rubedinē. Quæ varietas colorum soli fermento adscriben-

da est: & sic corruptio unius, est generatio alterius: est q̄ fermentum, fermenti fermentum: veluti Philosophus inquit: Qui non gustaverit saporem salium, nunquam perveniet ad optatum Fermentum fermenti: fermentat enim finitum per excellentiam. Appropria ergo fermentum, quod est anima ante fermentationem, ut sit pulvis calcinatus, solutus, & induratus: quoniam si bene non preparas fermentum, nil valet tuum magisterium. Et scias, quod non est fermentum, nisi Sol & Luna, hoc est, aurum & argentum, istis Planetis appropriata. Ideo quia sicut Sol & Luna alijs Planetis dominantur, & ipsa ad suam naturam convertunt: ideo a plurimis Fermentum dicuntur. Oportet ergo fermentum in corporibus introduci: quia est ejus anima. Hacq̄ anima, vitam inducit corporibus mortuis, & imperfectis: ut simul cum vivis & perfectis vivificentur & perficiantur. Sic enim verbum Christi verum est fermentum sive anima vivificans in Lazaro mortuo, & quatri-duum jam sepulto ac fœtente. Quamprimum enim Christus dicit: EXI FORAS Lazare: ecce statim mortuus resurgit, & prodit de sepulcro. Tam efficax enim est verbum Christi, ut illico

in effectum producat id, quodcumq; per illud
pronuncietur. Quod infinitis propemodum ex-
emplis, tam ab ipso Christo, quam à suis disci-
pulis, alijsq; sanctis viris atq; Prophetis, prae-
stis, passim in sacris comprobatur literis. Et hoc
est integrum ac verum verbum Dei ex perfe-
ctâ & verâ fide profectum. Ideò etiam essen-
tialiter statim per id efficiunt omnes sancti,
quicquid volunt. Multi equidem hodiè glori-
antur in hoc verbo, sed dum putant se integrũ
ac verum habere, vix ac ne vix quidem di-
midium sunt adepti. Nam ab ipsorum effectis si-
ve fructibus, manifestè cognoscimus, ipsos non
habere nisi nudam literam, & mortuam um-
bram verbi, nequaquam verò ipsam verbum
verũ, essenziale & efficax: adeò ut merã paleam
vacuã, granisq; careat, triturare videatur.
Si enim verum haberent, etiam per illud de-
monstrarent effectus, similes effectis verbi, ab
ipso Christo, ab apostolis & alijs viris sanctis
prolati. Lumen enim, quod non lucet, nec aë-
rem finitimum collustrat, non est lumen, sed
luminis tantum inane & sterile nomen. Lu-
men autem lucem simul ac splendore rebus af-
ferens, hoc verò luminis verũ & essenziale no-
mẽ meretur. Quamobrẽ sicut hodiè infinitus est

numerus eorum, qui hoc inani & sterili verbo utuntur ad lucrandum tantummodo panem pro corpore suo alendo: paucissimi autem sunt, imò vix unus atq; alter, qui hoc verbum efficaciter & essentialiter adhibeat tam pro sua quam aliorum animarum salute: ita etiam ingens est alchymistarum deploratorum multitudo, qui artem Chymicam exercentes solummodo inharent rebus sive fermentis mortuis, & particularibus quibusdam sophisticationibus: pauci verò reperiuntur, qui vivam & efficacem Naturæ essentiam, & universalem omnium corporum medicinam, legitimo modo inquirunt atq; scrutantur.

HERMES.

Certus aurei color ad rubedinem, & natura non est dulcedo, ideò de eo sericum constituimus, quod est Ixir: & de eo constituimus encaustum, quod scripsimus, & si illo regis lutum tingimus, & in eo colorem coeli posuimus, qui se videntibus visum augmentat.

SCHOLIUM.

Quamvis non satis constet, quid author velit per dulcedinem & sericum: inferius tamen sese explicat, adeò ut facile conjectari

Et ari liceat, id esse fermentum aureum ad rubedinem: cuius descriptionem vel adumbrationem potius per encaustum, hoc est, figuras, similitudines, & tropicos loquendi modos, haec tenus in his capitulis tradidit. Notandum autem hic est, sigillū regis, hoc est, auri sive Solis, quod lutum, hoc est, est massam mercurialem tingit, esse unum ex secretis sapientum. Vnde etiam à quibusdam, dicitur sigillum sapientum: vel sigillum Hermetis sive Mercurij. In quo inquirendo multi haec tenus, sed plerique in vanū laborarunt. Non enim id est cera Hispanica, neq; suber, neq; colla sive gluten, neq; luti quoddam genus, quo vasa vitrea, terrea, aut alia huius generis perlutantur, vel obturantur: sed est quadam naturae dispositio certa, ad cuius legem infallibilem res in vase Philosophico inclusa, suis obsignantur proprietatibus ac coloribus, usq; dum omnium facta fuit apparitio, & tandem etiam prodeat exoptatissimus ille color Cyaneus sive caelestis, qui salutari splendoris sui efficacia, visum intuentis non obscurat aut obtundit, veluti fieri videmus ab externo Solis splendore: sed acuit potius eum, ac roborat: neq; hominem suo visu enecat, ut Basiliscus: sed potius morti jam pro-

R 3

rimos,

ximos, profuso proprio sanguine revocat, & pristina vite incolumitate ipsis restituit, ut Pelecanus. Dicitur enim Pelecanus rostro suo in gyrum flexo, proprium odere pectus & sanguine inde effluente, pullos suos mortuos irrigare, & sic vite restituere. Unde Chymici instrumentum quoddam habet de stillatoriis, quod huiusmodi Pelecani gyri circuli vè formam refert. Sed admonendi hic sunt veri artis indagatores de hoc Pelecano, magnum arduumque secretum in illo à Philosophis occultatum esse. Sicut enim Pelecanus avis est viva, non mortua, ita etiam Philosophi ad magisterium suum postulant corpora non mortua, sed viventia, hoc est, spiritualia, & summam vitalium facultatum fecunditate praeita. Sicut etiam sanguis effluens ex pectore mortuis pullis reddit vitam: ita viriditas nostri Leonis rubei, vitam in mortuis & obscuris metallorum corporibus consopitam resuscitat, eaque pristino splendori & claritati restituit. Et sicut tandem sanguis ille non elicitur, nisi factoprius ab ipso Pelecano gyro sive circulo: dum enim rostrum applicat pectori, totum collum cum rostro flectitur in circularem formam: sic artifex verum & tingentem Leonis sanguinem evocare non poterit, nisi prius spiri-

Spirituum circulatio siue destillatio circularis fiat: hoc est, exterius intro, interius foras: item inferius sursum, & superius deorsum pellatur: ita ut exterius & interius: inferius & superius simul in uno circulo conveniant, neq; amplius cognoscas, quid vel exterius, vel interius, inferius vel superius fuerit: sed omnia sint unum in uno circulo siue vase. Hoc enim vas est Pelecanus verus Philosophicus, nec alius est in toto mundo querendus: ac sine hoc frustra laborabit omnis falsarius alchymista. Sed ut melius intelligantur ea, qua modo dicta sunt, hanc placuit sequentem subscribere figuram.

C



E

A est interius, & tanquam principium & fons, à quo reliquæ literæ defluunt: & simul etiam finis ultimus, in quem ceteræ omnes, tanquam fluvij in Oceanum siue mare magnū refluunt. B. C. D. E. Hæ quatuor significāt exterius,

R 4

C. F.

C.F. Superius. E.G. Inferius. Quæ literæ in universum omnes A.B.C.D.E.F.G. septenarium Magicum occultum, manifestè exhibent: de quo aliàs copiosè satis à nobis tractatum fuit, ita ut supervacaneum sit, nunc plura de eo addere.

HERMES.

Aurum ergò pretiosissimus est lapis, carens maculis, temperatus quoque, nec ignis, nec aër, nec aqua, nec terra corrumpere potest fermentum universale, cuncta rectificans temperatâ compositione, quod flavi sive veri citrini coloris est.

SCHOLIUM.

Jam apertè fatetur author, aurum Philosophorum esse lapidem pretiosissimum, longèque plures dotes, & munera ipsi tribuit, quàm vulgare possidet aurum. Et ut de cæteris nihil dicamus, manifestum hic apparet discrimen inter aurum Philosophorum & vulgare: quòd vulgare lapidis pretiosissimi nomine, nullo jure appellari possit: siquidem simplici perfectione tantum ornatum, à corporeâ illâ coagulatione nondum sit liberatum: Et quamvis sit purum, temperatum, & ab ignis, aëris, aqua vel terra

terra injurijs tutum & immune: non tamen
ut fermentum universale, cuncta ad tempe-
ratam naturam reducere potest: sicut flavus,
verusq; ille citrinus color, hoc est, auri essentia
quinta sydereâ & cœlestis, à corpore suo crasso,
impuro, ac terrestri segregata:

Si sapias, umbrarum fuge mortua corpora.

Namq;

Constans est solus SPIRITUS: umbra fugit.

Universalitas enim sive Catholicismus non
consistit in corpore, sed in spiritu. Spiritus enim
solus penetrat omnia, quantumvis solidissima,
corpora. Sic Catholicismus religionis, seu vera
Ecclesia, non consistit in visibili quodam &
corporeo hominum cœtu: sed in invisibili & spi-
rituali, piorum ac verè credentium in unicum
Jesum Christum, consensu ac conspiratione.
Qui enim extra hunc Regem omnium regum,
verè catholicum, in quo & per quem sunt o-
mnia, quiq; solus est & unus spiritualis ve-
ra Ecclesia pastor, præsul, & episcopus summus,
subscribit particulari cuidam Ecclesie, is jam
est sectarius, schismaticus & hæreticus. Regnū
enim DEI nō venit cū observatione, sed est in-
tra nos, inquit Salvator noster ipse Luc. 17. Item
ibidem quoq; hortatur suos discipulos, ut ab

R s

cjus-

ejusmodi sectariorum seductionibus sibi ca-
 veant: ubi inquit: Venient dies, quando desi-
 deretis videre unum diem filij hominis, & non
 videbitis: & dicent vobis: Ecce hic: ecce illic:
 Nolite ire, NEQUE SECTEMINI. Ex quibus
 palam convincitur, quod certa externa secta
 non sit subscribendum: quemadmodum hodie
 fieri videmus: ubi plurimi hominum, ex nimia
 simplicitate seducti, huic vel illi sectae nomen
 suum dant, falso sibi persuadentes, se sub nu-
 mero certorum sectariorum, horum vel illorum,
 comprehensos, errare amplius non posse, sed
 certius certo inde anima beatitudinem & vitam
 aeternam reportaturos, cum neq. Ecclesia, quam
 unusquisq. sua solummodo vera esse perperam
 opinatur, errat. Unde tot dissensiones & contro-
 versie in religione repullulant, in quibus singu-
 la pars suam opinionem mordicus propugnat:
 magis autem plerique illorum occupari viden-
 tur in particularibus sive proprijs verborum
 phrasiumq. delirijs, quam in universali scri-
 ptura sacra & verbo Dei serio pieq. excutien-
 do. Si enim hujus virtutem cognoscerent, infi-
 nitae quaestiones stultas, inutiles, & vanas, quae
 non nisi contentiones & lites generant, inter-
 mitterent: & hominem haeticum post unam

&

& secundam correptionem de vitarent, scientes, quia subversus est, qui ejusmodi est, & delinquit, cum sit proprio judicio conaemnatus, Tit. 3. Sed quæres, ubinam sint illi veri Christiani, ab omni sectariorum contagione liberi? Ut tibi respondeam ad hanc questionem, velem scias, illos non esse quærendos in monte Samaria, non Ierosolymis, non Roma in Italia, non Geneva in Gallia, non Lipsia in Germania, non Cracovij in Polonia, non Praga in Bohemia, non Olsmutzij in Moravia: sed ubiq, per totum dispersos mundum, in Turcia, in Persia, Italia, Gallia, Germana, Polonia, Bohemia, Noravia, Anglia, in America, etiam ad extremos Indos. Ex omni enim natione, DEUS sibi colliget Ecclesiam. Vera autem verorum Christianorum nota hac erit propria, quod, teste ipsa veritate Christo, Joan. 4. neq, in monte hoc, videlicet Samaria, neq, Ierosolymis, neq, alibi adorabunt patrem. Sed venit hora, & nunc est, quando veri adoratores adorabunt patrem in SPIRITU & VERITATE. Nam & Pater tales quærit, qui adorēt illū Spiritus est DEUS: & eos, qui adorēt eum, in spiritu & veritate oportet adorare. Ex his igitur cognitis perspectisq, unicuiq, nunc judicandū relinquo, quænam

quinam sint illi, qui sunt sub verâ Ecclesiâ, nec ne? & ubinam locorum in hoc mundo, verus Christianismus, veraq; colatur & exerceatur religio. Factâ itaq; comparatione, idem esto iudiciû de Chymiâ verâ & falsâ: sive de universali & particulari: deq; veris & spurijis ejusdem indagatoribus.

HERMES.

Aurum sapientum coctum & benè digestum ignea aqua Ixir conficit. Aurum enim sapientum est pendentius plumbo: quod est temperatâ compositione fermentum Ixir: & è contrario distemperatû distemperatâ compositione.

SCHOLIUM.

Aurum & aqua ignea, quantumvis exquisitissimè per artem cocta & digesta, nullibi tamen perfectiora, meliora & prastantiora reperiuntur, quàm in mineris & radicibus suis: ubi nullum adhuc ignem sunt experta. Sicut in auro videre est, modo è terrâ suâ extracto, quod planè crudum adhuc existit, & à superfluitate suâ nondum sejunctum aut separatum. Unde quoq; ejusmodi aurum magis aptum est, & idoneum ad regenerationis opus. Siquidem spiritus ejus adhuc sunt liberrimi, nullaq; forti corporum coagulatione detenti.

Hinc

Hinc promptius agunt, velociusq; tinctura
 preparationem accelerant, quam si auri corpus
 prout vulgò habetur, accipiatur. Omnia namq;
 corpora, sicut & suprà mentionē fecimus, prin-
 cipijs suis viciniora, præstant ijs, quæ per diu-
 turnam coagulationem à primitivâ suâ spiri-
 tualitate & fecunditate longius recesserunt.
 Non mirandum ergo est, quòd patres primi in
 seculo aureo, quod creationi proximum & à
 benedictis & fecundis creatoris uberibus qua-
 si nondum ablaetatum, tanto virium virtu-
 tumq; vigore, hoc ferreum nostrum longè su-
 perabat, in tam multos longævitatis annos suâ
 produxerint vitam. Hominum enim corpora,
 tum temporis nondum tam fædè corrupta erāt
 à teterrimâ illâ luxuriæ bestiâ: quæ sensim per
 propagationē adeò increvit, ut in hoc ferè ulti-
 mo seculo, nihil ab eâ sanū appareat. Huic cor-
 ruptela mox successit vitæ brevitās. Vnde jam
 Nascendo morimur, penderq; ab origine finis.
 Eidem calamitatis iugo quoq; sunt metallorū
 corpora obnoxia, quæ vix è mineris suis eruta,
 statim corporeo rigidoq; mortis carcere inclu-
 duntur, ex quo nulla speranda liberatio, nisi re-
 lieta nobis esset aurea illa vitæ clavis, quâ solā
 omnes portas clausas in mortis isto carcere re-
 sera-

seramus, & captivos inde spiritus in pristinum
vita theatrum producimus. Per hanc autem vita
clavem intelligo, vitales mineralium radices, in
quas si corpora reducantur, fiunt nova regene-
rationi apta, ita ut veram ex illis tincturam tum
habere possis. Accedit insuper aqua ignea, qua
nihil aliud est, quam Mercurius Philosophorum
ex ysdem minerarum radicibus eductus. Hac a-
qua est mater, qua aurum in ventre suo conce-
ptum solvit, eique inter digerendum, debitum pre-
bet nutrimentum, donec 40 septimanis elapsis,
terminoque gestationis Philosophici foetus abso-
luto, pariendi tandem sive natiuitatis hora ad-
veniat. In fine igitur digestionis, quando nimi-
rum instat dicta hora natiuitatis, demum ori-
tur anima: non autem prius neque citius. In hoc
igitur puncto: totum est periculum.
Transacto autem hoc puncto nullum amplius
est periculum. Aurea igitur proles nostra in lucem
producta, quamvis respectu Saturni senioris,
sive plumbi, ob aetatis imbecillitatem inferior vi-
deatur, longe tamen lateque illum superat pondere,
colore, viribus, constantia ceterisque virtutum donis
Frigidis enim qualitatibus nimis corruptus Sa-
turnus propter intemperiem suam, neque ignem, neque
aerem neque ceterorum elementorum iniuriis resistere
potest. Infans autem noster fortissima & tempe-

ratissima est cōpositionis: ita ut non solū repel-
lat à se omnē vim externā, sed propter facundā
virtutū affluentiam & copiam, quā abundat,
propriorū parentū infirmitates sanat, & quēvis
corporum Mercurium in summam auri perfe-
ctionē tingit. HERMES.

PRIMū enim opus ex vegetabili fit, se-
cundū ex animali in gallinæ ovo, ma-
ximū est subsidiū, & elementorum con-
stantia, ac terra nostra aurū est, de quo o-
mne fericum constituimus, quod est fer-
mentum Isir. SCHOLIUM.

Distinguit hic author opus magnū sive ge-
nerale in duo specialia, nēpe in vegeta-
bile, & in animale, quod ultimū in gallinæ ovo
perfici ait. Sed quāvis plura & infinita huiusce-
modi opera fingantur à Philosophis: tamē non est
nisi unū verum, quod ab elementorū aequali &
temperatā permistione solum constās, firmū &
fixū est: ob quā causā maximū quoq; sanita-
tis est subsidium, nec minus inopiæ. Fundatur
autem in terrā auri, quæ meritò Isir, sive Eli-
xir, sive fermentum Philosophorum appella-
tur. Hoc autē fermentū duplex esse, paulo suprà
monuimus: Solis videlicet & Luna. Per ferme-
ntū Solis intelligitur sperma viri: & per fermetū
Luna sperma femina: ex illis fit primò cōiunctio,

postea generatio vera & casta: fermentum auri, aurum est: sicut fermentum panis, panis est. Et sicut in operatione panis modicum fermenti leuat & fermentat magnam copiam pasta: ita etiam illud modicum terra, quod continet iste lapis, sufficit ad nutrimentum totius lapidis. Unde Avicenna inquit: Fermentum reducit sibi appositum ad sui naturam, colorem, & saporem ad omnem modum, videlicet de potentia in actum. Nam confectionem dealbat, seu multiplicat, spiritualitatem corroborat, combustionem annihilat, tincturam continet, ne fugiat, corpora leuiat, & se invicem facit ingredi, & coniungit, quod finis est operis, sine quo Elixir non peragitur, quemadmodum pasta sine fermento non fermentatur: quod dicitur fermentum fermenti, & coagulum coaguli. Non enim fermentat tantum corpora inferiora & imperfecta, sed ipsum quoque aurum reddit de perfecto corpore plusquamperfectum: estque secundissima mater, quae, quod saepius impraenatur, tanto pluries concipit ac parit: & in infinitum suae speciei prolem propagat. Ipsa sola est clavicula, quae claudit & aperit: & iterum claudit, & nemo aperit sine qua clavicula nemo in hoc seculo potest pervenire ad perfectionem huius scientiae.

Finis capituli septimi.

Con-

Conclusio totius tractatus.

IÆc sunt, vir Nobilissime ac magnifice, fautor & Mecænas observande, quæ de ptem hujus tractatus capitulis, in tui gratiam commentari visum fuit. Utinam quid in me est, quo grati erga te animi significationem, tantulamcunq; ponere possem: me haberes atq; ad omnia paratissimum. In Galliam enim quoties te advenisse audiebam, toties summo perfusus gaudio ac lætitiâ, mihi unicè gratularar. Ut enim de cæteris tuis meritis jam nihil dicam, quibus me multis tibi modis obstrinxisti: ex solâ tuâ conversatione & colloquio quotidiano, à quo me discendi avidum non tantum non repellebas, sed amicè potiùs invitabas, & humanissimè insuper rogabas, in cursu meo Philosophico tantum hausi utilitatis, ut cum Alexandro Magno verè mihi nunc liceat dicere: vivendi me principium à patre, benè vivendi autem à te accepisse: ita ut generatus quidem à patribus, nunc verò per te ab Eliano quodam vel divi nopotiùs spiritu regeneratus planè videar. Hanc autē laudē quamvis tibi imprimis tribuam, nolo tamen inficiari, me quoq; aliorum plurium adhuc virorum doctissimorum colloquijs interfuisse, tam in Gallijs, quàm in Germaniâ, quæ ubertate quidem, & fertilitate maximorum, & præstantissimorum ingeniorum, alias regiones in

S

ab-

abstrusis ejusmodi artibus indagandis quodam-
modò languidam, ne dicam pigram, & omnino
torpescientem, longo post se intervallo relinquit.
optandū sanè esset, ut alij, honestā quādam amu-
latione perciti, hac in parte Germanorum in-
dustriam & solertiam summam imitarentur.
Non enim honori & laudi tantum, sed maximo
quoq; emolumento id futurum esset cōmuni pa-
triæ. Cum igitur, ut dixi, tibi imprimis accep-
tum feram omnem studiorum meorum fructum;
equum esse duxi, tibi eorundem, quoque pri-
mitias, pro debitā gratiarum actione con-
secratas atque dicatas offerre. Quicquid
autem hoc tandem sit, rogo ne patiaris in alie-
nas incidere manus: antequam, pro tuo, quo
polles, ingenij acumine, & solidā rerum expe-
rientiā probè examinaveris, & limis tuis politif-
simis & exquisitissimis, splendidius & magis ex-
ornatum reddideris. Sin verò accidat, ut ad a-
liorum quoque manus perveniat, & aliquis exi-
stimet, non omnino sibi satisfactum in quibus-
dam vocabulis obscurioribus, barbaris, & exo-
ticis explicandis: velim ne tam severo id judicio
malè vertat: sed culpam potius transferat in
eum, qui scriptum hoc, ex nativo sermone, non
latinius puriusvè traduxerit. Interim tamen
operam pro ingenij nostrā tenuitate sedulam
navimus, ut Philosophiæ studiosis, veritatis for-
tem, si non in minutissimis syllabarum & dictio-
num apicibus, tamen in generali totius operæ
explic

explicatione, fatis apertè commonstraremus. Sin verò quis dilucidiorē rei demonstrationem postulat, iniquum hoc Philosophis videbitur postulatū. Secretissima enim est nostra scientia, nec nisi secretorum initiatis & Philosophiæ mystis propriè convenit. Ex his si unus fuerit per electionem divinæ providentiæ vocatus, nihil ampliùs morabitur qualescunq; locutiones, quantumvis maximè ambiguas & obscuras: sed in medijs his fallaciarum tenebris, illucescens solum veritatis lumen observabit, quo duce omnia ipsi succedent in bonum & exoptatum eventum. Viam ad hoc lumen unica parat pietas. Finge te tanquam ferrum, cupidum esse, per attractionem magnetis alicujus divini, in profundam hujus secretissimi mysterij scientiam descendendi: sed viam præ vitiorum multitudine, quæ tanquam corpus densum, inter Deum, verum piorum magnetem, & te, interponuntur, occlusam esse. Quid hinc aliud agendum censes, nisi ut vitiosum peccatorum corpus tollas, quo sublato radij hujus divini magnetis, statim te splendidissimo collustrabunt fulgore, mentemque tuam nebulosam ab omnibus obscuritatibus, & errorum tenebris penitus vindicabunt. Ego enim, inquit Christus, Salvator noster, lux in mundum veni, ut omnis, qui credit in me, in tenebris non maneat. Ambula igitur in luce, dum lucem habes, ut filius lucis sis, nec te tenebræ comprehendant. Joan. 12. Credere

S 2


autem

autem in Christum, non est tantum ore fateri, *Credo*: quod potius temeraria quædam confidentia, quàm vera fides appellari meretur. Nisi enim cor simul cum ore, & opera cum confessione conspirent, fides hæc mortua & instar lucernæ, cujus lumen extinctum, inutilis & vana habetur. Quemadmodum enim è diametro inter se pugnant, lucere, & non lucere, sive lux & tenebræ: ita fides vera distat ab orali sine operibus. Ex quibus differentia spectatur maxima inter Chymicæ studiosos veros & spurios. Qui enim ambulant in veritate, veritatem consequuntur: qui verò luce hac relictâ, externam tantum splendoris umbram sectantur, ad veritatis lumen nunquam perveniunt. Quoniam igitur maximam hominum partem videmus, umbrâ potius, quàm rei essentiâ delectari, hoc est, delicijs hujus mundi caducis plures esse deditos, quàm perio pietatis studio: non mirum est, quin maxima sit raritas eorum, qui voti sui compotes fiant. Multi enim sunt vocati: pauci verò electi. Et sicut terra magnam copiam luti suppeditat, unde sit fictile: parvum autem pulverem, unde aurum sit: sic etiam est conditio præsentis seculi. Multi enim creati sunt: pauci autem salvabuntur. Esdra 4. cap. 8. Quamobrem sicut ab initio hujus tractatus exemplum Hermetis, hujus disciplinæ studiosis imitandum proposuimus: ita nunc in fine idem propositum alterius Philosophi, nempe Alani testimonio confir-

confirmatum volumus: qui in libelli sui, de lapi-
 de Philosophico, principio, ita artis alloquitur
 discipulos: Ad DEUM, inquit, mi fili, & cor, &
 mentem convertito, quàm ad artem magis: ipsa
 enim donum DEI summum est, cuique benepla-
 citum fuerit, eam largitur. DEUM igitur ex to-
 to corde totaq; anima tua diligit, atque in eo
 solo & spe & fiduciam omnem locato, sic procul
 omni dubio hac arte nobilissimâ
 cum gaudio perfruere.




DEO SOLI GLORIA.



S 3

Si




Si adhuc hominibus placerem, Christi servus,
non essem. Gal. 1. Nihilominus tamen, si
malè locutus sum, testimonium perhibe de malo:
sin autem benè, quare me cadis? An quid
tanquam Aquila spuria radios solares aspicere
nequeas? an quod prorsus datus sis in repro-
bum sensum. Sed stultum si contudere in mor-
tario quasi ptisanis, feriente de super pilo, non
tamen auferetur ab eo stultitia ejus. Pro-
verb. 28.

Aperi, quaeso, ò J E H O V A H, oculos e-
orum, ut videant. 2. Reg. 6.



F I N I S.





LIPSIÆ,




Valentinus Am Ende imprimebat.

ANNO M. DC. X.







31e

Wannes
Molhem